

冊府元龜

巡按福建監察御史臣李嗣京 訂正

分守建南道左布政使臣胡維霖 叅閱

知建陽縣事臣黃國琦較釋

帝王部 六十一

立制度第二

唐文宗太和元年五月癸酉左神策軍奏當軍請鑄南山採造印一面

二年六月四方館奏請賜印一面仍以中書省四方館為名許之

三年十二月己未以董重質克神策諸道行營西川節度使奏請置印一面從之

四年六月飛龍廐襄城羣牧請鑄印可之

是月左右神策軍奏當軍於鳳翔扶風縣營田採造寶雞縣採造斜谷南山吳山寶雞扶風營田共四所各請鑄印並可之

五年四月內外各省使奏請鑄印從之

是月麟州刺史崔應奏刺史銅魚去貞元十七年蕃寇陷州城因以失墜自後刺史多是權知因循久不陳請今請勅所司鑄賜從之

六年六月戊寅右僕射王涯准勅詳度諸司制度條件等禮部式親王及三品已上若二王後服色用紫飾以玉五品已上服色用朱飾以金七品已上服色用綠飾以銀九品已上服色用青飾以鍮石庶服綠及青人謂經職事官成及食祿者其用勳官及爵並諸司依出身品仍各佩刀礪紛悅流外官及庶人服色用黃飾以銅鐵其諸親朝賀宴會服飾各依所准品諸司一品二品許服玉及通犀三品許服花犀及班犀及玉又服青碧者許通服綠餘請依禮部式諸部曲客女奴婢服通服青碧其命婦客女及婢聽同

庶人奴及部曲請許通服黃白皂其命婦准格客女及婢得同庶人其衣服婢及庶人女婦請兼許服夾纈丈夫請通服黃白如屬諸軍使司及屬諸道任依本色日流例其女人不得服黃紫爲裙及銀泥罽畫錦繡等餘請依令式其袍襖制度三品已上伏請許服鶻銜瑞草鴈銜綬帶及對孔雀綾袍襖四品五品伏請許服地黃花及交枝綾六品已上朝參官許服小團窠綾及無文綾隔織紗獨織等克除此色外應有奇文異制袍襖綾等並請禁斷其中書門下省尚書省御史臺及諸司三品官並請勅下後一月日改易

應諸嘗參官限勅下後兩月日改革餘非嘗參官並許五月日改革外州府以勅到日起限其衫布制度內外文武嘗參官及供奉官外州府四品已上官請許通服絲布仍不得有花紋餘請一切禁斷其花絲布及撩綾除供御外請委所在長吏禁毀訖當日聞奏其不合服絲布者請勅下後限一月日內並須改易丈夫袍襖衫等曳地不得長二寸已上衣袖不得廣濶一尺三寸已上婦人制裙不得濶五幅已上裙條曳地不得長三寸襦袖等不得廣一尺五寸已上婦人高髻險粧去眉開額甚乖風俗頗壞嘗儀費用

金銀過爲首飾並請禁斷其粧梳釵篋等伏請勅依貞元中舊制仍請勅下後諸司及州府榜示限一月內改革又吳越之間織造高頭草履織如綾縠前代所無費日害功頗爲奢巧伏請委所在長吏當日切加禁絕其諸綵帛縵或高頭履及平頭小花草履旣任依舊餘請依所司條流准儀制令諸軍一品已下五品已上皆通憶六品已下皆不用憶者令非册拜及婚會並不用憶又准六典及禮部式諸文武赴朝諸府遵從職事一品及開府儀同三司驃騎大將軍聽七騎二品及特進五騎三品及散官三騎四品五品兩騎六品已下一騎其散官及以禮去官五品已上將從不得過兩騎若京城外將從不在此限今約品秩職事官一品職七騎二品及中書門下三品五騎三品及中書門下御史臺五品尚書省四品三騎四品五品兩騎鞍通鍮石裝其散官及以禮去官者五品已上不得過一騎若京城外及勲績顯著職事繁重者不在此限七品已下非嘗參官並不得馬從未任者聽乘屬馬鞍用烏漆裝右請一品二品九騎三品七騎四品五品兩騎六品一騎其京城應繁重者不在此限六品已下非嘗參官不得以馬從六品

已上非嘗參官周親未任者聽乘馬餘未任聽乘屬馬小馬鞍用烏漆裝其胥吏雜色人不在此限其鞍轡裝飾據所司條流得用銀者四品以下並得許用垂頭押胯其用銀鑰石者並不得用鬧裝其軍容隊伍要資華飾不在此限餘並依所司條流准少府式公主出降犢車兩乘一金銅裝郡主犢車兩乘一銅裝縣主犢車兩乘一銅裝又准鹵簿令外命婦一品厭翟車六乘二品三品白銅飾犢車一從車四乘四品白銅飾犢車一從車二乘者今此附前件令式參酌今時之宜婦人本來乘車近來率用檐子事已成

俗教在因人今請外命婦一品二品中書門下三品母妻金銅飾檐子昇不得過八人三品金銅飾犢車金銅飾檐子昇不得過六人非尚書省御史臺卽白銅飾檐子昇不得過四人四品五品白銅飾犢車白銅飾檐子昇不得過四人六品已下畫奚車檐子昇不得過四人胥吏及商賈妻子並不乘奚車及檐子其老疾者聽乘葦輦

步本反也車橫木

車及篋籠昇不得過

二人庶人准此右伏緣白銅先已禁斷今請應合用銅者通用鑰石胥吏商賈妻女老疾者聽乘座車及葦輦車餘並請准所司條流處分商人乘馬前代所

禁近日得以恣其乘騎雕鞍銀鐙裝飾煥爛從以童騎騁以康莊此最爲僭越伏請切令禁斷庶人准此師僧道士除綱維及兩街大德餘並不得乘馬請依所司條流處分准營繕令王公已下舍屋不得施重拱藻井三品已上堂舍不得過五間九架仍廳厦兩頭門屋不得過三間五架五品已上堂舍不得過五間七架亦廳厦兩頭門屋不得過三間兩下仍通作鳥頭大門勳官各依本品六品七品已下堂舍不得過三間五架門屋不得過一架兩下非嘗參官不得造軸心舍及不得施懸魚對鳳瓦獸通拱乳梁裝飾

祖父舍宅蔭子孫雖蔭盡仍聽依舊居住天下士庶公私第宅皆不得造樓閣臨視人家近者或有不守勅文因循製造自今已後伏請禁斷庶人所造堂舍不得過三間四架門屋不得過一間兩架下仍不得輒施裝飾准律諸營造舍宅于今有違者杖一百雖會赦皆令改正之其物可賣者聽賣若經赦後百日不改去及賣論如律又准大曆六年十二月十一日勅京城內坊市宅舍輒不得毀拆今若頓令改去恐爲倍費其已成者許不毀拆自今已後宜令禁斷應制度衣服車乘器用宮室等其諸軍諸使職掌官等

並請約文武官例各委本軍本使以職掌高下約爲等第比類聞奏應三省御史臺兩京諸司及諸道在城職掌官等諸不許用本官本品例仍並不得服犀玉及車馬不得飾以金銀應諸色條件伏請委御史臺知彈御史兩巡使京兆尹及東都留守河南尹留臺御史外州府長吏准條件月日切加糾察如有違越沒入所犯物仍量加決責其嘗參官品聞奏其在城諸軍諸使各委本司勾當如本司勾當不及者委臺司覺察聞奏以前臣涯等奉勅令臣等同爲詳定酌中奏聞者伏以法惟無作作則必行令貴在寬寬則可久今臣等約所司條件令式舊章從俗酌宜務遵中道詔曰理道所關制度最切近者風俗踰侈歲月滋甚人隳本業用多費財爰命有司載舉彝制務從簡朴度可久行將使尊卑有倫刑罰少息其喪葬婚嫁吉凶禮物皆有著定尤聞僭差雖不在條件之物亦委所司准令式勾當仍切加捉搦不得輒有容縱軍國異容古今通禮禁軍仗衛雜飾及諸道節度等使應緣軍裝衣服卽不在此限或有留令慢法委御史臺彈奏當坐長吏用清頽風帝自御極躬自儉約將革奢侈之弊遂命有司示以制度勅下之後浮

議囂騰京兆尹杜棕於勅內條件易施行者奏請仍寬其限事竟不行公議惜之

八年八月乙酉詔嘗參官私事請假者罷給乘傳

九年三月庚午左丞陳敬休卒癸酉詔曰官至丞郎

皆朕所委不幸云亡宜其為之廢朝况朝會班列本

在諸司三品之上比限近勅或乖通理昨因敬休殞

喪載深傷惻自今丞郎宜准諸司三品官罷朝一日

九年甲子詔京諸司少卿監少尹等並大卿監大尹

分曹視事同禪大政河南太原等七州少尹及大都

督府左右司馬諸州上佐等亦如之並從憲司之請

十二月勅創造諫院印一面以諫院之印為文

諫院舊無

印苟有章疏各于本司請印諫官有印人多知之至是特勅置印兼詔諫臣凡所論事有關機密宜別以

狀列之不須以官銜給署

開成元年五月集賢殿御書院請鑄小印一面以御

書為文

二年十二月幽州節度使史元忠奏當管八州准門

下牒追刺史右魚各一隻臣勘自天寶末年頗有兵

戈並多失墜伏乞各賜新銅魚可之

三年四月中書門下奏宰相帶平章事出鎮請朝官

為幕府自今已後不得過五人官至侍御史已上即

許兼奏章服從之

武宗會昌三年五月勅諸道節度使隨身不得過六十人觀察使不得過四十人經畧都護不得過三十人永爲定式

宣宗大中四年五月御史臺奏准今年正月一日節文今欲條流京百司見任官但請假往處計程限一月已上者便請從發日准節文逐貫尅二百文克給承後判察官如在一月內參假者不在此限從之

五年正月中書門下奏加恩使請准會昌三年六月勅所受禮例不過三千疋仍請頒示天下諸道從之

哀帝天祐二年四月詔曰東上西上二閣門制置各別至於嘗事則以東上居先或大忌進名遂用西閣爲便同於禮式何表區分頃緣閣監擅權乃以陰陽取位不思南面但故西門邇來相承未議更改詳其稱謂似爽規儀自五月一日已後嘗朝取東上閣門或遇忌日奉慰卽開西上閣門永爲定制

三年六月勅文武百寮每月一度入閣於貞觀大殿朝廷正衙遇正至之辰受羣臣朝賀比來視朔未正規儀今後於崇勳殿入閣付所司

後唐莊宗同光二年正月辛亥中書奏准本朝故事

如封建諸王內命婦及宰相翰林學士中書舍人諸道節度觀察團練防禦留後郎中書帖官告索綾紙票軸下所司書寫印署畢進入宣賜其文武兩班並諸道官員及奏薦將較勅下後並合是本道進奏院或本官自於所司送納朱膠綾紙價錢各請出給伏自偽廷皆隳本朝事例每降文字下中書不分別重輕便令官給告示遂致所司公事全失規程自今後如非前件事例並請官中不給告示其內司大官並侍衛及賞軍功將較轉官卽不在此限所與受宣賜者倍榮恩渥非事例者不敢希求一則致顯辨尊卑一則免無名費耗從之

二月詔應於諸道見使斗秤並是偽朝所定宜令所司別造新朝斗秤頒下諸道其見使者納官毀廢八月中書奏偽廷之時諸藩參佐皆從除授自今後諸道除節度副使兩使判官除授外其餘職員并諸州軍事判官各任本處奏辟其軍事判官仍不在奏官之限所與招延之禮皆合於前規簡辟之間無聞於濫舉從之

九月詔今後支郡公事須申本道本道騰狀奏聞租庸使合有徵催只牒觀察使貴全禮體

三年正月戊戌勅兵吏部以臺省禮錢爲名所司妄有留滯在京者遽難應付外來者固是淹延須至條流莫絕訛弊自此後特恩授官侍衛軍功改轉內廷諸司帶職外來進奉闕廷綾紙並宜官給無令收買舊例朱膠一切停廢禮錢亦不徵取又慮所司因闕人吏不辦食直糧課逐月兩司各支與錢四十貫文至於臺省禮錢宜特蠲減比舊數五分許徵一分其特恩已下並不得徵納禮錢仍令中書門下條流勅畫經過諸司無至停滯其官告如是宣旨除授及品秩合進呈者准例送回餘並送納中書門下點簡給付勅書到本司十通已上官限三月內印署了三十通已上限五日五十通已上中書門下與催促如臨時緩急宣賜不拘此限少府監鑄造印文元屬禮部兩司無有推注停滯諸道使臣廣徵銅炭價錢納後別須邀索自此凡鑄印宜令本司限勅到五日內進呈不計諸道在京並不得徵納銅炭價錢所破料物並計數於租庸院請領仍預嘗給付價錢使盡計帳于租庸院更請或有故違必行典憲

明宗天成元年七月辛未勅三京諸道節度團練防禦使刺史文武將吏州縣職員皆進月旦起居表起

今已後除節度使留後團練防禦使唯正至進賀表其四孟月並可止絕式叶舊儀八月勅藩鎮幕職皆有舊規奏薦官寮須循前例苟或曠紊難止弊訛承前使府奏請判官率皆隨府除移府罷亦罷近年流例有異前規使府雖已除移判官原安舊職起今已後若是朝廷除授者卽不許使府除移如是使府奏請卽皆隨府移罷舊例藩侯帶平章事者所奏請判官殿中丞已上許奏緝中丞已上許奏紫今不帶平章事處亦同帶平章事例處分如防禦團練使奏請判官自員外郎以下不在奏緝之限其所奏判官州

縣官並須將歷任告身隨奏至京如未曾有官假稱試攝亦奏狀內分明署出如藩鎮留後及權知軍州事並不在奏請判官之限如刺史要奏州縣官須申本道請發表章不得自奏近日判官奏請從事本無官緒妄結虛銜不計職位高卑多是請兼朱紫不唯紊亂實故倖求宜令通下諸道州府切准勅命處分十一月甲戌吏部侍郎劉岳奏凡在立朝悉是爲臣之責每蒙進秩咸加報上之忠奉勅命以遷升固當感并降綸言而褒飾或未捧觀將使知罷陟之跡認訓誥之旨必在各頒官告令覩制詞處班列以增光

傳子孫而永耀伏請自今凡有除轉登朝官已上在京閣門宣賜在外則付本州使賜之物旨朝官素有品秩不可一例頒宣文班三品已上丞郎給合諫議

武班大將軍已上宜賜官告

舊例吏部出告身納出朱膠紙軸錢分給朝臣

或親舊者隨即給付而官貧不辦者但領勅牒而已喪亂之後因以為嘗朝臣多不出告身制下之後中書但收其制辭編為勅甲本官不見獎飭之詞故有是奏勅旨不編班得事體也其後執政者相與謀罷朱膠紙軸之例以為天下吏員無多除拜以簡給膠軸之費歲不過數萬國家既錫以祿位而邀其膠紙之直是巨細不相稱也因奏覆凡中外官除拜並宜賜官告然執政之議雖善蓋圖其始不料其終何者同光世至天成初官爵之命在於除授中外正員官其餘侍御帖號則寵徽軍中將較而已自長興已來除授日多上至軍中卒伍下迨州使鎮戎簿籍胥吏之流皆有銀青官憲之號每歲給賜告身動盈數萬

非止膠紙之虛費財力而又賞激之道難以勸功以臣料終則知執政圖始之非善也勸作事謀始凡執政者慎圖之

二年正月詔曰亂離斯久法制多隳不有舉明從何禁止而衣服羈馬之流多踰品式起今後三京及州使職員名目是押衙兵馬使指揮使騎馬使得有暖坐諸部軍將衙官使下係名籍者只得依紫皂庶人商旅只著白衣此係不得參雜兼有富戶或投名於勢要以求影庇或希假攝貴免丁徭須議條流以懲踰越如有此色人仰所在禁勘追索所受文書申奏當行嚴斷以肅奸欺

四年正月，中書奏凡外朝官，此後並令中謝從之。
長興元年七月，勅諸道得替防禦團練等使及刺史，
到京朝見後，並宜班行比擬。如未有員闕，可令隨營
參官逐日至。

十月，給事中崔衍奏：當省給納諸州銅魚，勘問本行
令史狀稱：內庫每州有銅魚八隻，一隻大七隻小兩
隻，右五隻左其右銅魚一隻，長留在內，留一隻在本
州庫。逐季申報平安。左魚五隻，皆鑄次第字號。每新
除刺史到郡後，卽差人到當省請領左魚。當司覆奏
內庫次第出給左魚一隻，當省責領分付到州集官。
吏取州庫右魚，契合却差人送左魚納省。如別除刺
史州司，又請次第左右周而復始。臣以州司差人請
魚往來，須有煩費。請此後所除刺史在京受命，或經
過都城者，可令自牒當省，請左魚齎歸本郡，契合然
後差人納省，所與稍免煩勞。從之。

二年四月己巳，勅朝臣居喪終制，委御史臺具姓名
申奏。諸道賓從除喪後，各宜行恩。命州縣官纔受新
命及到任一考前，丁憂者服闋日除官。

十月丙寅，勅皇王御宇，切在推恩。臣下盡忠，皆思勵
節。顯祖宗於奕世，耀妻子以榮家。位有高低，事無偏

黨方當景運務洽羣心將弘莫大之規宜定維新之制自此在朝臣寮及藩侯郡守據理例合得追贈者新受命後便於所司投狀旋與施行封妻蔭子准格合得者亦施行兼自中興以來外官曾任朝班據在朝時品秩格例合得封贈叙封未霑恩命者並與施行其叙封妻室品蔭子孫等仍令所司一一具格式申奏其或應得而不與之者罪在所司官吏其餘進馬齋卽遇有員闕據資蔭合得先受官者先與收補後受官者據月日依次第施行如或徇私公然越次本人本司官吏當行責罰仍令御史臺嘗加訪察不得輒有違越庶激爲臣爲子盡孝盡忠各守公方共禪皇化

三年正月戊申中書門下奏見任宰臣四員外其餘諸使兼侍中中書令平章事並是使相向來班序皆在見任宰臣之下今緣秦王從榮是親王新加兼中書令與諸使相不同每遇排班及到中書位次今特商議伏以政事之權雖崇四輔周行之列亦長諸王宜顯奉於本枝固不同於異姓今後望請親王官至兼侍中中書令則與見任宰臣分班定位宰臣居左諸王兼侍中中書令居右如親王及諸使守侍中中

書令亦竝是使相既不知印不署勅亦分行居右其餘使相請依舊規從之

壬子太常禮院奏衣服制度准

貞觀四年八月十四日詔曰冠冕制度已備令文彛嘗服飾未為差等於是三品已上服紫四品五品已上服緋六品七品以綠八品九品以青婦人從夫之色仍通服黃至五年七月一日勅七品已上服龜甲雙巨十花綾其色綠九品已上服絲布及雜小綾其色青又咸亨五年五月十日勅如聞在外軍人百姓有不依令式遂於袍衫之內着朱紫青綠等色短衫襖子或在間野公然露服貴賤莫辨有蠹彝倫自今已後衣服上下各依品秩上得通下下不得僭上仍令所司嚴加禁斷

又武德四年七月十六日制三品已上服大料細綾及羅其色紫五品已上服小料細綾及羅其色朱六品已上服絲布雜小綾交梭其色黃七品八品九品流外庶人服細綾純布其色黃白者又永徽三年八月十四日詔魚袋之制恩榮所加本緣品命帶魚之法事章要重者臣今詳酌本非朝命不得輒懸魚袋內外臣僚所衣朱紫服飾降於近代不越時宜將徒

加封建諸王內命婦及宰相翰林學士中書舍人諸道節度觀察團練防禦留後郎中書帖官告案綾紙票軸下所司書寫印署畢進入宣賜其文武兩班並諸道官員及奏薦將較勅下後並合是本道進奏院或本官自於所司送納朱膠綾紙價錢各請出給伏自僞廷皆隳本朝事例每降文字下中書不分別重輕便令官給告示遂致所司公事全失規程自今後如非前件事例並請官中不給告示其內司大官並侍衛及賞軍功將較轉官印不在此限所與受宣賜者倍榮恩渥非事例者不敢希求一則攷顯辨尊卑一則免無名費耗從之

二月詔應於諸道見使斗秤並是僞朝所定宜令所司別造新朝斗秤頒下諸道其見使者納官毀廢八月中書奏僞廷之時諸藩參佐皆從除授自今後諸道除節度副使兩使判官除授外其餘職員并諸州軍事判官各任本處奏辟其軍事判官仍不在奏官之限所與招延之禮皆合於前規簡辟之間無關於濫舉從之

九月詔今後支郡公事須申本道本道騰狀奏聞租庸使合有徵催只牒觀察使貴全禮體

三年正月戊戌勅兵吏部以臺省禮錢爲名所司妄有留滯在京者遽難應付外來者固是淹延須至條流與絕訛弊自此後特恩授官侍衛軍功改轉內廷諸司帶職外來進奉闕廷綾紙並宜官給無令收買舊例朱膠一切停廢禮錢亦不徵取又慮所司因闕人吏不辦食直糧課逐月兩司各支與錢四十貫文至於臺省禮錢宜特蠲減比舊數五分許徵一分其特恩已下並不得徵納禮錢仍令中書門下條流勅畫經過諸司無至停滯其官告如是宣旨除授及品秩合進呈者准例送回餘並送納中書門下點簡給付勅書到本司十通已上官限三月內印署了三十三通已上限五日五十通已上中書門下與催促如臨時緩急宣賜不拘此限少府監鑄造印文元屬禮部兩司無有推注停滯諸道使臣廣徵銅炭價錢納後別須邀索自此凡鑄印宜令本司限勅到五日內進呈不計諸道在京並不得徵納銅炭價錢所破料物並計數於租庸院請領仍預嘗給付價錢使盡計帳于租庸院更請或有故違必行典憲

明宗天成元年七月辛未勅三京諸道節度團練防禦使刺史文武將吏州縣職員皆進月旦起居表起

今已後除節度使留後團練防禦使唯正至進賀表其四五月並可止絕式叶舊儀八月勅藩鎮幕職皆有舊規奏薦官寮須循前例苟或隳紊難止弊訛承前使府奏請判官率皆隨府除移府罷亦罷近年流例有異前規使府雖已除移判官原安舊職起今已後若是朝廷除授者卽不許使府除移如是使府奏請卽皆隨府移罷舊例藩侯帶平章事者所奏請判官殿中丞已上許奏緋中丞已上許奏紫今不帶平章事處亦同帶平章事例處分如防禦團練使奏請判官自員外郎以下不在奏緋之限其所奏判官州

縣官並須將歷任告身隨奏至京如未曾有官假稱試攝亦奏狀內分明署出如藩鎮留後及權知軍州事並不在奏請判官之限如刺史要奏州縣官須申本道請發表章不得自奏近日判官奏請從事本無官緒妄結虛銜不計職位高卑多是請兼朱紫不唯紊亂實故俸求宜令通下諸道州府切准勅命處分十一月甲戌吏部侍郎劉岳奏凡在立朝悉是爲臣之責每蒙進秩咸加報上之忠奉勅命以遷升固當感并降綸言而褒飾或未捧觀將使知罷陟之跡詔訓誥之旨必在各頒官告令規制詞處班列以增光

傳子孫而永耀伏請自今凡有除轉登朝官已上在京閣門宣賜在外則付本州使賜之勅旨朝官素有品秩不可一例頒宣文班三品已上丞郎給合諫議

武班大將軍已上宜賜官告

舊例吏部出告身納出朱膠紙軸錢分給朝臣

或親舊者隨即給付而官貧不辦者但領勅牒而已喪亂之後因以為嘗朝臣多不出告身制下之後中書但收其制辭編為勅甲本官不見獎飭之詞故有是奏勅旨不編班得事體也其後執政者相與謀罷朱膠紙軸之例以為天下吏員無多除拜以簡給膠軸之費歲不過數萬國家既錫以祿位而邀其膠紙之益是巨細不相稱也因奏覆凡中外官除拜並宜賜官告然執政之議雖善蓋圖其始不料其終何者同光世至天成初官爵之命在於除授中外正員官其餘侍御帖號則寵徽軍中將較而已自長興已來除授日多上至軍中卒伍下迨州使鎮戎簿籍胥吏之流皆有銀青宮憲之號每歲給賜告身動盈數萬

非止膠紙之虛費財力而又賞激之道難以勸功以臣料終則知執政圖始之非善也勸作事謀始凡執政者慎圖之

二年正月詔曰亂離斯久法制多隳不有舉明從何禁止而衣服羈馬之流多踰品式起今後三京及州使職員名目是押衙兵馬使指揮使騎馬使得有暖坐諸部軍將衙官使下係名籍者只得依紫皂庶人商旅只著白衣此係不得參雜兼有富戶或投名於勢要以求影庇或希假攝貴免丁徭須議條流以懲踰越如有此色人仰所在禁勘追索所受文書申奏當行嚴斷以肅奸欺

四年正月中書奏凡外朝官此後並令中謝從之
長興元年七月勅諸道得替防禦團練等使及刺史
到京朝見後並宜班行比擬如未有員闕可令隨嘗
參官逐日至

十月給事中崔衍奏當省給納諸州銅魚勘問本行
令史狀稱內庫每州有銅魚八隻一隻大七隻小兩
隻右五隻左其右銅魚一隻長留在內留一隻在本
州庫逐季申報平安左魚五隻皆鑄次第字號每新
除刺史到郡後卽差人到當省請領左魚當司覆奏
內庫次第出給左魚一隻當省責領分付到州集官

吏取州庫右魚契合却差人送左魚納省如別除刺
史州司又請次第左右周而復始臣以州司差人請
魚往來須有煩費請此後所除刺史在京受命或經
過都城者可令自牒當省請左魚齎歸本郡契合然
後差人納省所與稍免煩勞從之

二年四月己巳勅朝臣居喪終制委御史臺具姓名
申奏諸道賓從除喪後各宜行恩命州縣官纔受新
命及到任一考前丁憂者服闋日除官

十月丙寅勅皇王御宇切在推恩臣下盡忠皆思屬
節顯祖宗於奕世耀妻子以榮家位有高低事無偏

黨方當景運務洽羣心將弘莫大之規宜定維新之制自此在朝臣寮及藩侯郡守據理例合得追贈者新受命後便於所司投狀旋與施行封妻蔭子准格合得者亦施行兼自中興以來外官曾任朝班據在朝時品秩格例合得封贈叙封未霑恩命者並與施行其叙封妻室品蔭子孫等仍令所司一一具格式申奏其或應得而不與之者罪在所司官吏其餘進馬齋卽遇有員闕據資蔭合得先受官者先與收補後受官者據月日依次第施行如或徇私公然越次本人本司官吏當行責罰仍令御史臺嘗加訪察不得輒有違越庶激爲臣爲子盡孝盡忠各守公方共禪皇化

三年正月戊申中書門下奏見任宰臣四員外其餘諸使兼侍中中書令平章事並是使相向來班序皆在見任宰臣之下今緣秦王從榮是親王新加兼中書令與諸使相不同每遇排班及到中書位次今特商議伏以政事之權雖崇四輔周行之列亦長諸王宜顯奉於本枝固不同於異姓今後望請親王官至兼侍中中書令則與見任宰臣分班定位宰臣居左諸王兼侍中中書令居右如親王及諸使守侍中中

書令亦竝是使相既不知印不署勅亦分行居右其餘使相請依舊規從之

壬子太常禮院奏衣服制度准

貞觀四年八月十四日詔曰冠冕制度已備令文彙嘗服飾未爲差等於是三品已上服紫四品五品已上服緋六品七品以綠八品九品以青婦人從夫之色仍通服黃至五年七月一日勅七品已上服龜甲雙巨十花綾其色綠九品已上服絲布及雜小綾其色青又咸亨五年五月十日勅如聞在外軍人百姓有不依令式遂於袍衫之內着朱紫青綠等色短衫

襖子或在間野公然露服貴賤莫辨有蠹彝倫自今已後衣服上下各依品秩上得通下下不得僭上仍令所司嚴加禁斷

又武德四年七月十六日制三品已上服大料細綾及羅其色紫五品已上服小料細綾及羅其色朱六品已上服絲布雜小綾交梭其色黃七品八品九品流外庶人服細綾純布其色黃白者又永徽三年八月十四日詔魚袋之制恩榮所加本緣品命帶魚之法事章要重者臣今詳酌本非朝命不得輒懸魚袋內外臣僚所衣朱紫服飾降於近代不越時宜將徒

衣裝各立軍號當司從來無例檢詳其經商百姓等則不得著色樣綾羅及紫皂雜色衣服金色帶亦不載短長制度勅旨禮所奏內外臣僚所衣朱紫服飾不越時宜將健衣裝各立軍號一切仍舊其經商百姓不得著色樣綾羅及紫皂雜色衣服金色帶等宜依

四月甲寅勅諸道節度都護防禦團練等使及刺史到朝廷未有班位定規起今後不帶使相節度使班位可取使相班爲例據檢校官高者爲上如檢校同卽以先授者爲上其諸州防禦團練使刺史亦准此仍前資居見任之下

愍帝應順元年三月故忠武軍節度使孟鶴男遵古上言乞立先臣神道碑詔今後藩侯帶同平章事已上慶謝者並差官撰文宣賜未帶相印及刺史以令式合立碑者其文任自製撰不在奏聞

末帝清泰二年三月辛亥兩街功德使雍王重美奏每年誕節諸道州府奏薦僧尼道士紫衣師號漸多今欲量立條式僧講論講經表白各三科文章應制十二科持念一科禪聲贊科並於本伎能中條貫道士經法科試義十道講論科試經論文章應制科試詩

表白科試聲喉聲贊科試步虛三教焚脩科試齋醮儀詔曰重美學洞儒玄官居尹正因三教之議論希千春之渥恩特立條流以防濫進從之

晉高祖天福二年四月己亥詔今後立妃及拜免三公宰相及命將封親王公主宜令并降制命餘從令式處分甲辰中書奏以二月二十六日勅內外官臣僚亡父母祖父母據品秩未封贈已封贈三代者更加恩命按舊制一品官亡父已上三代約其子官品第降一等亡母追封國號祖母已上第降一等勅曰自家刑國歷代明規祖德宗功前王至訓在君上之

尊則異在臣下之孝皆同凡有公田竝立私廟自經多難不舉舊章今以應運開基體元布化不思奉已專務安人高低推念祖之誠內外保貽孫之慶其內外官等准勅合與三代已下封贈者竝以見居官品數比擬冀使人之例不輕王父之尊永載簡編普示孝理是月中書奏翰林志節文凡赦書德音立后建儲行大誅討拜免三公宰相命將日制竝使白麻紙不使印雙日起草候閣門之鑰入而後進隻日百僚立班於宣政殿樞密使引案自東上閣門出若拜免宰相卽委通事舍人餘付中書門下竝通事舍人短

步而宣出機要速亦使雙日甚者雖休假追朝而出之勅曰九五之尊億兆所賴法天敷化師古宣風宜循歷代之規以補前王之闕今據翰林志言立后不言立妃言儲君不言親王公主兼三師位在三公之上亦不在其間起今後立妃及拜免三公宰相及命將封親王公主宜令並降制命餘從令式處分

閏七月壬申尚書戶部奏李自倫義居七世准勅旌表門閭先有登州義門王仲昭六代同居其旌表有廳事步欄前列屏樹烏頭正門閭闊一丈二尺二柱相去一丈柱端安瓦桶墨染號爲烏頭築雙闕一丈

在烏頭之南三丈七尺夾衝十有五步槐柳成列今舉此爲例則令式不該詔王仲昭正廳烏頭門等事不載令文又無勅命旣非故事難贖大倫宜從令式只表門閭於李自倫所居之前量地之宜高其外門門安掉楔門外左右各建一臺高一丈二尺廣狹方正稱臺之形勢以白泥四隅染赤其行列樹植隨其事力其同籍簿課役一准令式

十一月戊午中書奏准雜令車駕巡幸所州縣官人見在駕所祇承賜會竝同京官可之

三年五月勅舊制內外臣僚據官品私門合立戟事

將相之崇朝廷所重竝輸忠節仰奉宗祧宜旌佐國之功顯示榮家之慶應中外臣僚帶平章事侍中中書令及諸道節度使並許私門立戟仍竝官給并各賜詔書仍據官品依令式處分

七月中書奏准勅製皇帝受命寶今按唐書貞觀十

六年太宗刻受命玄璽白玉為螭首其文曰皇天景

命有德者昌勅曰受命寶宜以受天明命惟德允昌

為文

按受命寶者天子脩封禪禮神祇則用之其始皆破皇業錢以製之皇業者藩邸王事之所有

七年二月甲辰勅應內外諸司諸使及諸道州府凡有諸色公事須具奏聞今後不得將白狀及劄子記

事申覆如事關機密即准先降宣命寶封斜角不題

事目通下其合申中書及中書勘會公事所申狀亦

須是本司及逐處官員印署不得將白狀及記事劄

子兼令司局抄劄供申宜令御史臺及宣徽院三司

衛司諸道州府切准此指揮

少帝天福七年六月即位九月勅曰留守之任委寄

非輕凡降絲綸宜同將相起今後除授留守宜降麻

制仍付所司

開運三年正月詔改鑄天下合同印書詔印御前印

竝以黃金為之

漢隱帝乾祐三年五月詔諸道州府差置散從官大府五百人上州三百人下州二百人勅本處團集官係立節級檢校教習以警備州城

周太祖廣順元年三月辛卯勅職當參佐位列賓僚苟無職馭之人頗異築臺之禮雖事因改易而理未酌中宜降明文庶永爲制副留守節度副使行軍兩京少尹留守判官兩使判命並許差定當直人力不得過十五人節度推官防禦團練軍事判官不得過十人諸府少尹書記友使防禦團練副使不得過七人並取本廳舊當職人力數少不及新定數目只仰

依舊人數差定仍令逐處係帳收管此外如敢不遵條制多有占差額外影占人戶其本官當行朝典漢隱帝時有人言府州從事令錄皆請料錢自合顧人驅使不合差遣百姓丁戶秉政者然之下詔州府從事令錄本處先差職役並速放散歸農不得差爲參從貧官有獨行趨府者太祖頗知之故有是命三年七月丁酉勅賦稅婚田比來州縣之職盜賊烟火元係巡鎮之司各有區分不相踰越或侵職分是紊規繩切慮所在職員尚循舊弊須行條貫以正紀綱京兆鳳翔府同華邠鄜耀等州所管州縣軍鎮頃

因唐末藩鎮殊風久歷歲時未能釐革政途不一何以教民其婚田聽訟賦稅丁徭合是令佐之職其捕奸捕盜庇護部民合是軍鎮警察之職今後各守職分專切提撕如所職踈遺各行按責其州府不得差監徵軍將下縣庶期靜辨無使煩勞

世宗顯德四年七月甲辰詔曰准令諸田宅婚姻起十一月一日至三月三十日州縣爭論舊有釐革每至農月費塞訟端近聞官吏因循繇此成弊凡有訴競故作逗遛至時而不與盡詞入務而即便停罷強滑者因此得志孤弱者無以自伸起今後應有人論

訴物業婚姻取十一月一日後許陳詞狀至二月三十日權停自三月三十日已前如有陳詞至權停日公事未了絕者仰本處州縣亦與盡理勘逐須見定奪了絕其本處官吏如敢違慢竝當重責其三月一日後至十月三十日前如有婚田詞訟者州縣不得與理若是交相侵奪情理妨害不可停滯者不拘此限

五年十月癸卯鑄奉使印五十面

六年三月癸酉勅銅魚之設雖載前編原其始初蓋防僞濫今諸道牧守每遇除移竝特降放制書又何

假於符契如聞請納頗是煩勞宜易前規罷茲虛器其銅魚竝宜停廢

冊府元龜

巡按福建監察御史臣李嗣京 訂正

知長樂縣事 臣夏允彝參閱

知建陽縣事 臣黃國琦較釋

帝王部 六十二

發號令第一

易姤之象曰后以施命告四方書曰令出惟行蓋夫誥誓之文自三王而始作者矣若夫履至尊之重司生人之命固必講求治道疇咨政典稽合謨訓懋建皇極使命令之出若流水之順化導所及類隨風之

偃其或因事立制乘時創法防禁之設以謹乎踰矩
約束之行以昭乎垂範明懸賞格以速於夷兇申嚴
憲度以臻於敦俗自非較若畫一簡而易從理契於
物宜事式於古訓垂可久而靡忒示必信而不愆亦
何以厭伏乎羣心渙汗乎大號者也

商成湯既黜夏命出其王命還亳作湯誥維三月王至自

東郊告諸侯羣后無不有功於民勤力廼事予廼大
罰殛女母予怨曰古禹臯陶久勞於外其有功於民
民乃有安東為江北為濟西為河南為淮四瀆已脩
萬民乃有居后稷降播農殖百穀三公咸有功於民

故後有立一作土昔蚩尤與其大夫作亂百姓帝乃弗

予音與有狀先王言不可不勉曰不道母之一作政在國

女母我怨以令諸侯

周成王歸自奄伐奄歸在宗周誥庶邦誥以禍福作多方衆方

天下惟五月丁亥王來自奄至於宗周周公歸政之明年淮夷奄

又叛魯征淮夷作費誓王親周公曰王若曰猷告爾

四國多方周公以王命順大道告四方惟爾殷侯尹民

我惟大降爾命爾罔不知殷之諸侯正民者我天下汝命謂誅紂也言天下無

不知紂暴洪惟圖天之命弗永寅念於祀惟帝降格

於夏大惟為王謀之命不長敬念于祭祀謂夏有夏桀惟天下至戒於夏以譴告之謂災異

誕厥逸不肯感言於民有夏桀不畏天戒而大其違

言乃大淫昏不克終日勸於帝之迪言桀乃大為過

日勸於乃爾攸聞言桀之惡厥圖帝之命不克開於

民之麗桀其謀天之命不能開于民乃大降罰崇亂

有夏因甲於內亂桀乃大下罰於民重亂有夏言殘

亂內之不克靈承於旅罔不惟進之恭洪舒於民言

不能善奉於人眾無大惟亦惟有夏之民叨憤日飲

進恭德大舒情於治民桀亦惟有夏之民貪叨忿憤

劓割夏邑桀洪舒於民政亦惟有夏之民貪叨忿憤

謂殘天惟時求民主乃大降顯休命于成湯桀惡改

更求民主以代之正大明刑殄有夏惟天不界純湯

刑絕有夏惟天乃惟以爾多方之義民不克永於多

不與桀亦已大天乃惟以爾多方之義民不克永於多

享天所以不與桀以其乃惟用汝多方惟夏之恭多

士大不克明保享於民惟桀之所謂恭人眾士大不

任同克明安享於民言亂王所任乃胥惟虐於民至於百為大不克開桀之眾士

已者暴虐于民至于百端所為言虐非乃惟成湯克以爾

多方簡代夏作民主乃惟成湯能用汝眾方之慎厥

麗乃勸厥民刑用勸湯慎其施政於民民乃勸善其

以至於帝乙罔不明德慎罰亦克用勸言自湯至于

王道畏慎輔相無不明有要囚殄戮多罪亦克用勸

德慎去刑罰亦能勸善帝乙皆成其

開釋無辜亦克用勸帝乙已上要察囚情絕戮眾罪

枉縱亦能用勸善今至於爾辟弗克以爾多方享天之命至

于汝君謂紂不能用汝衆方享天之命故誅滅之嗚呼王若曰誥告爾多方

非天庸釋有夏用釋棄桀桀縱惡自棄故誅放非天

庸釋有殷乃惟爾辟以爾多方大淫圖天之命庸有

辭非天用棄有殷乃惟汝君紂用汝衆方大為過惡者共謀天之命惡事盡有辭說布在天下故見誅

滅乃惟有夏圖厥政不集於享天降時喪有邦間之

夏說桀也言桀謀其政不成于享故天下是喪亡以禍之使天下有國聖人代之言有國明皇天無親佑

德有乃惟爾商後王逸厥逸後王紂逸豫其過圖厥政

不蠲烝天惟降時喪紂謀其政不潔進於善故惟聖

罔念作狂惟狂克念作聖惟善人無念于善則為狂人惟狂人能念于善則為

聖人言桀紂非實狂愚以不念善故滅亡天惟五年須暇之子孫誕作民

主罔可念聽天以湯故五年須暇湯之子孫與其改

言無可聽武王服喪三年還師二年天惟求爾多方大動以威開厥顧

天天惟求汝衆方之賢大動紂惟爾多方罔堪顧之

惟我周王靈承於旅惟汝衆方之中無堪顧天之道者惟我周王善奉於衆言以仁

政得人心克堪用德惟典神天言周文武能堪用德惟可

天惟式教我用休簡畀殷命尹爾多方天以我周德

用美道伐殷大與我殷之今我曷敢多誥我惟大降

爾四國民命今我何敢多誥汝而已我惟天下爾曷

不愧裕之于爾多方汝曷不以誠信行寬裕之道於

爾曷不夾介父我周王享天之命夾近也汝何不近大見治於我周王

以享天之命而為不安乎今爾尚宅爾宅畋爾田爾曷不惠王今汝殷之諸侯皆尚得若汝嘗宅君臣民皆

天之命尚得畋汝故田汝何不順從王政廣天之命

而自疑爾乃迪屢不靜爾心未愛汝所蹈行數為不安汝心未愛我周故

爾乃不大宅天命爾乃屑播天命汝乃不大居安天命是汝乃盡播棄天命

命爾乃自作不典圖忱於正汝未愛我周播棄天命是汝乃自為不嘗謀信

于正我惟時其告教之我惟時其戰要囚之我惟汝如是

謀信于正道故其告教之謂許以文誥至於再至於

三再謂三監淮夷叛時三謂成王乃有不用我降爾

命我乃其大罰殛之我誥教戰要囚汝已至再三汝其有不用我命我乃大下誅汝

君乃其大非我有周秉德不康寧乃惟爾自速辜非

有周執德不安寧自誅汝王曰嗚呼猷告爾有方多

乃惟汝自召罪以取誅王曰嗚呼猷告爾有方多

士暨殷多士王歎而以道告汝今爾奔走臣我監五

祀監謂成周之監此指謂所遷頑民殷衆士今汝奔走來從臣我我監五年無過則得還本土越

惟有胥伯小大多正爾罔不克臬於惟有相長事小大眾正官之人汝

無不能用法自作不和爾惟和哉爾室不睦爾惟和

欲其皆用法小大多正自為不和汝有方多士當和之哉汝

哉爾邑克明爾惟克勤乃事爾尚不忌於凶德

親近室家不睦汝亦當和之哉汝爾尚不忌於凶德

亦則以穰穰在乃位汝庶幾不自忌入于凶德克

於乃邑謀介爾乃自時洛邑尚永力畋爾田汝能使

于汝邑而以汝所謀為大則汝乃用是洛邑庶幾天

長力畷女田矣言雖遷徙而以修善得反邑里矣天

惟畀矜爾我有周惟其大介賚爾 汝能修善天惟與汝

賜汝言受 迪簡在王庭尚爾事有服在大僚 憐賜又

多福之神 乃蹈大道在王庭庶幾修 王曰嗚呼多士爾不克勸

忱我命爾亦則惟不克享凡民惟曰不享 王歎而言

不能勸信我命汝亦則惟不能享天 爾乃惟逸惟頗

大遠王命則惟爾多方貪天之威我則致天之罰離

逃爾土 若爾乃惟逸豫頗僻大棄王命則惟汝眾方

之 王曰我不惟多誥我惟祇告爾命 我不惟多誥汝

汝告內 又曰時惟爾初不克敬於和則無我怨 汝又誥

惟汝初不能敬于和道故誅汝汝 無我怨解所以再三加誅之意

康王既尸天子 尸主也王天 遂誥諸侯作康王之誥

既受顧命群臣陳戒 康王之誥 求諸侯之 王出在應

門之內 出單門立應門 太保率西方諸侯入應門左

單公率東方諸侯入應門右 二公為二伯各率其所

北面 皆布乘黃朱 諸侯皆陳四黃馬 賓稱奉圭兼幣

曰一二臣衛敢執壤奠 賓諸侯也舉奉圭兼幣之辭

口臣衛來朝而遇喪遂因見新 太保皆再拜稽首王

義嗣德答拜 諸侯拜送幣而首至地盡禮也康王太

保暨芮伯咸進相揖皆再拜稽首 冢宰與司徒皆共

戒不言諸侯 曰敢敬告天子皇天改大邦殷之命

以內見外 改大國殷之王 惟周文武誕受美若克恤西土

命謂誅紂也 受道而順之能愛我 惟新陟王畢協賞罰戡定厥功

西土之民本其所起 惟周家新升王位當盡和天下賞罰

用敷遺後人休 能定其功用布遺後人之美言施及

子孫 無窮 今王敬之哉 敬天道務崇 張皇六師無壞我高

祖寡命 言當張大六師之衆無壞 王若曰庶邦侯甸

衛男 順其戒而告之內見外 惟予一人釗報誥 報其 昔君

文武不平富不務咎 言先君文武道大政 底至齊信

用昭明於天下 致行至忠信之道明顯 則亦有熊羆

之士不二心之臣保乂王家 言文武既聖則亦有勇 猛如熊羆之士忠一不

二心之臣共 用端命於上帝皇天用訓厥道付畀四方

安治王家 君聖臣良用端直之命於上天天大 乃命建侯樹屏

用訓其道付與四方之國王天下 在我後之人 言文武乃施政令立諸侯樹以為 今予

一二伯父尚胥暨顧綏爾先公之臣服於先王 天子 稱同

姓諸侯曰伯父言今我一二伯父庶幾相與顧念 雖

文武之道安汝先公之臣服于先王而法循之 爾身在外乃心罔不在王室 言雖汝身在外土為諸

在王室熊羆之士 用奉恤厥若無遺鞠子羞 各當用 心奉憂

勵朝臣此督諸侯 其所行順道無自荒怠遺我稚 羣公既皆聽命相揖

趨出 已聽誥命趨出罷退 王釋冕反喪服 脫去黼冕 反服喪服

居倚 廬

漢高祖二年使諸將畧地拔隴西以萬人若一郡降

者封萬戶 若者豫及之辭言以萬人或以一郡降者皆封萬戶

六年令天下縣邑城 皇后公主所食田邑令各築其城也縣之與邑皆令築城

十一年冬以代相國陳豨反帝親征之詔諸縣堅守

不降反寇者復租三歲

十二年二月詔曰吾立為天子帝有天下十二年於

今矣與天下之豪士賢大夫共定天下同安輯之其

有功者上致之王次為列侯下及食邑而重臣之親

或為列侯皆令自置吏得賦歛女子公主為列侯食

邑者皆佩之印賜大第室吏二千石徙之長安受小

第室蜀漢定三秦者皆世世復吾於天下賢士功臣

可謂亡負矣其有不義背天子擅起兵者與天下共

伐誅之布告天下使明知朕意

文帝七年十月令列侯太夫人諸侯王子及吏二千

石無得擅徵捕 列侯之妻稱夫人列侯死子後為列侯乃得稱太夫人子不為列侯不得

也稱

景帝後二年十月省徹侯之國 文帝遣列侯之國今省之省音所領反

武帝天漢二年十一月詔關內都尉曰今豪傑雖遠

交依東方群盜其謹察出入者

征和二年戾太子反帝在甘泉賜丞相璽書曰捕斬

反者自有賞罰以牛車為槽槽楯也遠與敵戰故以車馬槽用自蔽也一說

門母令反者得出

宣帝本始四年四月郡國地震或山摧詔律令有可

蠲除以安百姓條奏

五鳳二年八月詔曰夫婚姻之禮人倫之大者也酒

食所以行禮樂也今郡國二千石或擅為苛禁民嫁

娶不得具酒食相賀召由是廢鄉黨之禮令民亡所

樂非所以導民也詩不云乎民之失德乾餱以愆小雅

伐木之詩也餱食也愆過也言人無恩德不相勿行

苛政

成帝陽朔二年春寒詔曰昔在帝堯立義和之官義

和氏世掌天地之官命以四時之事令不失其序故書云黎民

於蕃時雍黎衆也時是也雍和也言衆民於是變化

兩說並通蕃音扶元反明以陰陽為本也今公卿大夫或不信

陰陽薄而小之謂為輕小所奏請多違時政時政月

傳以不知周行天下言迺相因循以所不知之而欲

望陰陽和調豈不謬哉其務順四時月令

永始四年六月詔曰聖王明禮制序尊卑異車服以

章有德雖有其財而無其尊不得踰制故民興行上

義而下利以義為上以利為下方今世俗奢僭罔極罔無也廉

有厭足公卿列侯親屬近臣四方所則則法未聞脩

身遵禮同心憂國者也或乃奢侈逸豫務廣第宅興

治園池多畜奴婢被服綺縠被皮義切設鐘鼓備女樂車

服嫁娶葬埋過制吏民慕效寢以成俗寢漸也而欲望

百姓儉節家給人足豈不難哉詩不云乎赫赫師尹

民具爾瞻小雅節南山之詩也赫赫盛貌也師尹尹氏為大師之官也言居位盛高備為眾庶

所瞻仰其申勅有司以漸禁之謂約束也青綠民所常服且

勿止然則禁紅紫之屬列位近臣各自省改省視也視而改之論語稱曾子

日吾日三省其身司隸較尉察不變者

哀帝綏和三年四月即位六月詔郡國察吏殘賊酷

虐者以時退有司無得舉赦前往事博士弟子父母

死與寧三年寧與處家喪

後漢光武建成六年六月詔曰夫張官置吏所以為

人也今百姓遭難戶口耗少而縣官吏職所置尚繁

其令司隸州牧各實所部省減吏員縣國不足置長

吏可并合者并必政切上大司徒大司馬二府於是條奏

并省四百餘縣吏職減損十置其一

七年正月詔曰世以厚葬為德薄終為鄙至於富者

奢僭貧者單財單盡也法令不能禁禮義不能止倉卒

冊子元冠 帝王部

乃知其咎 倉卒謂喪亂也謂厚葬者皆被發掘故乃知其咎咎惡也 其布告天下

令知忠臣孝子慈兄悌弟薄葬送終之義

明帝永平十二年五月詔曰昔曾閔奉親竭歡致養

仲尼葬子有棺無槨喪貴致哀禮存寧儉今百姓送

終之制競為奢靡生者無擔石之儲而財力盡於墳

土伏臘無糟糠而牲牢兼於一奠糜破積世之業以

供終朝之費子孫饑寒絕命於此豈祖考之意哉又

車服制度恣極耳目田荒不耕遊食者衆 游食謂浮食者 有

司具申明科禁宜於今者宣之郡國

章帝建初七年九月幸偃師至河內下詔曰車駕行

秋稼觀收穫因陟郡界皆精騎輕行無它輜重不得

輒脩橋道遠離城郭遣吏逢迎刺探起居 刺探謂候伺探音湯

檻切 出入前後以為煩擾動務省約但患不能脫粟瓢

飲耳所過欲令貧弱有利無違詔書

元和二年正月詔三公曰方春生養萬物葶甲宜助

萌陽以育時物其令有司罪非殊死且勿案驗及吏

人條書相告不得聽受與以息事寧人敬奉天氣立

秋如故夫俗吏矯飾外貌似是而非揆之人事則悅

耳論之陰陽則傷化朕甚厭之甚苦之安靜之吏個

幅無華日計不足月計有餘如襄城令劉萬吏人同

冊不元... 帝王部... 十一

聲謂之不煩雖未有它異斯亦殆近之矣問勅二千石各尚寬明而今富姦行賂於下貪吏枉法於上使有罪不論而無過被刑甚大逆也夫以苛為察以刻為明以輕為德以重為威四者或興則下有怨心吾詔書數下冠蓋接道而吏不加理人或失職其咎安在勉思舊令稱朕意焉

順帝永建二年二月詔以民入山鑿石發洩藏氣勅有司簡察所當禁絕

魏太祖為漢丞相建安八年五月令曰司馬法將軍死綏魏書云綏却也有前一尺無却一寸故趙括之母乞不坐括是古

之將軍者破於外而家受罪於內也自命將征行但

賞功而不罰罪非國典也其令諸將出征敗軍者抵

罪失利者免官爵魏書載庚申令曰議者或以軍吏雖有功能德行不足堪任郡國之

選所謂可與適道未可與權管仲曰使賢者食于能則上闔士食於功則率輕於死二者設于國則天下

治未聞無能之人不闔之士并受祿賞而可立功與國者也故明君不官無功之臣不賞不戰之士治平尚

德行有事賞功能昔之言一似管窺虎歟

文帝黃初五年詔曰近之不綏何遠之懷今事多而

民少上下相弊以文法百姓無所措其手足昔泰山

之哭者以為苛政甚於猛虎吾被儒者之風服聖人

之遺教豈可以目翫其辭行違其誠者哉廣議輕刑

以惠百姓

明帝太和三年七月詔曰禮王后無嗣擇建支子以繼太宗則當纂正統而奉公義何得復顧私親哉漢宣繼昭帝後加悼考以皇號哀帝以外藩援立而董宏等稱引亡秦或誤時朝既尊恭皇立廟京都又寵藩妾使比長信叙昭穆於前殿並四位於東宮借差無度人神弗佑而非罪師丹中正之諫用致丁傳焚如之禍自是之後相踵行之昔魯文逆祀罪繇夏父宋國非度譏在華元其令公卿有司深以前世行事爲戒後嗣萬一有繇諸侯入奉大統則當明爲人後之義敢爲佞邪導諛時君妄建非正之統以干正統謂考爲皇稱妣爲后則服肱大臣誅之無赦其書之金策藏之宗廟著于令典

晉武帝太始元年十二月詔曰昔王凌謀廢齊王而王竟不足以守位鄧艾雖矜功失節然束手受罪今大赦其家還使立後興滅繼絕約法省刑除魏氏宗室禁錮諸將吏遭三年喪者遣寧終喪百姓復其徭役罷部曲將長吏以下質任省郡國御調禁樂府靡麗百戲之伎及雕文游畋之具關直言路置諫官以掌之

五年正月勅戒郡國計吏諸郡國守相令長務盡地利禁游食商販其休假者令與父兄同其勤勞豪勢不得侵役寡弱私相置名

咸寧四年詔曰石獸碑表旣私褒美興長虛誕傷財害人莫大於此一禁斷之其犯者雖會赦令皆當毀壞

惠帝永平元年正月詔子弟及羣官並不得謁陵

元帝太興元年四月初禁招魂葬

成帝咸和八年正月令諸郡舉力人能舉千五百斤以上者

安帝義熙元年五月禁絹扇及樗蒲

後魏道武天興三年十二月詔曰世俗謂漢高起於布衣而有天下此未達其故也夫劉承堯統曠世繼德有蛇龍之徵致雲彩之應五緯上聚天人俱協明革命之主大運所鍾不可以非望求也然狂狹之徒所以顛蹶而不已者誠惑於逐鹿之說而迷於天命也故有躡履車之軌蹈鸞逆之蹤毒甚者傾州郡害微者敗邑里至乃身死名頹殃及九族縱亂隨滅死而不悔豈不痛哉故春秋之義大一統吳楚僭號又加誅絕君子賤其僞名比之塵垢自非繼聖載德天

人合會帝王之業夫豈虛應歷觀古今不義而求非
望者徒喪其保家之道而伏刀鋸之誅有國有家者
誠能推興廢之有期保天命之不易察徵應之潛授
杜絕逐之邪言絕奸雄之僭肆思多福於止足則幾
於神智矣如此則可以保榮祿於天年流餘慶於後
世夫然故禍悖無緣而生兵甲何因而起凡厥來世
勗哉戒之可不慎歟時太史屬奏天文錯亂帝親筮
占多云改王易政故數革官號一欲防塞凶狡二欲
消災應變已而慮羣下疑惑心謗腹非丙申復詔曰
上古之治尚德下名有任而無爵易治而事序故邪

謀閉而不起奸慝絕而不作周姬之末下凌上替以
號自定以位制祿卿世共官大夫遂事陽德不暢義
發家倍故變繇此起兵繇此作秦漢之弊捨德崇侈
能否混雜賢愚相亂庶官失序任非其人於是忠義
之道寢廉耻之節廢退讓之風絕毀譽之議興莫不
繇乎貴尚名位而禍敗及之矣古置三公職大憂重
故曰待罪宰相將委任責成非虛寵祿也而今世俗
僉以台輔爲榮貴企慕而求之夫此職司在人主之
所任耳用之所重舍之所輕所貴者至矣何取於爵
司之虛稱也夫桀紂之南面雖高而不可薄姬之爲

下雖卑而不可尊一官可以効智華門可以垂範苟以道德爲實賢於覆餗部家矣故量已者令終而義全昧利者身陷而名滅利之與名毀譽之疵競道之與德神識之家實是故道義治之本名爵治之末名不本於道不可以爲宜爵無補於門不可以爲用用而不禁爲病深矣能通其變不失其正者其唯聖人乎來者誠思成敗之理察治亂之繇鑒殷周之失革秦漢之弊則幾於治矣

大武大延三年五月詔曰方今寇逆消殄天下漸晏比年以來屢詔有司班宣惠政與民寧息而內外羣官及牧守令長不能憂勤所司紀察非法廢公帶私更相隱置濁貨爲官政存苟且夫法之不用自上犯之其令天下吏民得舉告守令不如法者

太平真君五年正月詔曰自王公以下至於庶人私養沙門巫及金銀工巧之人在其家者皆遣詣官曹限今年二月十五日過期不出巫沙門身死主人門誅

九月十月以婚姻奢靡喪葬過度詔有司更爲料限文成興光元年九月閉都城門大索三日獲姦人亡命數百人

大安五年詔曰夫褒賞必於有功刑罰審於有罪此古今之所同繇來之嘗式牧守蒞民侵食百姓以營家業王賦不克雖歲滿去職應計前逋正其刑罪而王者失於督察不加彈坐使有罪者優游獲免無罪者妄受其辜是啟姦邪之路長貪暴之心豈所謂原情處罪以正天下自今諸遷代者仰別在職殿最案制治罪克舉者加以爵寵有愆者肆之刑戮使能否殊異刑賞不差王者明爲條制以爲嘗楮

和平四年十二月辛丑詔曰名位不同禮亦異數所以殊等級示軌儀今喪葬嫁娶大禮未備貴勢豪富越度奢靡非所謂式昭典憲者有司爲之條格使貴賤有章上下咸序著之於令壬寅詔夫婚姻者人之始是以夫婦之義三綱之首禮之重者莫過於斯尊卑高下宜令區別然中世以來貴族之門多不率法或貪利財賄或因緣私好在於苟合無所擇選今貴賤不分巨細同貫塵穢清化虧損人倫將何以宣示典謀垂之來裔今制皇族師傅王公侯伯及士民之家不得與百工技巧卑姓爲婚犯者加罪

獻文天安元年七月辛亥詔諸有詐取爵位罪特原之削其爵職其有祖父假爵號貨求正名者不聽

漢諸非勞進超遷者亦各還初不以實聞者以大不
敬論

皇興五年三月乙亥詔曰天安以來軍國多務南定
徐方北掃遺虜征戍之人亡竄非一雖罪合刑書每
加哀宥然寬政猶水逋逃遂多宜申明典刑以肅奸
僞自今諸有逃亡之兵及下代守宰浮游不赴者限
六月三十日悉聽歸首不首者論如律

孝文延興二年詔沙門不得去寺浮游民間行者仰
去以公文

四年二月辛未禁斷寒食

五年四月詔禁畜鷹鷄開相告之制

六年禁殺牛馬

太和二年五月詔婚娉過禮則嫁娶有失時之弊厚
葬送終則生者有糜費之苦聖王知其如此故申之
以禮數約之以法禁廼者民漸奢尚婚葬越軌致貧
富相高貴賤無別又皇族貴戚及士民之家不惟氏
族下與非類婚耦先帝親發明詔爲之科禁而百姓
習嘗仍不肅改朕今憲章舊典祇案先制著之律令
永爲定准犯者以違制論

三年詔曰治因教寬弊由網密今侯職千數姦巧弄

威重罪受財不列細過吹毛而舉其一切罰之於是更置謹直者數百人以防諂闕自是銜術吏民安其職業

七年正月詔曰朕每思知百姓之所疾苦以增脩寬政而明不燭遠寔有缺焉故見問守宰苛虐之衆於州郡使者令秀孝計椽而對多不實甚乖朕虛求之意宜案以大辟明罔上必誅然情猶未忍可恕罪歸申下天下使知後犯無恕

十九年正月帝伐齊至懸瓠詔禁淮北之民不得侵掠犯者以大辟論

六年乙亥詔不得以北俗之語言於朝廷若有違者免所居官是年廣川王諧薨有司奏廣川王妃薨於代京未審以新尊從於卑舊爲復以卑舊來就新尊詔曰遷雉之人自茲厥後恐可歸骸叩嶺皆不得就葬嘗代其有夫先葬在北婦今葬在南婦人從夫宜還代葬若欲移父就母亦得任之其妻墳在嘗代夫死於雉不得以尊就卑欲移母就父宜亦從之若異葬亦從之若不在葬限身在代喪葬之彼此皆得任之其戶屬燕趙身官京雉去留之宜亦從所擇其屬諸州者各得任意

二十五年三月癸丑詔介山之邑聽爲寒食自餘禁斷

七月丁亥詔邪佞毀朝固惟治蠹貪夫竊位大政以虧王者彈劾不肖明黜資祿又曰輕徭薄賦君人常理歲中嘗役具以狀聞

宣武景明四年十二月詔曰先朝制立軌式庶事唯允但歲積人移物情乖惰比或擅有增損廢墜不行或守舊違宜時有妨舛或職分錯亂互相推委其下有司列其疑闕速以奏聞

正始元年十月詔斷羣官白衣募吏

永平二年四月詔曰聖人濟世隨物汗隆或正或權理無常在先朝以雲駕甫遷嵩基始構河雒民庶徙舊未安代來新宅尚不能就伊闕西南郡蠻填聚沔陽賦城連邑作戍蠡爾愚巴心未純欵故暫抑造育之仁權受肅姦之法今京師天固與昔不同楊郢荆益皆爲我有保嶮諸蠻罔不歸附商洛民情誠倍往日唯樊襄巴南仁乖道政被拘隔化非民之咎而無賴之徒輕相劫掠屠害良善離人父兄蕭衍爲酷實亦深矣便可放彼掠民示其大惠捨此殘賊未令之愆并勅緣邊州鎮自今以後不聽境外寇盜犯者罪

同境內若州鎮主將知容不糾坐之如律

六月詔曰江海方同車書宜一諸州軌轍南北不等今可申勅四方使遠近無二

四年五月詔禁天文之學

延昌二年二月詔定奴良之制以景明爲斷

九月詔以貴族豪門崇習奢侈詔尚書嚴立限級節其流宕

孝明熙平元年七月重申殺牛之禁

二年十月詔曰北京根舊帝業所基南遷二紀猶有留住懷本樂故未能自遣若未遷者悉可聽之仍停

安堵永業門才術藝應於時求者自別徵引不在斯例周之子孫漢之劉族遍於海內咸致蕃衍豈拘南北千里而已哉

神龜元年十二月詔曰民生有終下歸兆域京邑隱賑口盈億萬貴賤攸憑未有定所爲民父母尤宜存恤今制乾甫山以西擬爲九原也

正光五年八月詔曰賞貴宿勞明主嘗德恩沾舊績哲后彝範太祖道武皇帝應期撥亂大造區夏世祖太武皇帝纘戎丕緒光闡王業躬率六師掃清通穢諸州鎮城人本克牙爪服勤征旅契濶行間備管勞

劇逮顯宗獻文皇帝自北被南淮海思蹙便差割強
族分衛方鎮高祖孝文皇帝遠遵盤庚將遷嵩維規
遏北疆蕩關南境選良家會俯增戍朔垂戎捍所寄
寔惟斯等先帝以其誠效既亮方加酬賜會宛郢馳
烽胸泗告警軍旗頻動兵連積歲茲恩仍寢用迄于
今怨叛之興頗繇於此朕叨承乾曆撫馭宇宙調風
布政思廣惠液宜追述前恩敷茲後施諸州鎮軍貫
元非犯配者悉免爲民鎮改爲州依舊立稱此等世
習干戈率多勁勇今旣甄拔應思報効可三五簡發
討彼沙隴當使人齊其力奮擊先驅妖黨犯醜必可
蕩蕪衝鐸斬級自依嘗賞

孝昌元年八月癸酉詔斷遠近貢獻珍麗違者免官
十二月壬午詔曰高祖以大明定功世宗以下武寧
亂聲溢湖南化清中宇業盛隆周祚延七百朕幼齡
纂曆夙馭鴻基戰戰兢兢若臨深淵關於治道政刑
未孚權臣擅命亂我朝式致使西秦跋扈朔漠構妖
蠢爾荆蠻氛埃不息孔熾甚於涇陽出車切於細柳
師旅盤桓留滯不進北洧懸危南陽告急將虧荆沔
之地以致感國之憂今茅輶挹腕爪牙歎憤並欲摧
挫封豕勦截長蛇使人神兩秦幽明獻吉朕將躬馭

九月元氣發號令
六師掃蕩逋穢其配依六軍分隸熊虎前驅後隊左翼右師必令將帥雄果軍吏明齊糧仗車馬速度時須其有失律亡軍兵卒逃叛盜賊劫掠伏竄山澤者免其往咎錄其後効別立募格聽其自新廣下州郡令赴軍所先討荆蠻疆理南服戈旗東指掃平淮外然後奮七萃於西戎騰五牛於北狄躬撫亂離之苦面恤饑寒之患爾乃還蹕蒿宇飲至廟庭沉璧河維告成泰岱豈不盛歟百官外內牧守軍宰宜各肅勤用明爾職

孝莊建義元年六月己酉詔諸有私馬仗從戎者職

人侵優兩大階亦授實官若武藝超倫者雖無私馬亦依前條雖不超倫但射槩超關一藝而膽略有施者依第出身外者優一大階一軍級實官若無姓第者從八品出身階依前加特授實官
七月丁巳詔從四品以上從征者不得優階正四品者優一軍級從三品已上從征者優一大階正五品已下還依前格若有正階十餘計入四品三品限授五階

永安二年五月詔私馬仗從戎優階授官又詔職人及民出馬優階各有差

八月庚戌朔詔諸有公私債負一錢以上巨萬以還悉皆禁斷不得徵責

十一月詔群官休停在外者皆令赴闕程會有差三年十月丁未詔募攻河橋格賞帛授官各有差前廢帝普泰元年四月詔有司不得復稱偽梁罷細作之條無禁鄰國還往

出帝大昌元年六月詔諸授建明普泰封爵况級優特之旨悉追

冊府元龜

巡按福建監察御史臣李嗣京 訂正

知 閩 縣 事 臣 曹鼎臣 參閱

知 建 陽 縣 事 臣 黃國琦 較釋

帝王部 六十三

發號令第二

後周太祖為西魏丞相以有晉之季文章競為浮華遂成風俗欲革其弊帝因祭廟群臣畢至乃命度支尚書蘇綽為大誥奏行之其詞曰惟中興十有一年仲夏庶邦百辟咸會於王庭柱國洎羣公列將罔不

來朝時廼大稽百憲敷乎庶邦用綏我王度皇帝曰
昔堯命羲和允釐百工舜命九官庶績咸熙武丁命
說克號高宗時惟休哉朕將丕命汝以厥官六月丁
巳皇帝朝格於太廟凡厥具僚罔不在位皇帝若曰
咨我元輔群公列將百辟卿士庶尹御事朕惟寅敷
祖宗之靈命稽乎先王之典訓以大誥乎爾在位昔
我之太祖神皇肇膺明命以創我皇基烈祖景宗廓
開四表底定武功暨乎文祖誕敷文德龔惟武考不
隕其舊自時厥後陵夷之弊用興大難於彼東丘則
我黎民咸墜塗炭惟予一人績戎下武夙夜祇畏若

涉大川罔識攸濟是用稽於帝典揆於王度拯我民
瘼惟彼哲王示我通訓曰天生蒸民罔克自乂上帝
降鑒睿聖植元后以乂之惟時元后弗克獨乂博求
明德命百辟群吏以佐之肆天之命辟辟之命官惟
以卹民弗惟逸豫辟惟元首庶黎惟趾股肱惟弼上
下一體各勤攸司茲用克臻於皇極故其彛訓曰后
克艱厥后臣克艱厥臣政廼乂今台一人膺天之嘏
旣陟元后股肱百辟乂服我國家之命罔不咸守厥
職嗟后弗艱厥后臣弗艱厥臣政於何弗歎嗚呼艱
哉允爾在位其敬聽命皇帝若曰柱國惟四海之不

造載墜一紀天未絕我太祖烈祖之命用錫我以元
輔國家將墜公惟棟梁皇之弗極公惟作相百揆營
度公惟入錄公其允文允武克軍克民迪七德敷九
功龕暴除亂下綏我蒼生傍施於九土若伊之在商
周之有呂說之相丁用保我無疆之祚皇帝若曰群
公太宰太尉司徒司空惟公作朕鼎足以弼乎朕躬
宰惟天官克諧六職尉惟司武武在止戈徒惟司象
敬敷五教空惟司土利用厚生惟時三事若三階之
在天惟茲四輔若四時之成歲天工人其代諸皇帝
若曰列將汝惟膺揚作朕牙爪寇賊奸宄蠻夷猾夏

汝狙征綏之威刑期於無刑萬邦咸寧俾八表之內
莫違朕命時汝功皇帝若曰庶邦列辟汝惟守土作
民父母民惟不勝其饑故先王重農不勝其寒故先
王重女功民之不率於慈孝則骨肉之恩薄弗悖於
禮讓則爭奪之萌生惟茲六物寔爲教本嗚呼爲土
在寬寬則民怠齊之以禮不剛不柔稽極於道皇帝
若曰卿士庶尹凡百御事王者惟歲卿士惟月師尹
惟日御事惟時歲月日時罔易其度百憲咸貞庶績
其凝嗚呼惟若王官陶均萬國若天之有斗斟元氣
酌陰陽弗失其和蒼生永賴悖其序萬物以傷時惟

報哉皇帝若曰惟天地之道一陰一陽禮俗之變一文一質爰自三五以迄於茲匪惟相革惟其救弊匪惟相襲惟其可久惟有魏承乎周之末流按秦漢遺弊襲魏晉之華挺五代澆風因而未革將以穰俗興化庸可暨乎嗟我公輔庶僚列侯朕惟否德信其一心力祇慎厥艱克遵前王之丕顯休烈弗敢怠荒咨爾在位亦叶乎朕心惇德允元惟厥艱是務克捐厥華卽厥實背厥僞崇厥誠勿讐勿忘一乎三代之典歸於道德仁義用保我祖宗之丕命符天之休克緜我萬方永康我黎庶戒之哉戒之哉朕言不再

國諱洎庶僚百辟拜手稽首曰竝聰明作元后元后作民父母惟三五之王率繇此道用臻於刑措自時厥后歷千載而未聞惟帝念功將及叔世逖致於雍庸錫降丕命乎我群臣博哉王言非言之難行之實難罔不有初鮮克有終商書曰始終惟一德乃日新惟帝敬厥始慎厥終以濟日新之明德我群臣敢不夙夜對揚哉惟茲大誼未光於四表聿以邁積俾九域幽遐咸昭奉元后之明訓率遷於道永膺無疆之休帝曰欽哉自是之後文章依此體

明帝武成元年五月乙卯詔曰比屢有糾察官司

前事此雖意在疾惡但先王制肆眚之道今天下自
新若又推問自新何繇哉如此之徒有司勿爲推究
惟庫廩倉廩與海內所共漢帝有云朕爲天下守財
耳若有侵盜國家財畜錢粟者魏朝之事年月旣遠
一不須問自周有天下以來雖經赦宥而事跡知者
有司宜卽推窮得實之日但免其罪徵備如法
武帝保定三年二月詔曰二儀創闢玄象著明三才
已備曆數昭列故書稱欽若敬授易序治曆明時此
先代一定之典百王不易之務伏惟太祖文皇帝敬
順昊天憂勞庶政曆象以陰陽爲首洎予小子弗克
遵行惟斯不安夕惕若厲自頃朝廷權輿事多倉卒
乖和爽序違失先志致風雨愆時疾癘屢起嘉生不
遂萬物不昌朕甚傷之自今舉大事行大政非軍機
急速皆宜依月令以順天心

天和元年五月詔曰道德交喪禮義嗣興褒四始於
一言美三千於惟敬是以在上不驕處滿不溢富貴
所以長守邦國於焉乂安故能承天靜地和民敬鬼
明並日月道錯四時朕雖庸昧有志前古甲子乙卯
禮云不樂菑弘表昆吾之稔杜篔有揚鱗之文自世
道喪亂禮儀紊毀此典茫然已墜於地昔周王受命

請問顓頊廟有戒盈之器室爲復禮之銘矧伊末學
而能忘此宜依是日有事停樂庶知爲君之難爲臣
不易貽之後昆殷鑒斯在

建德三年正月詔自今已後男年十五女年十三以
上爰及鰥寡所在軍民以時嫁娶惟從節儉勿爲財
幣稽留

靜帝以大象二年五月卽位十二月詔曰詩稱不如
同姓傳曰異姓爲後蓋明別親疎皎然不雜太祖受
命龍德猶潛錄表革代之文星垂除舊之象三分天
下志扶魏室多所改作異允上玄文武羣臣賜姓者

衆本殊國邑實乖胙土不歆非類異骨肉而共蒸嘗
不愛其親在行路而叙昭穆且神徵革姓本爲曆數
有歸天命在人推讓終而弗獲故君臨區寓累世於
茲不可仍遵謙挹之旨久行權宜之制諸改姓者悉
宜復舊

隋高祖開皇三年正月禁大刀長稍

十二年八月制宿衛者不得輒離所守

十三年五月詔人間有撰集國史臧否人物者皆宜
禁之

煬帝大業元年三月詔曰聽採輿訟謀及庶民故能

審政之得失是知昧且思治欲使幽枉必達彞倫有章而牧宰任稱朝委苟爲徼幸以求考課虛立殿最不存治實朝綱於是弗理冤屈所以莫申關河重阻無繇自達朕故建立東京躬親存問今巡歷淮海觀省風俗眷求讜言徒繁詞翰而鄉較之內闕爾無聞無然夕惕用忘興寢其民下有知州縣官政治苛刻侵害百姓背公徇私不便於民者宜聽詣朝堂封奏庶乎四聰以達天下無冤

五年正月己丑制民間鐵叉搭鈎攢刃之類皆禁絕之十一年二月庚午詔曰設險守國著自前經重門禦暴事彰往策所以宅土寧邦禁邪固本而近代戰爭人居散逸田疇無伍郭郭不脩遂使遊惰寔繁寇攘未息今天下平一海內晏如令人悉城居田隨近給強弱相容力役兼濟穿窬無所厝其奸宄荏蒲不得聚其逋逃有司其爲事條務令得所

唐高祖武德元年六月詔曰前政多僻人不聊生怨讟如讎嘗無控告黎民易子而食郡縣猶有餘糧遂使聚歛無厭窮兵不已忠良屏跡邪僞當塗慶妖怪爲禎祥稱希旨爲奉法至於亡滅上莫之知靜言其事可爲太息者也朕恭膺寶曆救斯兆庶思革前弊

念茲起軍以來於今朞月軍書羽檄日有百數一言一事皆親覽焉未明求衣中夜不寐恐一物之失所慮一理之有屈但四方州鎮習俗未懲表疏因循尚多迂誕申請盜賊不宥至言論民疾苦每虧實錄妄引哲王深相佞媚假託符瑞極筆阿諛亂語細書動盈數紙非直乖於體用固亦失於事情千里停於一言萬機湊於一日表奏如是稽疑處斷不知此者謂我何哉宜頒告遠近知朕至意

二年七月討王世克詔曰世克僭逆拘逼黎元向化之徒無繇自達朕惡煩百姓不欲興戎久戢兵威未窮征討然而縱溢彌甚暴虐不悛愍彼方隅久遭塗炭賊旣糧盡計竭衆叛親離惡稔貫盈亡徵已見今則分命驍勇步騎齊趨直指維濱衝其巢穴招納降附拯救阡危務在安人豈實求利兵馬所到有因事立功擒敵制勝者重頒爵命厚加褒賞其金玉府藏分賜將士酬賞之科仍依別格宜明申布咸使知聞十月詔曰士非素厲難以應敵設法垂憲期於不犯自今已後有背軍鎮征役者隨卽科處必無容貸宜明宣告咸使知聞

四年二月秦王討世克奏請進圍東都高祖謂使人

字文士及日歸報爾王今取東都者止欲兵甲休息
耳破城之日其乘輿法物圖籍器械非私家所須者
委汝收之子女玉帛皆分賜將士

太宗貞觀二年九月詔曰自昔帝王受天明命其有
二儀感德百靈效祉莫不君臣動色歌頌相趨朕恭
膺大寶情深夕惕每見表奏符瑞慙而增懷且安危
在乎人事吉凶係於政術若時主肆虐嘉貺未能成
其美如治道休明咎徵不能致其惡以此而言未爲
可請自今已後麟鳳龜龍大瑞之類依舊表奏自外
諸瑞應奏者唯顯瑞物色目及出現處更不得苟陳

虛飾徒事浮詞

三年四月詔曰百行之本要道唯孝一言終身恕而
已矣春生夏長寬簡之令行焉齊禮道德耻格之美
斯在朕躬爰自幼年夙稟庭訓豈徒學聞詩禮因令
平定國家是以提三尺之劍起一旅之師戮鯨鯢于
原野救黎蒸於塗炭雲雷締備嘗夷險仁發於心
義形於色大敵必勇匪爲身謀大憝必誅志安天下
太上皇留心姑射尚想軒轅駐蹕大安使朕正居紫
極顧惟虛薄辭不獲免祇奉制誥負宸當朝乃眷宮
宇載懷冰谷未明求衣乙夜忘寐靜思七政言念九

功何以答上玄之心稱嚴君之意欲勤恤典刑舉直
錯枉允釐人瘼親賢用能拯濟困窮抑損澆偽開直
言之路廣不諱之門聞所未聞日慎一日望人皆見
德變至於道若一物失所一人有怨則朕躬之責訓
道不明也朕聞書曰至誠動神况於百辟乎况於兆
庶乎比聞遠近黔黎耻爲盜賊州縣囹圄多並空虛
豈繇德教至此自是人知厭亂因其遷善可以化之
朕往因征伐天下多矣每見村落丘墟未嘗不撫膺
太息自登九五不許橫役不惟異遐邇休息得相存
養長幼有序敬讓興行其孝義之家賜粟五石高年

八十以上粟二石九十以上三石百歲加絹二疋婦
女正月以來生男粟一石鰥寡憊獨不能自存逃戶
初還交無糧貯州縣長官量加賑恤諸州官人或正
直廉平刑清訟簡或貪婪貨賄害政損人宜令都督
刺史以名封進白屋之內閭閻之人但有文武材能
灼然可取或言行忠信堪理時務或在昏亂而肆情
遇太平而克己亦錄名狀與官人同申泣辜慎罰前
王所重枉繫一日事等三秋州縣法司特宜存意普
告天下知朕意焉

四年七月令諸司若詔勅頒下有未穩者必須執奏

不得順旨便卽施行務盡臣下之心也

五年十二月詔曰欽明慎徽之朝稽古爲本體國經野之制利建爲先莫不因可大之功弘可久之德與萬方同其樂百姓共其安饗祚遐長卜年用永躋壽以五錫壤惟三周監二代煥乎前史魏晉迄今舊章寢廢維城之義缺如建侯之道斯絕王綱斃弛內無拯救之臣國步纒迤外無藩屏之衛致令大盜猖獗動有窺覷蒸庶板蕩屢遭塗炭進乖爲民之策退失象賢之典寧邦固本其可得乎朕祇膺大寶欽承景命勵精治術安輯夷夏九服同軌六合一家日月所

臨無思不服豈伊人力天實賜之旣荷殊私休弘大賚疆理都邑褒錫親賢與夫懿戚元功共享其利自我作古不必專依前典允今約古隆基垂統世祿傳家足以載德圖身厚已足以竭誠自然國有嘗奉民獲其福皇家宗室及勲賢之臣德行可稱忠節顯著者宜令作鎮藩部宣條牧民貽厥子孫嗣守其政非有大故無或黜免酬勤報效仍宜有差宜令所司明爲條例等級具以奏聞

九年十一月詔曰高祖文皇帝天縱神武膺錄受圖可久之德格乎區宇敦睦九族協和萬邦賢能必建

德化潛洽革百王之弊興三代之風天平地成邇安
遠肅至德被於四海休烈光於千載巍巍蕩蕩無得
而稱焉朕嗣膺寶祚夙夜兢惕思述先志被之率土
其內外姻戚生平故舊太原元從官人及歷試之所
文武僚佐爰洎胥吏往雖每降國恩恐未周悉或才
用不申階品屈滯或家道貧匱子孫沉淪須有矜量
咸使得所先朝憂勞庶政唯以恤民爲本諸州都督
刺史有政績可稱者具以名聞其諸州百姓奉營山
陵者亦宜量有蠲免可令所司詳爲條例聞奏並務
從優厚稱朕意焉

十二年七月詔曰朕聽朝之暇頗觀前史每覽名賢
佐時忠臣徇國何嘗不想見其人廢書欽歎至於近
代以來年載非遠然其胄緒或當見存縱未顯加旌
擢無容棄之遐裔其周隋二代名臣及忠節子孫貞
觀以來犯配流者宜令所司具錄奏聞

十六年十月詔曰盜賊之作爲害寔深州縣官人多
求虛譽苟有盜發不欲陳告鄉村長正知其此情遽
相勸止十不言一假有披論先劾物主爰及隣伍久
嬰縲紲有一於斯甚虧政化自今已後勿使更然所
司明加採察隨事繩糾

十九年九月以舊制勳官十二等有戰功者隨高下以授之帝欲隆渡遼之賞因下詔曰授以勳級本據有功若不優異無繇勸獎今討高麗其從駕爰及水陸諸軍戰陣有功者並聽從高品上累加六軍夫位高宗永徽三年五月己未制禁斷五日進獻及更相贈遺

顯慶四年十一月詔曰凡百具僚群公卿尹除命甫及多存飾讓言勵已以辭榮未舉能以自代既取當年之誚還愆曩烈之風自茲厥後須革前事必欲稅駕濠濮褫袂巖廊宜各舉所知自代仍宜顯述不行

送付中書省將隨才叙用

咸亨五年五月詔曰采章服飾本明貴賤升降有殊用崇勸獎如聞在外官人百姓有不依令式遂於衫之內着朱紫青綠等色短小襖子或於間野公然露服貴賤莫辨有蠹彝倫自今已後衣服上下各依品秩上得通下下不得僭上仍令所司嚴加禁斷勿使更然又春秋二社本以祈農如聞除此之外別立當宗及邑義諸色等社遠集人衆別有聚飲遞相糾浪有徵求雖於吉凶之家小有禪助在於百姓非無勞擾自今已後宜令官司嚴加禁斷

中宗神龍三年四月制自今應是諸節日並不得有進獻其諸親百官有事須獻食者並不得用假花假果金薄銀薄等物又每年孟蘭盆宜用真實餅果裝飾不須用金寶繒綵浮假之物其少府監所供進器玩及雜用諸物皆准此又所在五月五日非碁功已上親不得輒相贈遺

當時雖有其文而竟無能行其事者故賢人君子以是增

憂歎焉

景龍四年二月癸巳申明舊勅禁寒食日以雞卵相餉遺

睿宗太極元年三月制曰王道至公所以承於天地

臣心一德所以固於邦家朕紹膺丕業務存簡惠並有耻且格無侵于刑如聞百司非嘗寬縱凡是與奪公然囑請及其不遂即生謗鑠御史縱知亦不彈糾文昌會府衆務所歸御史憲司繩劾斯舉自今已後王公朝士有囑請者所繇官密奏聞若苟相容隱御史訪察彈糾

玄宗開元二年二月詔曰天下寺觀屋宇先成自今已後更不得創造若有破壞事須條理任經所繇陳牒簡驗然後聽許癸亥制令道士女冠僧尼致拜父母

六月制應說災祥誑惑問里並令州縣長官等嚴加
提擗仍令御史訪察繩糾

四年二月詔曰彰施服色分別貴賤苟容僭濫有乖
儀式如聞內外官絕無着碧者皆詐着綠以爲當事
又軍將在陣賞借緋紫本是從戎缺勝之服一得以
後遂別着長袍迤相做恂又入蕃使等別勅借緋紫
者使回合停或有便着曾無愧耻憲司不能舉劾遂
令此弊滋甚自今已後衙內宜專定殿中侍御史糾
察並限十日內容其改正如更有犯者所繇御史本
司官長並量事貶降

四月制曰朕聞頗回知過不無過也蘧瑗知非不無
非也孔子曰過則勿憚改過而能改善莫大焉此則
古之賢人知未能免朕祇膺駿命光闡鴻猷思華頽
風以清貪吏作程者不要於密貴於必行行法者不
要於嚴貴於適中比歲或使者察按或憲司繩糾未
能發明大體頗亦委曲小瑕殊異恢恢之言遂行察
察之事一從過誤永黜彘倫銓管不許棄瑕薄書寧
其刷耻懷才則每歲見斥登用則終身蔑聞靜言思
之誠未爲得學以從政祿以代農代農不可以易業
從政不可以紊序永鑒前弊當無廢人改而更張朕

之志也官人有負犯洗滌赦宥者宜並除限選日量
資依舊選例處分又諸色勾徵延限未納已歷年序
所繇州縣無憑終不敢放或已淪已沒重被徵收或
先死先逃勒出隣保令茲貧弱何以獲安自今已後
有隱欺勾者宜勾當年事連去年亦任通勾隔年以去
不在勾限其官典隱欺贓在限內者不在此例布告
天下咸使聞知

閏十二月詔曰如聞兩京開驛家緣使命極繁其中
多有妄索供給宜令御史劉昇往南北兩路簡察隨
事奏聞

五年三月詔曰僧尼道士等先有處分不許與百姓
家還往聞近日仍有犯者宜令州縣捉搦勿使更然
十月甲申詔曰王者欽若天道率繇時令考六官之
法脩五紀之化故得災害不生休徵游委朕紹膺洪
業于茲六載每惇政理思致和平而陰陽未調蝗水
仍集天之垂誠朕甚懼焉夫正月東郊祈春賞士孟
冬北陸迎寒恤孤參四序之運行稽五材之動用弗
協所尚或罹於咎且事必師古禮重執文將命有司
允迪厥訓自今已後每八月禮官條奏應所行事當
斟酌古典用孚於休宣布朝廷使知朕意

六年六月勅少府監錦袍宜令益州每年籠細各織十五領送納以供賜諸藩守領

九年正月勅自今以後幸溫湯應須置頓使及諸使等去京既近並令行從官便充不得更乘傳驛

二月乙酉詔曰四海清晏百年于茲雖戶口至多而逝亡未息良繇牧宰之任訓道無方不能綏撫令其浮惰且寰宇一統天下爲家去此就彼孰非州縣使其離鄉者則亦無改成其逋藪者何以居官遂令邦賦不入人僞斯甚政術不理豈過於茲宜令所司商量作一招攜捉搦法聞奏丁亥制曰國家祖武宗文

重熙累洽克清寰極大庇生人玄德獨化放乾元而資始至道無名合帝先而首出自削平區宇混一車書六合晏然百有餘載則我文武之業大造於上靈朕嗣守丕運續承洪緒恐不能誕敷前烈光闡睿圖夙夜祇畏如臨泉谷曷嘗不恭默思道寤寐求政從人之欲每以萬姓爲心屈已之勞嘗矜一物之失但以法久而弊法弊則通制國以立法爲先教人以占著爲事自厲清晏人多偷怠國章或弛毗僞寔繁今正朔所及封疆無外雖戶口既增而稅賦不益莫不輕去鄉邑共爲浮惰或豪人成其泉藪或奸吏爲之

曩橐逋亡歲積流蠹日滋州縣不以爲矜鄉隣實受其咎雖朕之薄德罪則在予非官無政吏不守法耳若浸以久安而肆之則國之隄防於是踰紊今欲去其末而歸其本閉其邪而正其德使法有所立人知向方是用恤孤窮免逋貸式廣自新之路俾申莫厚之恩諸州背軍逃亡人限制到百日內各容自首准令式合所在編戶情愿住者卽附入簿籍差科賦歛於附入令式仍與本貫計會停徵若情愿歸貫及據令式不合附者首訖明立案記不須差遣先牒本貫知容至秋收穫遍還情愿卽還者聽待到本鄉訖免

今年賦租課役如滿百戶已上各令本貫差官就戶受領過限不首並卽括取遍邊遠附爲百姓家口隨逃者亦便同送若限外州縣公私容在界內居停及事有未盡所司明爲科禁其天下勾徵逋懸及貸糧種子地稅在百姓限內先有追收之文案未納者自開元七年十二月以前並宜放免官典隱欺不在免限將使百度伊始萬邦在宥人復其業官脩其方凡厥庶僚各虔爾職俾率典訓以康政途布告遐邇使知朕意

十月詔曰如聞諸道兵募丁防年滿應還或征役處

分及在路死者不得所繇牒報本貫無憑破除仍有
差科親鄰受弊宜令今年團日勘責同行火隊的知
實死卽與破除自今已後每有兵募丁防放歸令州
軍具存亡夾名牒本貫

十年閏五月詔曰六卿分設諸郡咸理在於下人合
免寃滯如聞越局侵務背公向私其傷則多爲政必
紊宜令天下州縣百司察案俱守乃曹各勤所職或
有身名尚屈刑罰不平職役未均徵差無次爰及侵
奪亦兼違負凡人所訴大略如斯若縣不爲申州必
須理州不能理省必爲裁上下相持寃訟可息自今

已後訴事人等先經縣及州並尚書省披理若所繇
延滯不爲斷決委御史採訪奏聞長官已下節級量
貶

十二年二月詔曰朕君臨宇內子育黎元豈以黃屋
爲尊實以蒼生爲念何嘗不日旰忘食未明求衣雖
身在九重而情存六合恐至道猶鬱大化未孚昨因
展義河東祈穀雝上肆覲群后親問高年舉滯賑窮
旌善黜惡緝其墜典酌于古訓今省方告至禮祀云
畢思又庶官務崇簡易河南河北去歲水損人或竊
盜吏或侵抑不防害馬何以安人或令御史分道案

行量加賑給諸州府馬關數稍多既合官填復須私
備貧兵力致實以爲難宜令所司卽勘會關數與關
廩使計會取監牧馬克其行過處緣頓及營募損百
姓青苗並令本州勘以正倉酬直懷澤兩州已免地
稅潞州太原府亦有給復其汾晉蒲絳同華京兆河
南供頓戶並宜免今年地稅鄭衛維相宜泌慈隰等州
佐助夫役雖日不多終是往還辛苦各免戶內今年
差科緣頓所築宮牆內今並空閑任本主耕種緣路
州縣有表薦官僚及上書獻頌者中書門下審覆奏
聞量加進賞發都簡試及諸色召募行從人遠將巡

省須收才用並令所司卽作條例處分內外官職田
恐侵百姓先令官收慮其祿薄家貧所以別給地子
去歲緣有水旱遂令摠停如聞卑官頗難支濟量事
優恤使得自資宜准元勅給其弟子朱紫貴品皆豫
考勞人臣事君忠無二節至如泛階溥及義取平均
豈獨清官偏得減考自今已後如泛階應入五品以
十六考爲定其有名賢宿德及異迹殊狀雖不達泛
階或因選改之次年考與節限同者咸以名聞仍爲
永例今之刺史古之諸侯會玉汾睢預陪祀禮宜令
中書門下商量奏聞方今萬類發生春事方起所司

加元號令
宜敬敷五教敦勸三農議緩刑獄禁傷胎卵罷妨農
不急之務減額外不要之官各委長官量事處分宣
示遠近副朕意焉

五月詔曰緇黃二法殊途一致道存仁濟業尚清虛
邇聞道僧不守戒律或公訟私競或飲酒食肉非處
行宿出入市廛罔避嫌疑莫遵本教有一塵累深墮
法門宜令州縣官嚴加捉搦禁止

十二年正月詔曰近日漏刻失時或早或晚宜令太
史謹脩盡職勿使更然如有愆違委御史彈奏

十三年謂宰臣曰往者史官唯記災異將令王者懼
而脩德故春秋不書祥瑞唯記有年聖人之意明矣
勅天下州郡不得更奏祥瑞

十四年四月太原尹張嵩奏有客季子嶠詐稱皇子
入驛居止子嶠云生於潞州母曰趙妃生十六歲舅
奴攜至雒陽以患目疾不得入聞後數歲遇楊尉
舅再挾出北遊靈夏因至太原今十七歲矣帝聞之
以爲矯妄勅嵩杖殺因下制曰如聞在外州多有矯
稱勅使詐乘傳驛或托採藥物言將貢獻或妄云
人肆行威福如此等猶須禁斷若緣別使皆發中使
以此參察固易區分宜令州縣嚴加捉搦勿容漏網

十六年六月詔曰凡制令宣布皆所以爲人知聞
縣承勅多不告示百姓咸使聞巷間不知肯意是何
道理宜令所繇提擗應有制勅處分事等令終始
當使百姓咸知如施行有違委御史訪察奏聞
十九年二月乙酉詔曰令式條流科制明具行之已
久亦便於人比者天下勲官加資納課又因犯入罪
罰鎮配州言念於茲有乖寬恤宜各依令式處分其
先罰鎮及配隸人未歸者並卽放還

二十年四月甲午詔曰相州往緣親王出牧脩造非
嘗宏壯兼之亭榭林木故非臣下所居遂使闕不安
穩宜令州司卽改造廳衙及刺史宅其無用榭等亦
須除伐自餘州縣有不安穩者亦任量事移改仍
開月漸脩不得勞擾百姓

二十五年五月乙亥詔曰近聞諸軍兵募逃喪者多
儻或臨戎如何破敵自今已後每致交兵之時令
史分任諸軍與節度使計議簡括奏聞隨事褒貶以
存勸戒

二十六年二月禁寒食鷄卵相遺

二十八年三月詔曰蠹政之深左道爲甚所以先王
設教犯者必誅去其害群蓋非獲已自今以後

託稱佛法因肆妖言妄談休咎專行誑惑諸如此類
法實難容宜令所在長官嚴加捉搦

七月詔曰頃緣諸州寺觀僧道闕人所以數選行業
用填其數如聞因此之際私度者多接脚冒名觸類
非一遂使是非齊例真偽難分若不澄其源流何以
革茲頽弊天下諸州寺觀有此色者聽勅到陳首免
還俗

天寶三載十一月勅每載依舊取正月十五日燃燈
五載正月詔曰天下山水名稱或同義且不經多因
於里諺事若仍舊何成於焉別宜令所司各據圖籍

改定訖奏聞

七月詔曰應流貶人皆負罪譴其中或捨其殊死全
彼餘生將寬嘗法示有懲戒如聞在路多作逗遛郡
縣阿容許其停滯是何道理自今以後其左降官量
情狀稍重者馳十驛已上赴任流移人令押領綱典
畫時遞相分付如更因循尚有寬縱所繇當別有處
分

十一載十二月詔曰王者制軍誥禁師旅惟貞飲至
勞旋賞罰必信易曰在師中吉承天寵也傳曰賞不
失勞俾人勸也若黷前典何以化成諸軍節度使等

委任尤重雖奉謀受律去則捷歸而甄賞叙勳率多非實且爲君者以信御下爲臣者以忠奉上信不可失忠不可虧朕保而行之庶能激勵且往前立功皆令簡覆至於叙錄亦委別人朕以將者國之腹心朝之方嶽舍此不任誰則竭誠所以每一立功咸委叙推心之道斯亦極矣近來諸軍滋弊尤甚乃至奏蕃中事意爰及破敵錄功觸類憑虛皆非據實或入行陣又被棄遺或不踐軍戎虛霑爵賞銀章紫綬無汗馬之勞厚祿崇班皆親援而致使戰士失望徒倖競馳靜言其繇實在於此且古者士農異處軍國

殊容所以國學上庠以教胄子撰車表貉用訓戎師豈有家襲弓裘身參卒伍斯乃假名取進其理昭然皆因主將有私遂乃公行囑託已往之過朕亦不言將來自新必期革弊自今已後朝要並監軍中使子弟一切不得將行先在軍者亦卽勒還破敵叙功事歸案實且虛妄事君覲冒行惠不懼於法不畏於神凡在庶僚亦宜自戒宣示中外令知此懷
十三載二月詔曰三載黜陟百王令典殿最之迹廉問攸歸欲更別遣使臣慮有煩擾今載宜委本道採訪使具官人善惡奏聞以申勸沮

十四載三月詔曰踐更之役固是循嘗限約之間必資通變雖載滿合替而處置隨時况已在軍中復請戎務功名未遂何必往來其今載諸軍應文武士等宜並延留一載仍准式給賜式外更加賜物兩段

冊府元龜

冊府元龜

巡按福建監察御史臣李嗣京 訂正

知甌寧縣事 臣孫以敬叅閱

知建陽縣事 臣黃國琦較釋

帝王部 六十四

發號令第三

唐肅宗至德元年十月癸未車駕至彭原郡詔中官不得侵暴百姓開諫諍之路依貞觀故事御史彈事不須大夫同署諫官論事不須宰相先知

二年二月詔軍人有侵掠平人子女者令聚衆斬之

十月詔曰聖人有作弧矢爰興歷代以來征伐靡
自逆胡已死餘孽猶存所在蕃人多以利合亦有因
事便被脅從朕誓雪國耻餘無所問中夜痛憤志安
蒼生其假息偷生披城自守池魚幕鷺何以喻茲
平王及諸將分隊夾攻迎軍破敗橫屍遍野積甲如
山二十里內可知多少其中逼迫同被殺傷言念於
茲良深憫悼今兵馬乘勝便取東京平盧節度使兼
領奚契丹五萬又收河北天下之事計日可平緣京
城初收要在安百姓又掃灑宮闕奉迎上皇以今月
十九日還京應緣供頓務須減省豈忘艱弊當別優
賞宣示百姓令知朕意

十一月壬申御丹鳳樓下詔曰我國家出震乘乾立
極開統謳歌歷數啟聖千齡文物聲名握圖六葉安
祿山夷羯賤類頑克殘復頃以捍邊有功專制方面
同人者貌謂報効恩私異人者心乃包藏逆亂以爲
中原無備干戈可動而毒深流禍變起倉卒塗炭萬
姓興言痛憤朝市之內忽肆克殘衣冠之中咸被
汗朕作人父母志雪國讎是用中夜奮發提戈問罪
自靈武聚一旅之衆至鳳翔合百萬之師親搃元戎
掃清羣孽出師之日仍下寬令殲厥渠魁餘無所問

有能翻然歸順自縛軍門復其官爵仍加優賞將士
等以大軍一舉玉石俱焚元惡就誅克殘竝戮僮
遍野匹馬不遺今西土罷兵咸以寧輯河雒氛祲一
朝剪除廣平王俶受委元帥能振天聲左僕射子儀
決勝無前克成大業復有回紇葉護及雲南子弟並
諸蕃兵馬等皆竭誠向化力戰賈勇事同破竹易若
摧枯朕入城之日百姓咸思戴商復喜睹漢烟風雲
景皆是祥光里巷懽呼惟聞相慶朕早承聖訓嘗讀
禮經義切奉先恐不負荷今復宗廟於函雒迎上皇
於巴蜀導鑾輿而反正朝寢門而問安寰宇載寧朕

願畢矣且復人將有主敢當天地之心興豈在予實
憑社稷之祐京城僧道耆老百姓等比者時穀翔貴
薪芻不給困窮之極朕常繫心緣初收京城倉庫未
積待國用稍足豈忘施惠其諸色行人因陣沒并坊
市百姓及諸色蕃胡召募并元惡兇黨昨因破敗所
在潛藏并仰於府縣及御史臺陳首一切原其罪如
有被人言告捉獲者竝從軍令其京城內外文武官
有受賊補署罄其心腹自祖及父皆承國恩就逆背
順頓忘臣節或有守舊官者請俸料爲賊判官或判
官之際中間得替并有攝賊僞官兼知職掌其中有

京官及私白身皆受推用其中有隱迹不出國辭去
病色類既廣人數又多宜令御史臺憲部大理三司
據狀勘責條件聞奏其外官克使及先有職掌并事
故及隔絕未赴任在京者亦委三司勘責奏聞又賊
中臺府坊市所繇人等比與逆賊追捕造事之端損
害忠良仍奪財物爲蠹尤甚情不可容宜令崔光遠
禁身切加推勘一一狀奏勿令漏網其內侍省及左
右龍武羽林軍并閑廐飛龍諸武官應先合從駕人
等其中臨行潛避遂受賊驅使並各委本司使括責
量情狀輕重奏聞其隱盜倉庫及偷劫逆賊家錢物

或受賊寄附并與賊請料祿等因此隱沒者並限勅
到十日內各於所繇陳首其物便准數送納本色并
還不須科罪慮已有破用徵納艱辛仍十分放三以
示弘貸其近日逆人及隔絕人莊宅宜卽括責一切
官收又聞人家子女多被侵逼且非本情宜一切不
須尋問或與逆賊居住鄰近及作義故往來情非切
害一時之事有殊逆黨亦宜釋放其有受賊僞度人
宜令所司括責並勒還俗其僧及道士各收本色所
在寺觀勿許居止今兩京無虞三靈通慶何以昭事
宜在覃恩待上皇到日當更處分咨爾有衆知朕意

焉

三年正月詔京城之人久陷克醜亦既底定莫非王臣比屋可封唐之人闔境皆戴商之舊復以宗廟之器府庫之資散在閭閻紊於綱紀主守者缺以供事竊取者冒其嘗刑所以遣其檢括必使詳實如聞小臣失所遂使流言寇攘資財驚擾士庶官吏不脩其法豪強橫有縱暴或得一官物則破人家產或捕一奸吏則傍累親鄰仍有不逞之徒因此恐嚇大爲侵暴百姓冤苦永言哀念良深歎息委京兆尹兼御史大夫李峴勾當諸使檢括一切竝停妄有欺奪宜卽推補奏聞仍榜坊市務令安輯副朕意焉

乾元二年三月詔曰百姓之間務在優恤前詔已有處置訖其或事妨於政法害於人尚有因循理資改革前後詔命非不叮嚀至於頒行多有掩蔽蓋緣賞罰未著所以恩信或稽自今已後如有奸吏弄法割剝黎元因公循私害物傷政委御史臺訪察具狀奏當議刑章比緣軍國務殷或宣口勅處分諸色取索及決配囚徒雖務從權實爲亂政自今已後一切竝停如非正宜竝不得行用中外諸務各歸有司其武軍虞候及六軍諸使諸司等比來或因論說懸白

進攝旣紊綱紀復擾毗黎自今已後一切須經臺府
如所繇處斷不平卽任具狀奏聞京城諸色所繇先
緣與逆賊追捕比今招捉矜其迫脅一切竝放其受
賊僞官人莊宅不合收納者一切竝還如有已將借
賜卽准估量還價直仍委所繇勘會處分賞罰二柄
國之大綱令在必行人則無濫自今已後朝廷及軍
府疇庸議罪宜各精詳如舉或因情事有不當所繇
長吏必寘嚴典王師所往爲人除害必使秋毫不犯
信義俱明如聞比者諸軍有乖於此或干戈之下殺
戮無辜或營壘所經恣行暴虐乃貽怨毒豈曰安人

自今已後各委本將嚴加訓誓明申賞罰儻師徒不
擾則究醜自平如有違犯悉從軍令其御史臺所欲
彈事不須更進狀仍服豸冠所被彈劾有稱讎嫌者
皆與遷延以求苟免但所舉當罪則讎亦不嫌如憲
官不舉所職降資出臺儻涉阿容仍重貶責今殘妖
未殄國步猶艱共體至公以康庶政朕推誠御物與
衆共之四海之人皆朕耳目則何功不就何化不成
思與蒼生臻夫至道下詔之後百司及諸州府事有
非便文有不該仰各條件奏聞卽當釐革宣示中外
知朕意焉

中帝道則乖於御下王者持平慎恤蓋在於此朕纘服洪緒躬臨庶政何嘗不內軫泣辜之念外覃解網之恩詔書所下期於必當往以衣冠之伍受職賦中量其重輕俾申貶黜比聞三司處置未甚均平或同科之中升降有異或謫任之所風宜不一頗招情狀殊匪至公是以縉紳之間不無竊議有司奉法其若是邪又流降量移久申詔令省司類例事亦稽遲途使嶺嶂踰時積流荒之嘆雨露凝澤壅如絲之旨迭聽遐邇頗聞咨嗟斯乃王者怠官甚無謂也宜令中書門下類例三司先所貶官各據科目均平改擬仍審勘前後制勅應合霑恩并速處分准制合量移人亦令吏部速比類聞奏又緣頃經逆亂中夏不寧士子之流多投江外或扶老攜幼久寓他鄉失職無儲難歸京邑眷言憫念實惻於懷宜令中書門下牒本道責取名品應五品已上官竝卽與進取六品已下官合序用名品可收者亦量才叙用仍據中外員闕均融授官其授京官者仰本道勾當裝束卽令赴京授外官者各令之任餘不合授官是士流者所在州縣一切安存無害公私勿令干擾

上元元年閏四月詔曰車服以庸有虞盛典威儀以等周禮舊章往屬承平多歷年所至於公卿列位中外在官多以奢僭爲心流弊成俗宜命所司定王公以下車服產業各詳古制及令式作節限聞奏自頃戎車未息殘孽猶虞軍吏獻功務陳首級且四海之內孰非王人豈以苟從昏迷陷在夷戮一朝投首懸彼藁街朕志存好生憫其驅脅其諸軍所獲首級除元惡之外一切不得傳送

代宗寶應元年七月庚寅詔不許匪使閱投懸人文狀庚子詔曰推薦之道必務於至公賞罰之間亦資於不濫其諸色舉人等須有處分令薦所知實件未能用施政理自宜慎擇以副虛懷古者勅官三歲考績善惡旣著褒貶斯存舉之得人必受旌能之賞舉之失選亦加懲過之罰賞罰之典期於必行凡百具僚宜知朕意

廣德二年二月禁王公百官家及百姓著皂衫及履耳帽子異諸軍官健也

五月禁鈿作珠翠等委御史一切加捉搦卽令禁斷永泰元年正月制曰刺史縣令與朕分憂彫瘵之人切須撫字一夫不獲情甚納隍有能招緝逃亡平賊

賦稅增多戶口廣闢田疇清節有聞課効尤著者宜
委所在節度觀察具名聞奏卽令案覆起資權授其
有理無能政迹涉賊私必當重加貶奪永爲殿累
四月詔曰如聞自東都至淮泗緣汴河州縣自經完
難百姓彫殘地濶人稀多有盜賊漕運商旅不免艱
虞宜委王縉各與本道節度計會商量夾河兩岸每
兩驛置防援三百人給側近良沃田令其營種分界
捉搦

十二月詔曰如聞諸州承本道觀察節度使牒徵科
百姓人戶彫弊職此之繇自今以後切宜禁斷仍委
轉運使察訪以聞

大曆二年正月詔曰天文著象職在於疇人識緯不
經蠹深於疑衆蓋有國之禁非私家所藏雖禪竈明
徵子產尚推之人事王彫必驗景畧猶寘以典刑况
動皆訛謬率是矯誣者乎故聖人以經籍之義資理
化之本反言曲學實紊大猷去左道之亂政俾羹倫
之有叙自四方多故一紀於茲或有妄庸輒陳休咎
假造符命私習星歷共肆窮鄉之辨相傳委巷之談
詐僞多端順非而澤熒惑州縣誑誤間闕壞紀挾邪
莫逾於此其玄象器局天文圖書七曜曆太一雷公

式等私家竝不合轍有自今已後宜令天下諸州府切加禁斷各委本道觀察節度使與刺史縣令同為捉搦仍令分明榜示村坊要路竝勒鄰伍遞相為保如先有藏畜者限勅到十日齎送官司委本州刺史等對眾焚毀如外隱藏有人糾告者其隱藏人先決一百仍禁身聞奏其糾告人先有官及無官者每告得一人超資授正員官其不願任官者給賞錢五百貫文仍取當處諸色官錢三日內分付訖具狀聞奏告得兩人已上累酬官賞其州府長吏縣令本判官等不能捉搦委本道使具名彈奏當科貶黜兩京委御史臺切加訪察聞奏准前處分咨爾方面勲臣洎十連庶尹罔不誠亮王室簡於朕心無近宵人慎乃有位端本清末其誠之哉又禁王宗公子及郡縣主之子不得與軍將結親及定交遊委御史臺訪察彈奏

六年四月詔曰王制命市納價以勸民之好惡布帛精粗不中數廣狹不中量不鬻於市漢詔亦云纂組文繡害女工也朕思以恭儉克已惇朴化人每尚素玄之服庶齊金土之價而風俗不一踰侈相高浸弊於時其來自久耗縑繪之本資錦綺之奢異彩奇文

憲其誇競今師旅未戢黎元不康豈使淫巧之工更
虧嘗制在外所織造大張錦硬軟瑞錦透背及大綱
錦竭鑿六破已上錦獨窠文紗四尺幅及獨窠吳綾
獨窠司馬綾等竝宜禁斷其嘗行高麗白錦雜色錦
及嘗行小文字綾錦等任依舊例造其錦綾錦文花
所織蟠龍對鳳麒麟獅子天馬辟邪孔雀仙鶴芝草
萬字雙勝及諸織造差樣文字等亦宜禁斷兩都委
御史臺諸州府委大道節度觀察使切加覺察如違
犯具狀奏聞

六月詔曰自今已後所在不得閉糴及隔截推稅如
輒違犯所繇官節級科貶仍委御史臺及出使郎官
御史訪察聞奏

十二年四月詔曰自頃軍嚴未解政或隨時多逐
宜未歸理本宜委中書門下郎與諸司長官各舉所
司內外遺闕商量釐革處置作條件聞奏俾昭宣統
度永備彛倫便俗安人典章式叙宣示中外咸使知
聞

十三年十月禁京畿內持兵器捕獵

十四年六月赦書自今已後更不奏置寺觀及請度
人又諸使及州府有須改革處置事一切先申尚書

省委僕射已下衆官商量開奏外使及州府不得輕
自奏請

德宗建中三年二月詔曰在昔聖王之御寓也常備
文德以勝威武故能協和神人無寧方夏蓋有國之
令圖也朕自君臨萬邦於茲三載明發求理中夜靡
違常懼祖宗之威重顧維黎元之未洽是用君臣之
際推以腹心賞罰之道俾無僭濫每發一詔施一令
罔不本之以德義後之以威刑期載五兵思弘七教
庶乎勝殘去殺之理有耻且格之道而淑身薄德肺
腑未親四方諸侯義信猶阻近聞曹濮數州知加兵

籍司馬採聽飛語容納奸謀交質往來邀結外援雖
各在封畧言備寇攘而汴郊士庶頗聞驚擾間井奔
散如避寇讎迨茲春中首種未入朕爲人君父不能
以誠明感達股肱之佐不能以慈惠覆育黔黎之類使
其骨肉相去情義不通終宵咎責心用震悼亦以社
稷之計億兆之命防微慮遠不得不然至於君臣之
道進退之理雖以造次顛沛嘗所不忘也是以分命
節制及集諸軍於汴宋懷鄭之間使屯守發令之日
且嘗言誠非有侵軼不令議戰但田里服業農桑及
時下無愁怨外絕師旅偃旗卧鼓朕願斯畢於戲惟

天地日月實鑒我心山川鬼神尚弼予志布告中外咸令知悉

興元元年七月詔日被逆賊除官固節不出事迹分明先經聞奏者續加甄獎

九月詔應京百司及府縣去冬見任職事及嘗參官陷賊潛藏竝諸色前資官在城為逆賊偽署官爵頻遭迫脅首末不出事跡昭著衆所明知者竝委御史臺勘覆事實勿容虛濫仍限今月內具名銜狀跡聞奏五品已上委中書門下即與處分六品已下減三選不拘考例聽得資者非時放選仍優與處分如已

身死者竝與追贈

貞元元年三月甲寅宰相召諫官御史宣諭帝旨曰

自今上封與彈劾宜人人自陳論不得羣署章奏若

涉朋黨

初京兆尹李齊運以公事誦萬年縣丞源遠左右猝犯不以道遂死於庭京兆不直其妻

鄭氏告冤闕下御史大夫崔縱請窮竟死狀帝不聽遂妻訴不已縱奏如初御史中丞張彧斷論御史連章彈齊運乃奏云臣孤立為朋黨所擠故命宰臣宣諭焉

三年三月詔今年州府朝集使宜停

六年九月詔以十一月八日有事於南郊廟行從官吏將士等一切竝令自備食物其諸司先無公厨者以本司闕職物克其王府官度支糧廩給其儀仗禮

物等並仰御史樽節處置

八年六月詔曰鎗甲之屬不畜私家令式有聞宜當
遵守如聞京城士庶之家所藏器械宜令京兆府宣
示俾納官司他如律令

十四年正月詔曰比來朝官或有諸處過從皆畏金
吾上聞其間如素是親故或會同僚伏臘歲序時有
還往乃是嘗禮人情所通自今已後金吾更不須聞

奏時金吾將軍李翰伺察城中細事加以奏聞冀
求恩寵人畏忌之徐州節度使張建封朝京師具
奏之故
有是詔

十五年九月詔自今已後二月一日九月九日每節

前放開屠一日

十六年二月詔應是功臣先有明勅或有扞犯令逾
本司不令府縣官吏擅有笞撻自今已後有諸軍功
臣官徒或因買賣諸色逋欠官錢延時不納宜牒送
本軍徵收送納如不踈理收索卽具狀奏聞

憲宗元和元年二月詔京城內無故有人於街衢帶
戎伎及聚射委吏執送府縣科決其隸諸軍者禁身
奏聽進止

十月以西川平下制曰朕聞去天下之害者受天下
之利故陳諸原野非爲樂戰法彼震曜本於愛人五

材不可以去兵七德必先於禁暴皇王之道豈不然
歟逆賊劉闢時之妖孽處宵形之內罔識君親同人
代之間別爲梟獍因元臣之蓄聚恃庸蜀之江山誘
誤生靈扇爲桀逆朕荷祖宗之丕業執邦國之大經
人之亂嘗法所不捨乘茲衆憤爰戒徂征興戈矛於
關西發介馬於兵部五營禁旅七萃神兵合貔武之
雄援鷹揚之帥守無絕險進靡堅營麾城而壁壘皆
空接刃而攬捨盡殪瓦解冰泮淮馬無餘微瀘彭漢
從茲底定蕩三蜀之流患除一方之大殘豈予寡德
能致於此斯皆宗社降佑啟無疆之休將士叶謀成

永康之福祇若靈賸嘉乃衆心予懷惕然若蹈水谷
其收復成都諸大將擒獲劉闢軍將委崇文與都監
軍使俱文琮條疏等第聞奏卽有甄升其實物等節
級分賜務令優厚投降將士亦委崇文文亦條次聞
奏官軍陣亡將士等竝委崇文與監軍審勘具名銜
事跡申奏卽與褒贈其家口等竝委本軍優賞五年
一停衣糧竝委所在州縣速爲收葬仍量事致祭爾
在賊中官吏百姓等應有節義著明無辜受戮者
委節度使具名跡奏聞當與追贈仍優給其家又
疆設都蓋資共理形踈壤制亦在稍均將德難以

萌在立防而不柰，故賈生之議以楚益梁宋氏之規，割荆爲郢，酌於前事宜有變通。其西川資簡陵榮昌瀘等六州宜割屬東川，於戲制理經邦必垂意於未亂而養災蓄患固難禁於已然。撲彼燎原至於用滅，永言迷復載軫俱焚，咨爾多方體予深意，布告天下咸使聞知。

二年正月南郊赦書禁郵驛假託乘券天下百姓不得冒爲僧尼道士以避徭役，其創造寺觀廣興土木者舉前勅處分之。

二年正月詔自今已後應諸道有除官赴闕受代至京不得取本道錢妄稱進賀。

四年七月詔東都諸軍不得擅有追百姓及輒禁於本司，竝須牒府縣仍委東臺糾察。

六年五月戊申御史臺奏諸司諸使應有捉利錢戶請准臺省例如有過犯差遣竝任府縣處置從之。

十年六月辛丑盜殺宰相武元衡戊申詔曰朕以不德君臨萬邦不敢自逸每懷兢惕而兇狡竊發殲我股肱是用當宁廢朝通宵忘寐永懷良輔何痛如之宜極搜擒以攄憤毒天下之惡天下共誅念茲臣庶固同憤嘆宜令京城及諸道所在同捕逐有能獲賊

者賜錢一萬貫仍與五品官有官超授如本雖同誅
或曾停止但能糾告當舍其罪仍同此科敢有藏匿
全家誅戮布告遠近使明知之於是京師大索坊市
居人團保又載錢二萬貫分積東西市以明必賞白
是索賊頗急公卿家有複壁重轅者畢察之

九月詔近緣東都盜賊事連僧徒因此所繇遂有覺
察今既各有名籍不得恐動其已出城者所在安存
其外國僧亦任隨便居止先是諸處獲賊牒者多是
蕃僧因物色捕之其在京城近闕寺僧無親識者亦
搜逐焉繇是恟恟皆已還俗充役或搆訛言動京邑

帝察之故有是命

十二年二月詔京城居人五家爲保命朝官及官中
條疏家人部曲及在宅參從人數送府縣其寺觀委
兩街功德使團保虞二方之奸謀也

時鎮州王承宗
蔡州吳元濟叛

四月詔曰列位選能切于守土分憂求瘼諒在親人
言念疲黎載深注意自今已後刺史如有利病可言
者不限時節任自表奏聞不須時節申報節度觀察
使

是月中使劉奉禮宣應左降官及流人不得補職及
流連宴會如檀離州具名聞奏

十四年二月詔曰寇孽背恩自取誅剪黎元不幸久
陷克殘王師有征義先拯物苟加殘暴諒匪予懷况
諸軍討伐已來百姓歸投相繼既是嘉恤尤宜撫存
時屬春陽各務農業陶我惠化當令便安其淄青四
面諸道兵馬應入賊界收城邑所至百姓明加曉諭
任其營生輒不得妄行傷殺及有拘繫焚燒廬舍掠
奪資產開發墳墓等事竝宜禁斷詔下之後已有處
分今更申勅切在遵行

冊府元龜

巡按福建監察御史臣李嗣京 訂正

新建縣舉人 臣戴國士參閱

知建陽縣事 臣黃國琦較釋

帝王部 六十五

發號令第四

唐穆宗以元和十五年正月卽位閏正月癸亥詔曰
御樓勅下遠近已知如聞奸人覬望恩赦城外道路
劫奪稍多從御樓勅下至來月五日已前京畿應有
姦非盜賊等希恩故犯情不可原竝依法處斷不在

赦宥之限其犯罪人縱屬諸軍諸使亦委府縣依法科斷

二月御丹鳳樓大赦詔天下諸州不得擅有閉糴禁錢務令通濟

長慶元年五月辛丑赦書其中使及郎官御史奉使所在竝不得與人事物其諸道或閉糴禁錢自爲條約切宜禁斷

七月丁酉詔御樓勅下遠近已知切慮奸人覬望恩赦從御樓勅下日至今月十八日已前京畿應有好盜希恩故犯竝宜准法處分使犯罪人縱屬諸軍諸

使亦任府縣依法科斷十八日大赦制停諸道年終勾并不許刺史上使并錄事參軍不得擅離本所委御史臺切加糾舉

二年三月詔近者師旅屯集饋餉頗多不免於諸道留州使錢內每貫抽二百文以充軍用幽鎮旣以洗雪供費亦漸有嘗其河北諸州道及河東兗鄆淄青汴宋陳許徐泗澤潞河陽鄭滑等道并邊上諸鎮竝不用抽緣邊鎮戍烽予竝委所管量與優當慮緣山東行營兵馬未歸本道以來進退事機竝宜專委使度使除事關迫切須遣專人外其餘書詔文牒一切

分付度支入遞發遣制使中使到中道行營不得輕
受人事錢帛及行非理鞭朴當加察訪義不矜容其
河南北鹽法亦委鹽鐵使與本道審計會務以便人
爲法

八月誅李齊汴州平下詔以官軍陣亡將士并齊爲
亂以來有潛謀効順誠節可嘉并因此遇害者並委
本軍審勘其姓名事跡申奏當與甄獎及加褒贈仍
令本軍優賞其家三年不停衣糧并委所在州縣爲
收葬量事致祭及將士有因戰陣傷損尤甚以至殘廢
者各委本軍厚加優恤仍勿停解其經戰陣處所有
賊中遺骸并委所在州縣隨事收埋勿令暴露

三年正月詔曰寒食省墓著在令文其塋域在京畿
者自今任寒食假內往來不限日數若在外州任准
式年限請假

四年三月赦書應天下所貢竒綾異錦彫文刻鏤一
事已上有涉踰制者悉皆禁斷至於喪葬嫁娶車馬
衣服事關制度不合踰越委中書門下明立科條頒
示天下有不守者御史臺及出使郎官御史嚴加訪
察節級科處所在淫祀不合禮經者並委長吏禁斷
敬宗寶曆二年十一月詔朝官及方鎮人家不得置

私白身

文宗太和元年五月詔曰衣服車乘器用宮室修飾之制近日頗差宜付所司竝准儀制令依品秩勲勞仍約今時所宜撰等級送中書門下參酌奏聞踰修之成俗法令之不行其來久矣雖有是命訖無一人行之者

六月詔百司庶務有不便於人者各委長吏悉心陳列無使壅於上聞

十一月京兆尹奏伏緣畿甸頻有賊徒應官健子等若耍習射竝請令本司各制射梁教試不得將弓箭出城假託習射從之

三年八月詔曰凡制命頒行事有不可給事中職合封進省察既畢宣布百司稽停晷刻皆著律令自尚書省御史臺所有制勅及官屬累授不當宜封章上論其事狀分明亦任舉按須指事據實不放上如郎官御史臺出使訪聞按舉自准前後赦文不在此限十一月癸未朔勅應中書門下尚書省二十四司制勅及勅甲等近日檢報多稱斷裂無憑勘覆以此之故踰濫大行應從前制勅甲等所有斷裂者宜各委本司竝重粘背其中書門下仍取本押舍人給事中

及甲庫官本司令吏尚書省委本司郎中甲庫官本
行令史同署名印所斷裂縫扶尾後云某甲勘卷若
干縫斷裂亦同印署新舊背縫並具年月卷第印署
如庫官令史考滿日須據實交點已後檢報稱有斷
裂甲庫官及本行令史節級處分

四年十二月詔曰如聞近日京城頗有寇賊府縣所
繇至少防制實難須假軍司共爲捕察宜令左右神
策各差人與府縣計會如有盜賊同力追擒仍具所
差人數姓名并所配防界牒報京兆府應捕獲賊並
先送府縣推問如有諸軍諸使勘驗知情狀如實是
殺人及強盜罪跡分明不計賊之多少聞奏訖牒報
本司便付京兆府決殺其餘卽各牒送本司令准百
姓例之罪科決待府司添補所繇人力稍足卽別條
流其外縣有軍鎮處亦准此處分議者非之

五年正月己未詔曰方面大臣皆吾股肱心膂思與
相見無時甞忘想其戀闕之心願奉修覲之禮其于
忠懇悉亦可知但緣兵革初停務先安輯或地隣戎
寇須有防慮或鎮重軍雄切於綏撫臨機處分要合
便宜自今已後諸道節度團練防禦經畧等使有朝
覲者但先獻表章後得詔旨允許卽任進發務使行

止之際臨時不失事機故此宣示想各知悉
四月勅鹽鐵判官尚書刑部郎中諸司諸使更不得
奏請克職

七年三月辛巳御史臺奏切王傳王堪男禛國忌日
於私第科決作人醫杖六十詔曰准令國忌禁飲酒
舉樂科罰人吏都無明文但以不合釐務故不得決
斷刑獄起今縱有此類臺府不得舉奏其王禛宜釋
放

閏七月己未詔曰前後制勅應諸道違法徵科及刑
政寬濫皆委出使郎官御史訪察聞奏雖有此文未
嘗舉職向外生人勞弊朝廷莫得盡知自今已後應
出使郎官御史所歷州縣其長吏政績間閭疾苦及
水旱災傷竝一一條錄聞奏郎官宜委左右丞勾當
法官委大理卿勾當限朝見後五日內聞奏竝申中
書門下如訪知所奏事不實必加懲責其奏舉稱職
者則議優獎

八月詔曰卿大夫者下人之所視遠方之所倣若非
恭儉克己廉貞化人而望其服從固不可得况朕不
寶珠玉不御織華逮于六宮皆務儉薄卿大夫得不
叶朕此志率先兆人比年所頒制度皆約國家令式

去其甚者稍謂得中而士大夫苟自便身安于習俗因循未革以至于今百官士族起今年十月服冬裘已後其衣服輿馬竝宜准太和六年六月十七日勅處分如故違制度九品已上量加黜責其布衣五年不得舉選百姓軍人各委州府長吏漸施教化使自遵行不要便為禁制令其驚擾又易譏豐屋傳美卑宮彫刻礪磨先賢所戒近者官纔升于郎署位始至於郡符莫不高其閤閣廣以池榭非惟僭侈踰制實亦耗蠹傷財其百官第宅已造成者并許仍舊今日後如更有創立新宅及屋室高大者并委御史臺彈糾必嚴加黜責

九年七月勅右銀臺門自今不得與諸縣主簿進文狀

九月癸卯朔詔曰朕承天之序燭理未明勞虛襟以求賢勵寬德以容衆頃者或台輔乖弼亮之道而具寮扇朋附之風翕然相從實斲彝憲致使薰蕕共器賢不肖竝馳退跡者成後時之失登門者有迎吠之容繆蓋之氣堙鬱和平而望陰陽順時疢癘不作朝廷清肅班列和安自古及今未嘗有也今既再申朝典一變澆風掃清朋比之徒整飭貞廉之俗凡百卿

士惟新令猷如聞當行之中尚蓄疑懼或有妄相指目令不自安今斯曠然明諭朕意應與宗敏德裕或親或故及門生舊吏等除今日已前黜遠之外一切不問各安職業勿復爲嫌布告中外令其知悉時李訓鄭注竊弄威權不附已者陰以事中之人人恐慄皆不自保姦臣懼其反爲所搖故有此詔

十二月庚寅勅先是元和十年六月十三日勅以內庫弓箭陌刀賜左右街使充宰相入朝以爲翼衛及建福門而退至是因訓注之亂悉罷之其所賜兩街軍器盡歸於弓箭庫

開成元年正月勅天下戍鎮文武帶憲官者解補遺退竝須奏聞又禁坊市百姓衣緋皂衣以雜軍人者十月禁天藏等府採臘侵暴百姓者

三年正月癸未詔曰輦轂之下法在肅清奸盜竊發理難容捨親仁坊今月五日賊依前委京兆府左右街使鳳翔邠涇金商同華等州切加捕逐如獲頭首准法科斷其餘支黨一切不問於戲唯此凶災是彰非德情敢忘於罪已惠所貴於及人施令布和期於蘇息凡厥臣庶宜體朕懷王者施行

五月詔曰朕以菲德祇膺大寶深求理本將致時雍

以慈惠恭儉為休徵以人和年豐為上瑞夙夜思省無以過之至於嘉穎連理之祥飛禽走獸之異出於邦家來獻闕庭虛美推功非予所尚歲宴奏陳于清廟元正列上于大朝探討古今亦無明據恭惟靈聖豈俟薦聞事匪經通理當釐正庶使溥天之下知予務實之心其諸應有三等祥瑞並不得更有聞奏亦不要申牒所司其臘饗太廟薦獻太清宮并元日受朝奏祥瑞儀主宜停初帝謂宰臣曰歲豐人安豈非上瑞何必以連理嘉禾為祥宰臣因言春秋二百四十年不書祥瑞帝深然之遂有此詔

武宗以開成五年即位四月勅匭函所設貴達下情近者所投文書煩碎或論列祖曾功業或進獻自己文章無補國經有紊時政極言不諱豈假匿名從今後如知朝廷得失軍國利害實負冤屈有司不為申明者任投匭進狀所繇畫時引進不得壅滯餘不在投匭宜委匭使准此

會昌元年六月勅自今已後應有朝官及上封事人進章表論人罪惡並須證驗明白狀中仍言請付御史臺按問不得更云請留中不出如軍國要機事關密切者不在此例推勘後如得事實必獎奉公苟涉

加誣當令反坐如此卽人知畏法事免構虛告示中外令知朕意

宣宗以會昌六年卽位十一月議有事于南郊勅曰聖人嚴配圓丘將以孝理天下而歷代因之務行大赦寬滯者可從昭洗險慝者宜示澄清所有大禮前據有罪已結者亦在速令詳議無至惠姦

大中二年九月詔曰比來多有無良之徒妄于街衢投置無名文狀及箭上并旗幡上肆爲奸言欲以惑聽自今已後如有此色宜准實應二年正月十八日勅令所在地界于當處焚毀埋藏不要聞奏

三年四月勅兩軍及諸軍巡捉得劫賊京兆府先勝懸賞近日捉獲得賊都不給付旣違公勸何以勵人宜令京兆府所有軍巡捉獲劫賊便須支給賞錢五年八月詔曰如聞近日多有閒人不務家業嘗懷兇惡肆意行非專於坊市之間恐脅取人財物又其中亦有曾爲趨吏依倚門欄自恐憊尤遂致停解不思已過却務怨讐妄構虛辭恣行恐嚇要懲此弊以靜奸源自今已後宜委京兆府切加訪察如有此色便捉獲痛加刑斷

懿宗咸通四年正月詔曰建中元年已有明勅嘗奉

官上後舉一人自代編諸式令實廣聞見既開推讓之途將致雍熙之化聞其近者多廢舊規從今後百官凡有除移切遵典故無取掩賢之誚當明舉直之心我得其人國無不理

昭宗乾寧二年十月詔邠州行營都統曰邠州節度副使崔鋌破城之時勿令漏網鋌與崔昭緯去年朋黨交結王行瑜構合禍胎原繇此賊付四面行營知委

哀帝天祐三年六月壬辰詔曰朝廷命官量能授職中書奏擬旋已施行掄材既備于班員立政兼伸於沉滯况遷都之後制度聿興新授官者翔於外藩不議赴闕前資任者蟄於列屏自謂安時矧爾代受國恩身榮朝請養高保性既不能解印掛冠論級嗜名又不能擘肌分理况新羅渤海外國遠戎奔程以至新都入貢不虧于舊典復于朝士有愧夷人既除官者尚不歸班則前任者良難戀主宜令諸道節度觀察防禦刺史等如部內有新除朝官前資朝官勅到後三日內發遣赴闕仍差人監送所在州縣不得停住苟或稽違必議貶黜付所司

後唐莊宗初爲晉王天祐五年四月下令日兵亂以

來生靈凋耗豈止賦租煩重加之寇盜侵漁又聞市井之中多有克豪之輩晝則聚徒蒲博夜則結黨穿窬若不示以嚴科何以懲其巨蠹仰法司顯行條令峻設隄防

八年正月敗梁軍於栢鄉史建塘周德威前軍徇地邢洛魏博衛滑諸郡縣曰王室構屯七廟被凌夷之酷昊天不弔萬民罹塗炭之災必有英主奮庸忠臣仗順斬長鯨而清四海廓妖祲以泰三靈予位忝維城任當分閫念茲顛覆詎可晏安故仗桓文節制之規問羿浞克狂之罪逆温碭山傭隸巢孽餘克當傳

宗奔播之初我太祖掃平之際束身泥首請命牙門包藏姦詐之心惟示婦人之態我太祖俯憐窮鳥曲爲開懷特發表章請師梁汴纔出荏蒲之澤便居茅社之尊殊不感恩遽行猜恐我國家祚隆周漢迹塵伊唐二十聖之鎡基三百年之文物外則五侯九伯內則百辟千官或代襲簪纓或門傳忠孝皆遭陷害永抱沉寃且鎮定兩藩國家巨鎮奠安民而保族咸屈節以稱藩逆温唯仗陰謀專行不義欲全吞噬先據屬州趙王特發使車來求援助予情惟温寇義切親仁躬率賦輿赴茲盟約賊將王景仁將兵十萬屯

據栢鄉遂驅三鎮之師授以七擒之畧鶴鴉纒列身
獍大奔易如走坂之丸勢若燎原之火僵屍仆地流
血成川組甲彫戈皆投草莽謀夫猛將盡作俘囚羣
克既快於天誅大憝須懸於鬼錄今則選蒐兵甲簡
練車徒乘勝長驅剪除元惡凡爾魏博邢洛之衆感
思懷義之人乃祖乃孫爲聖唐赤子豈徇梟狼之黨
遂忘覆載之恩蓋以封豕長蛇憑陵荐食無方逃難
遂被脅從空嘗膽以銜冤竟無門而雪憤旣聞告捷
想所慰懷今義旅徂征止于招撫昔耿純焚廬而向
順蕭何舉族以從軍皆審料興亡能圖富貴殊勲茂
業翼子貽孫轉禍見機決在今日如能詣轅門而効
順闢城堡以迎降長吏則斷補官資百姓則優加賞
賜所經註誤更不推窮三鎮諸軍已申嚴令不得焚
燒廬舍剽掠馬牛但仰所在生靈各安耕織予恭行
天伐罪止元兇已外居民一切不問凡爾士衆咸諒
予懷

十二年六月平魏博令軍中曰我國家列爵踞封皆
循舊制建藩維而命宗子錫茅社以報功臣惟茲魏
邦纘乃舊服自逆温肇亂天下分離謀害忠良窺覷
藩翰遂使公侯之國鞠爲蛇虺之場朱友貞最陋餘

妖人神共棄不量其力謂秦無人尚為貽厥之謀
設兼并之計改張節制分割山河連薨皆弊於誅求
編戶不安於閭井且人為邦本君乃民天既興虐我
之謀須起後予之嘆遂至桓桓列較擾擾齊吐奮白
挺以捐生潔壺漿而望主予叨居闔政誓復聖唐永
念生靈嘗生軫惻覩茲殘弊尤切疚懷昨百姓三軍
請予兼領姦兇在近鎮撫尤難賴爾衆多共宣忠力
切以軍府變更之後人情易動難安將務輯寧須嚴
法令凡訛言謗議殘物害人結黨連朋抵刑犯禁如
當糾告法固難容凡爾蒸人勉其自勵布告中外咸

使聞知

令下於是中外肅然淡辰之間郡里完集人無異議市無忿爭一錢強估必處極法

奸豪屏息靡然向風時有帳下將李存進質性動格當官無避為軍城使法令必行人皆畏憚帝亦推心示物無所阿私鄴人繇是大伏所以克成霸業

帝即位初制曰儻兵銷患息何須有丹鳳白麟若虞
稔人和何必有紫芝赤鳳今後諸道應有祥瑞並不
要奏聞

同光元年閏四月癸未詔曰自古聖帝明王創業垂
統九州共貫五運相承未有不始於憂勤終於逸樂
故苗人不作不能成舜伐之功葛伯不生無以立湯
征之事理亂有嘗數文質為大綱秦不道而漢室興

隋無德而皇朝王連二十葉垂三百年自蒙起河南
災纏海內朕自提戎律切爲國讐每親統師徒欲早
寧乎寰宇近者諸方侯伯疊貢牋章勸卽位以皆堅
讓體元而不獲爰新鳳曆尋揭鷄竿顯造丕圖倍慙
涼德蓋自文班武列抱義懷忠共傾忻戴之心遂應
紹開之運以正君臣之位以安宗社之基未偃武以
脩文倍宵衣而旰食不以萬乘自尊爲樂以八紘未
靜爲憂更賴上下一心內外同力誠嚴朕軍旅撫恤
朕黎甿務禪贊以爲嘗期清平而可待注屬緊倚不
捨斯須十一月壬子勅朕猥以寡德謬荷丕基順天
行誅因衆除亂刷宗祧之大耻快億兆之歡心車書
將致於混同寰海漸從於開泰所宜樂虔清廟禮答
圓丘已定良辰率遵舊典朕取今月二十四日幸維
京十二月二十二日朝獻太微宮二十四日朝獻太
廟二十五日有事於南郊經過州縣隨事供備不得
妄有侵擾百姓應諸處節度防禦刺史等不得遽赴
京都擅離治所務從簡儉以稱朕心

十二月己卯勅聞諸軍無良之輩多盜牛宰殺公然
貨賣累行止約尚未斷除宜令總管司及毛璋李存
義河南府兩街巡使嚴加捉搦

二年二月南郊制曰被服錦繡貴賤有倫裁制衣裳短長有制苟無藝則必害女工近年以來婦女服飾異嘗寬博倍費縑綾有力之家不計卑賤悉衣錦繡念蠶織之匪易顧法制之不行須示條流與漸遵守委所司散下文榜曉示御史臺及諸觀察使糾舉違勅又喪葬之典令式具言使貧者足以備其儀富者不得踰其制自此淳風漸散薄俗相承不守等威競爲僭侈生則不能盡其養歿則廣廢飭其終自今後仰所司舉明條制勿令踰越若故違犯嚴加責罰

三月勅朕自雀臺創業兔苑平寬救生聚之創懸俾衆區之反正凡云機密深繫憂勤每事多委密司權令決遣貴無停滯要速施行今則四海一家萬邦同德中土之宸居顯定圓丘之祀禮方終既整皇綱合依舊制使百官各舉其職庶事不失其宜貴合通規以成永例此後應有公事何色件合歸樞密院何色件合付京百司至於軍幕之中竝在精詳分擘內外免侵其職分高低貴叶其規程其或百姓軍人事關爭訟先經州縣都將須依次第披論或致淹停可詣臺省至若懷冤抑要達禁庭卽許投狀匭函別議申雪此情或非的確理涉僭踰推詰有聞必行朝典

有衣冠士族參選官寮或獻所業文章或述從前行止因依駕幸抵冒乘輿希望恩榮隨張物體更有軍人百姓亦敢將狀衝突須各示條章絕其容易宜令御史各下諸司河南府及諸道分明曉示訖奏其本朝百官有司所行公事仍令御史臺各取狀申中書門下

四月勅朕祇膺大寶虔奉鴻名勉承夷夏之心以副天人之望雖德音尋降赦宥近行猶恐恩有所未孚德有所未洽則自朱溫劫遷昭宗至維京已來內外臣寮有無名妄遭刑戮者更宜廣令搜訪各與次第贈官如有子孫竝委敘錄

五月中書奏凡有進狀乞官及諸州府初奏請判官薦舉前資自詣中書求官等竊聞所稱頭銜多有踰越中書既無舊案除授何以爲憑起今後凡有諸色前資若命官者除近曾任朝官及有科第外清資官爲衆所知竝須追到前任告勅中書點檢後方可進擬貴絕虛授以杜僥求從之

九月先有勅關防道路捉搦詐僞之人如聞諸道有詐稱天使者嚴加辨認又勅如聞藩方入奏使臣多有於京內私買衣甲宜令樞管司指揮諸軍密加覺察

明宗天成元年八月丁未樞密院條流已前州使錢穀並係省司昨徧降德音特指揮除省元本利潤物色並與撥充公使兼月支俸料足以豐盈訪聞州府節度使刺史內尚有不守詔條公行科歛須議止絕且如條件州使所納軍糧據元納石斗不得更要加耗節度刺史所置牙隊許於軍都內抽取便給省司衣糧况已人數極多如聞更有招置轉生騷擾速議勘窮諸色人多因抵罪藏竄便於州府投為使下元隨邀求職務凌壓平人兼聞有力戶人於諸處行賂希求事務主持此後許人陳生品州使妄稱脩繕城池解宇科賦于人及興私宅自此州使凡有興脩須先奏取進止諸縣鎮稟州文符如事理歸公即宜遵稟如涉科配人戶不得私徇文符此後如有訪得餘聞先罪本處官吏州府既有利潤兼請俸錢凡事合遵條憲不得賒買行人物色兼行科率刑獄繫囚如關贖賂則可追引文證如有小小爭鬪登時量事決遣不得輒有禁繫已前條件州使如敢違犯許人陳告勘詰不虛即量行獎賞者又勅曰昨帝室纏災生民受弊方茲續紹務切撫寧尋降德音復宣明勅貴先求瘼務在推恩其或長吏因循公方撓難何繇致理從

有怨咨是宜再諭賞刑納言利病事或違於條制法必振于紀綱宜令三京諸州府竝准此處分

十一月丁巳雒陽縣令駱明舉奏請止絕坊市息利典質其軍家子弟都外興販侵擾綠路旅舍勅旨從之又詔曰今年四月一日已前私債所降德音節文仰三京諸道分明宣布于要害道路榜壁不得漏落今則尚違犯其後來相次條理諸色事件皆關念及生聚布以優恩多因州使倖門淹留勅命或公然隱匿全不施行官吏但習舊風百姓罔知新命宜令遍加告

論

二年正月勅曰設官分職有國宏圖授才任能前重事凡繫惟行之命須遵不易之規朕以猥紹丕基務弘至理臨萬國則每勤聽政任庶官則切在得人貴內外之叶和俾華夷之帖泰頃自本朝多難雅道中微皆尚浮華罕持廉讓其有除官蘭省命秩相臺或以人事相踈或以私讎見訝稍乖敬奉遽致棄擯蓋司長之振威處君恩於何地緬思積弊深所疚方當大定之期特示維新之制今後應新授官員謝後可准列隨處上事司長不得輒以私事阻滯其所授官仍不得因遭抑挫託故請假庶使孤弱途

遷之路朝廷無滯塞之端凡爾羣官體予深旨

三月勅訪聞京城坊市軍營有故犯條流殺牛賣肉者仰府縣軍巡嚴加糾察如得所犯人准條科斷如自死牛卽令貨賣其肉斤不得過五文鄉村死牛但報本村節級然後准例納皮曉示天下州府准此處分

八月勅旨刑故無小義絕惠姦罪疑惟輕事全誅意聖賢明訓今古通規非法無以振其威非恩無以流其澤故有功不獎何以激盡忠有罪不刑何以戒爲惡二者無失庶務有成朕統華夷不求奢侈臨食虛

兵歸之餒授衣思黎庶之寒仗中外勲賢壯國家其址熒惑應犯而自退太陽斲蝕而復圓百果無不熟之方五穀無不豐之處顧唯寡德何稱嘉祥况保養軍節度使石敬瑭晉州留後安崇阮洛州刺史張遵耀州團練使孫岳寧州刺史高允瓌等杜絕誅求專加獎諭陶珉輒爲聚飲自掇愆尤功過旣分黜陟有異在朝備見列國皆知不貪者轉更無私有過者必應自省四方侯伯皆朕忠臣萬國人民皆朕愛子條舒是繫賞罰齊行務德者雅合古賢效尤者自干朝典除鄧州見取責情罪諸色官員及豪州李鄴外其

諸道州府如八月已前或有偶違條制于於國章者
諸色人竝不得更有託訴若或此後有違許人上告
當勘情罪必舉刑書

九月勅諸司官寮職員軍將出使嚴加指揮不得帶
挾逃走軍人如失于覺察官員等必行朝典

十月詔人戶因有納稅入州便值更變或散失車牛
其車許本主識認勤王之節雖自于勲賢入貢之勞
抑繇於使介其有諸道進奉使或已入汴州陷失土
貢宜與收破無勞重有貢輸專人經劫奪者宜與優
給不軌之徒已加顯戮無辜之士當慰幽寃馬彥超

宋敬殷等宜與追贈隨人有子及弟姪者竝量材獎
錄諸州縣或有曾受逆人文字者仰隨處焚毀一切
不問輦輅之下姦逆遽興既不恐於戈鋌固莫分於
玉石昨王師攻下汴州之時剪除克逆之際恐其士
庶偶陷鋒鏑言念傷殂良多嗟憫宜令石敬瑭遍加
存問兼勘在城殺傷人口奏聞量加給卹衛主亡軀
摧凶效命偶徇脅從之勢終懷忠藎之誠首議向明
理宜行賞昨車駕初到城下之時有將士率先開門
及下城朝見宜令石敬瑭奏聞當與甄酬

三年四月勅設官分職比委仗于公才詢事考言務

恢弘於理道朕自祇膺大寶俯育羣生四門無塞其
聰明百辟咸專于諫諍凡閱事務各有職司儻踰越
于規繩必申明于典憲其有克頑之輩遊惰之夫藝
不度於荒唐心每懷于僥倖或妄陳條策覽尋而多
是訛言或但務訟論按驗而却招情罪不遵格令輒
冒乘輿若無止絕之文何戒因循之弊今後凡有詞
狀并須各于所司部據理陳論如未盡情或有阿曲
卽許經御史臺臺司不理則詣匭投狀然若有進獻
策條則須審明利害有益公私然可投匭朕當選擇
施行不得容易接駕如敢故違當行嚴典

七月齊州防禦使曹廷隱曹州刺史成景弘弓高縣
令王廷果金鄉縣令夏侯景坐贓伏法之後恐論告
不止勅八月一日已前罪犯一切不問
十一月閤門使馮知兆奏內外臣寮多有僭呼官職
下令禁之

四年五月勅以諸州典史與縣官同謀聚斂發覺之
後便各逃竄宜令嚴加捕捉如不獲罪在長吏及同
居親切骨肉又勅大壯之規標於易象不莊之戒著
在禮經况乎地列山河貴爲侯伯至于邑宰皆肅公
庭須整臣之威儀以重民之父母頃當世亂固無暇

于脩新今既時安誰不思於補故况一日畢葺三年有成凡居祿位之流聞此聖賢之語今後諸州諸吏凡於解宇竝須專切增脩不得信令摧毀凡所置辦亦令勒其年月編于帳籍受代之際各明交領亦不得託於解署接便擾人

六月勅諸道節度行軍司馬名位雖高或帥臣不在其軍州事委節度副使權知又勅州牧侯伯所請賓從及主事元隨竝令奏其姓名或參佐道屬竝當加罪

是月左散騎嘗侍蕭希甫以四方刑獄動皆上聞不獨有紊於公朝兼且淹延其獄訟伏乞條流縣令凡死罪以下得專之刺史部內有一吏一民犯罪得專之觀察使部內有犯罪五人已下得專之如此則朝廷事簡見萬乘之尊矣奉勅刺史既爲屬郡不可自專按牘既成須申廉使餘依所奏

七月勅諸道州府不得奏薦將較職員乞行恩命如顯有功勞卽據功效列奏又勅諸司寺監凡有文簿施行奏覆司長須與逐司官員同籤署申發不得司長獨有指揮其主印官或請假差使印須依輪次序不得踰越

冊府元龜

冊府元龜

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事臣黃國琦較釋

帝王部 六十六

發號令第五

後唐明宗長興元年二月赦書應諸色私債納利已
經一倍者只許徵本本外欠數並放納利已經兩倍
者本利並放

四月前刑州節度使李從溫得替朝見帝謂安重誨

日從溫不待交替何得先來甚虧事體今後可指揮
諸道更有除移須替人到交割公事了卽得離任
五月勅旨自今後凡有除移准宣詔追抽外其餘須
候替人到彼點檢交割軍州公事了日卽可發離本
處不得輒離州府仍令逐道觀察使散下管內諸州
准此指揮

六月辛亥勅宜令諸道應有防禦團練刺史行軍司
馬節度副使等或月限將滿或遇闕員須俟朝廷除
授不得更奏薦

七月勅旨今年二月二十一日郊天赦書節文朝臣
及藩鎮郡守亡父母祖父母及父母在并妻室未霑
恩命竝與追封贈及叙封者今赦書頒下已及半年
所行遺贈叙封所司尚未奏覆深慮留滯各速指揮
朝臣限兩月內齊具錄奏外處與限一年仍竝據品
秩准格列指揮朝臣不得踰越

二年正月詔曰要道纔行則千岐共貫宏綱一舉則
萬目皆張前王之法制罔殊百代之科條悉在無煩
改作各有定規守度程者心逸日休率冒臆者心勞
日拙天垂萬象星辰之分野靡差地載羣倫嶽瀆之
方隅不易儻各司其局則皆盡其心其律令格式六

典凡關庶政互有區分又不舉行遂至曠紊宜准舊制令百司各於其間錄出本局公事巨細一一抄寫不得漏落纖毫集成卷軸兼粉壁書在公廳若未有廨署者其文書委官司主掌仍每有新授官到令自寫錄一本披尋或因顧問之時應對須知次第無容曠闕每在執行使庶寮則守法奉公宰臣則提綱振領必當彝倫攸叙所謂至道不繁何必期年然後報政宜令御史臺徧加告諭催促限兩月內抄錄及粉壁書寫須革其間或有未可便行曾釐革事件委逐司旋申中書門下當更參酌奏覆施行

五月勅國賴賢良雖務摛揚之道官繇請託實開僥倖之門蓋任不當材則民將受弊稍乖掄擇大紊紀綱近聞百執事等或親居內職或貴列廷臣或因宣達君恩或因勾當公事經繇列鎮干擾諸侯指射職員安排親昵或潛申意旨或顯發書題苟徇私情罔循公道爭能峻阻湏至強行遂使受命者負勢以臨人得替者銜寃而去職旣虧慎舉漸益躁求務要肅清當行釐革自今已後應內外臣寮不計在朝出使並不得輒發書題及行所屬於諸處亂安排人宜令三司兼諸道節度防禦團練刺史等或更有人不具

在官求薦人配流邊遠州縣嘗知所在如逐處長吏自徇人情顯違勅命只仰被替本人詣闕上訴勘問不虛長吏罰兩月俸罰薦人比前條更加一等被替人不准是何職掌却令依舊勾當仍從再勾當後三年內除別顯有罪名外不得妄有替移其餘長興二年五月一日已前所犯不在上訴之限兼勅到後但使州府並干管驛處粉壁具錄勅命曉示每令脩護永使聞知况國家懸爵待人惟賢是舉稍聞俊乂必令獎昇其有端士正人雄文大學言可以經綸王道行可以規矩人倫者但當顯陳表章明具論薦名如得正工不棄財所務絕彼倖人豈可滯諸賢者是月鴻臚卿柳膺將齋即文書兩件賣與同姓人柳居則其婢母論訴伏罪大理寺斷罪當大辟緣遇恩赦合與減死奪見任官員罰銅終身不齒勅旨訪聞諸色官員之中多有此色之事須行釐革以塞弊源應諸色嘗調選人如有此色文書便須焚毀如是元補正身曾受中興已來官誥便許以近受文書叙理及諸色蔭補子孫如無虛假不許庶嫡並宜叙錄如實無子孫別立人繼嗣已出補身得者只許續蔭一人凡

關資蔭皆繫恩榮將革弊訛須行憲法自本朝喪亂多士因循貪冒者叙補無嘗彰敗者未聞嚴斷遂成隳紊莫識規程且一人身名具三代名諱傳于同姓利以私財上則欺罔人君下則貨鬻先祖行之不已罪莫大焉柳膺顯致訟論合當誅殛偶逢恩勅特減死刑尚念承此弊來年深同此罪者頗衆特矜已往各許自新別設嚴條免令後犯今日已前竝依前項條理其不合叙使文書仍限一百日焚毀須絕如此後更敢公然將合焚毀文書叅選求事有人糾告及所司黜勘彰露所犯之人傳者受者並當極法其告

事人如有官序別與超擢任使如是百姓與免戶下差徭兼自此應合得資蔭出身人竝須依格令及天成三年十一月二十日禮部起進條件施行如敢故違本司官員并本行人吏別加嚴斷不許去任離司罪無寬恕事從發覺理任澄清不惟正邦國典刑抑亦保縉紳家法有犯無赦斷在的行
六月勅諸道州府推斷刑獄或慮有司因循仍以赦令前事輒有申理紊亂刑罰宜令盡舉中興以來所降赦書德音釐革恩勅曉示王者應天順人發號施令布絲綸於遠邇示恩信於華夷儻隱而不行則主

者有罪須重提舉無致因循宜令御史臺兼三京及諸道州府應受詞狀及摧勘詳斷之所須具此令文榜壁各令詳審無致踰違如或公然以赦書德音及恩勅前事輒敢受而爲理者應狀案經過之處并當勘責以故違勅命律格科罪兼自此後凡有詳斷刑獄竝須依坐律令格式條件及新勅釐革次第施行又勅無厭之求旣虧廉耻不義而富終取悔尤應諸道係省店宅莊園或抵犯刑章納來家業或主持敗闕收致抵當姓名纔係簿書諸利未經收管諸色人等不度勲庸高下不量事分淺深相尚貪饕競謀請射惟利是視以得爲期諸色人朝廷稍立微功必加懋賞大都大邑尚以委人廢宅荒田豈留潤國自可特恩頒賜奚容越分希求遂使畏懼者但處棲遲僭踰者更滋積聚失懲惡勸善之道啓幸災樂禍之門頗污教風須行止絕

七月前安州應城縣主簿王鼎前隨州唐縣主簿陳廷毓同猷時務七件勅旨投匭上章條流不阻合表進策理例無聞而况七件之中有長有短兩人之內孰否孰臧方當選以公才未可混其言路王鼎陳廷毓宜各試以策問兩道定其優劣兼自此應諸色人

進策每五道別試策問兩道十道已下試三道十道已上約此指揮比按元進策條詞理可否當與等第處分仍令匱院分明榜示此後止絕不得有同表進策所貴人知區別事無汎行庶堅激勸之誠免誤擬倫之道

八月前攝普州洪洞縣令胡廷瞻獻時務糴糶斛斗買賣絲綿請因舊樣斗秤勅旨官中比設量度民間合務均平苟縱欺謾誠爲蠹弊宜令三司及諸道州府嘗如約勒如違犯量事科刑

九月昭義縣主簿張廷詡上言應諸道州縣之內有在仕居閑衣冠不得與編民一例差遣及有假稱攝試抗禮公廳請賜條理勅旨凡日士沅州縣盡應饒假詐稱門族長吏豈肯延容應是戶人皆編部籍如或爲其家富邀坐公廳顯從賓主之儀頗辱朝廷之任所在必無此事其中或有如斯須重衣冠以敦風俗州縣官或與富百姓同坐交通者隨處糾察使知事若不虛當行嚴斷其妄稱士族者亦議科罪

三年正月前攝臨沂縣令孟師敏獻時務切見齊州村店要津皆有闌頭乞賜止絕勅旨比置關防津鋪爲要禁察奸克如或縱捨賊徒透漏商稅旣虧職分

難違刑章若敢阻滯行人僥求潤已但有發覺竝以枉法贓論宜令諸道嘗切指揮無使違犯乙巳左右金吾街門使奏狀見法人多于清化坊南禁街內請移於歸義坊南河灘新市從之

四月河南府奏據陸渾縣令陳巖狀申縣邑荒涼欲脩葺今有客戶各欲蓋造屋宇有礙同光二年條格乞准近勅屬縣亦許客戶於坊市脩營屋宇所期完葺勅旨凡興舍宇務廣人煙旣聞完葺之期式叶綏安之道况京城之內已有條流縣邑之中可援事例應諸縣有臨街店舍田地宜准勅許人收買依限脩

蓋其佐官宅基舊屬縣廨宇并寺院伽藍地如人戶已蓋造屋舍居止不在起移之限便任永遠爲主如更別占據空地作園圃及種蒔苗稼仍仰縣司與寺家決定辦得脩蓋卽許識認交割限兩月內了絕其地畝租稅隨地供輸如未辦脩營不得妄陳識認愍帝以長興五年正月卽位詔關西鎮城禁廻鶴帶挾私人往來所在檢校非正數卽時勒留末帝初爲潞王舉兵向關次陝州下令日余叨居家嫡謬列盤維成家於十屍九生立國於千征萬戰事父母敦于至孝爲臣子敢於盡忠將相期夾輔之勲

以廣文明之祚一昨先皇晏駕嗣聖承祧敢不遵周
召以勤王相成康而在位社稷既然有奉人民於是
知歸但固宗祊敢論季孟豈意梓官在阼靈駕未歸
而朱弘召馮贇等妄興猜忌之心驟起窺圖之計喪
紀在近除書遽行津涯莫知迫促尤甚况又不宣麻
制便降使臣立遣離藩俾其懼禍震電之速軍民可
知是以聊葺城池以緩礮機十鎮驅貔貅而遽至六
師擁組練以齊來當此阽危如何旅拒不謂天道鑒
其非罪人情愍以無辜憚以攻城自來束手數鎮憑
陵之帥立自滅亡九重侍衛之師翻爲心腹以至抱

義者感泣懷憤者咄嗟凡百有知皆悲無罪今則軍
戎大集團寢將成羣帥獻忠迫令赴闕載念遺弓在
近仙駕將歸旣息憂惶又盈哀恻今則須將禁旅入
赴山陵面朝太后太妃自訢爲臣爲子今月二十七
日已次陝州其在京文武兩班內諸司使務除朱弘
昭馮贇家族伏法外凡百士庶竝無憂疑况禁令嚴
明軍都整肅必無暴犯克保平寧苟渝此言何以行
令

清泰元年七月丙午詔曰長興二年閏五月勅律令
格式六典凡關庶政盡有區分久不舉明遂致隳紊

宜令京百司各於其間錄出本司事裁成卷軸或粉
壁寫在解署本司官嘗宜省覽以備顧問自勅下至
今累年如聞諸司或以無解字處竝未書寫施行宜
令御史臺差兩巡使分巡百司局以聞如因事未辦
處與限五日須抄錄依元勅指揮其諸道州縣亦有
六典內合行公事條件抄錄粉壁官吏長宜觀省其
律令格式事繁昨以撮成四卷州縣差人抄錄以備
檢尋今後宜令御史臺每至正初具錄前後勅文告
示諸司及諸州府永爲嘗式

十月甲午詔曰官吏通衢陳訴比來時亦有之若抱
屈難伸或有理未雪固難抗節須至望塵至於方潔
之人猶以爲耻近則無知之輩遽相倣效寢以成風
類至於列肆長街遮闌宰臣陳訴及其處理多礙格
式或勅命已行確祈追改亦于赦條之外妄有披論
不惟紊亂于綱紀抑亦有同於輕侮此後州縣官或
有所陳并於中書門下據事理陳訴如實有屈塞登
時卽與勘窮如是僭越虧公付銓量與殿選如不關
銓量陳訴者卽下法司推詰所冀羣官奉法勉令進
取以僥訛萬國來王復覩朝廷之整肅
十一月壬子侍御馬軍都指揮使安從進奏護聖軍

使王彥塘先西南面行營所至州府乞索錢物恃酒
訛言抵忤本指揮使趙廷昭詰之伏罪已斬于本軍
門詔曰夫命將所以行兵聚兵所以遏亂必在上下
有理進退無違入則畏法以謹身出則圖功而效命
畏法必無罪戾圖功則有寵恩以此言之不可不慎
王彥塘方期任使輒敢恃憑旣都將以上言在軍法
而難恕况屬環衛并在藩方上至偏裨下及行伍皆
是久經訓練備曉條章官爵甚高衣糧極厚必能共
思整戢自務保全是宜特舉規程徧加曉諭責令遵
守務肅轅營今後在京及諸道馬步將士上至都尉
下及長行竝須各據職資共存禮體遞相鈐轄遵稟
指揮如紊亂條章下不從上指使前却使酒訛言其
長行犯者委本都副兵馬使已下節級科罰其副兵
馬使節級犯者委本都頭科罰其都頭犯者若無事
不出時錄罪申奏若出軍指使之時便委隨處統將
科罰其或所犯人自負罪愆不伏首領刑責便卽奏
聞如指揮使都頭已下但務頗情藏庇兇輩自招負
累必不恕容頒下內外諸軍知悉

三年中書門下言自今年三月後諸州奏軍事判官
九人行之礙新詳定勅文慮在外未知詔軍事判官

宜令本州刺史自選擇奏舉初且除本職未得與官或與刺史連任相隨顯有勞能許本州刺史以聞量事獎賞仍不許橫有奏薦其三月後九人俱與施行晉高祖天福元年卽位赦制日易俗移風宜遵善教尊本敬始自有常規應明宗朝所行勅命法制仰所在遵行不得改易

二年二月勅古之用兵必先立法等第旣分於將領高卑自有干規繩或聞近年多踰此制至於行間士卒周遵都內指揮旣侮國章且乖師律適當開創要整紀綱宜示條流免干法制應在京及諸道馬步諸

軍將領節級長行等今後仰並依階級次第并軍制禦區分如是長行或有違犯卽副將便可據罪處理如是副將十將違犯卽便勒本指揮使據罪科處指揮使違犯不出軍時卽委都指揮使具錄事繇騰奏當行勘斷如是行營在外卽便委行營統領依軍法施行其餘諸道軍都見在本處者或有遲犯便委本處節級防禦團練使刺史據罪科處事要整齊法宜遵守分明告諭咸使聞知

又勅州縣之官俾其戢理錢穀之職委以秉持須選廉勤豈容薦託一時苟從於私徇久違必紊於公方

頃在唐朝曾有勅命貴杜僥倖之漸明懸誠約之條時異理同再宜申舉自今後中外臣寮或因差使出入竝不得薦囑人于藩鎮希求事任如有犯者竝准唐朝長興二年勅條處分仍付所司

四月甲午勅鹽鐵度支戶部應監臨主持場院倉庫官吏等制置場務總確課程將期共濟於軍流免使偏竭於民力向者所差官吏鮮有專勤省思錄任之時盡言未藥及郡府主持之後例縱輕肥莫濟公家但營私室所以處處多聞其逋欠年年空係其徵催固執遷延坐期蠲放每惟此輩竝合嚴誅又以開創之初含弘是切既往者已關恩制今後者別立嚴規或躡前非必難輕恕豈是愿行峻法欲致豐財蓋帑藏猶虛師徒甚衆俟期克濟難縱隱欺宜懸畫一之文兼舉必行之令

十月辛巳禁諸道不得擅造罷甲

十一月禁黎陽至楊劉岸渡人以魏博未下故也

四月五日甲寅勅訪聞朝臣於外州侯伯求其表狀奏薦交親朕以應天順人開基創業大化方流於區宇至公必絕於澆訛私謁不容朝經具舉更茲告諭止在依行今後文武庶官不可更行薦託如有狀書

便宜密具進呈觀察使散下諸州亦准此處分

五年正月詔曰朕自御萬方于今五稔每推誠而待

物貴捨已以從人乃有不體朕懷柔恣行兇惡顯干

紀律須舉憲章福州王昶恃彼偏方亂其彝典於使

臣而倨傲向朝闕以邀求深虧臣子之儀固擬神祇

之怒尚全大體特示寬恩所有貢輸悉令迴復舞羽

而享思修德轉規而猶冀省誓而王建立三上奏章

揚光遠繼陳表疏朝行之內邦計之司同有敷敷謂

非允當且王昶以無用之物取利中華萌不軌之心

僭稱大號盜乘輿之式良竊冠冕之威儀眩誘良家

招收奇貨此而可恕孰不能容或貢讜言請從籍錄

鄭元弼等相次上狀不愿迴歸亦可憫傷各令存卹

其福州貢物私商宜准律處分

六年二月辛卯天下郡縣不得以天和節禁屠宰滯

刑獄戊申詔曰臣子之心務申勤敬國家之體自有

規繩凡侯伯之來朝或君臣之相見豈煩貢奉方啓

宴筵事既非宜理當改制臣下置宴今後宜停

七年四月戊寅勅曰時屬炎蒸路當衝要使命之往

來甚衆州府之迎送頗多既有煩勞所宜軫惻自鄴

都至襄州泂路州府除專到使臣依尋嘗迎送外其

州府

餘經過并不在迎送去年六月已曾有勅至是以頗兵襄州使臣旁午恐其勞擾再

申明
焉

少帝開運二年正月太嘗少卿陶穀奏臣任監察御史日留臺西京竊見臺司詳斷者至於夫婦之間小爭訟動引支證淹滯積時及坊市死亡喪葬又須臺司判狀奴婢病亡又須檢驗人吏貪狡因此邀求動經旬時不遂埋瘞是臣日擊嘗嫉弊訛者勅旨淹延刑獄實啓倖門稽滯瘞埋尤傷和氣追呼既廣勞擾斯煩檢驗取裁停駐為弊宜令凡有禁繫不得分外追人百姓死亡亦仰及時葬送既無重擾式叶化

風仍付所司

三年六月乙丑勅諸道不許橫薦官寮爰自近年頗踰舊制起今後諸道藩鎮防禦團練刺史如本處幕席中有闕准元勅合奏薦當與除授不得橫薦前資賓從州縣官及諸色職員希於在朝及外官安排不得有違

周太祖初即位制曰帝王之道德化為先崇飾虛名朕所不取苟致治之未洽雖多瑞以奚為今後諸道所有祥瑞不得輒有奏獻

廣順元年正月丁卯制曰設官分職具列司存離局

侵權誠爲紊擾今後諸司公事竝須各歸局分不得越次施行朝廷之務顯有舊章職官具存安可廢墜如聞自前諸司事多有壅滯今後竝可疾速舉行丙戌河東劉崇僭號太祖遣供奉官張令權齎勅書曉諭晉絳慈隰諸州軍民曰朕早事劉氏共立漢朝當高祖寢疾旣危朕與楊州史弘肇於御牀之前同受顧託嗣君旣立叛亂繼興朕討平河中克寧關內敢言勞苦貴保宗祧自鎮鄴都復當戎寄忘食廢寢夜思晝行固護邊疆訓齊師旅憂時憂國盡節盡忠不期羣小連謀蔽惑幼主忽於內殿併害大臣朕方在外藩亦遭讒構密降宣命潛遣行誅諸將知此無辜乞除君側之惡遂與將士同赴闕廷兇豎計窮迫害幼主朕遂奏太后請立劉贇比侯到京方議册立使值河北告急契丹內侵遂領大軍徑赴救援自澶州起程北去輜重相次先行旗隊纔移軍情忽變喊聲動地事勢莫知攢集戈矛請朕爲主逃脫無地扶擁入京內外臣僚藩岳侯伯表章繼至推戴益堅勉副羣情尋登大位炤臨之內罔不傾心不謂北京留守劉崇顯有包藏輒萌僭竊散飛文字誑惑人民騷動一方酷虐萬姓差點丁壯率掠貨財殺戮無辜誅

剝難狀況劉崇自居藩鎮唯務貪求刻削軍都增添稅賦千里之內民不聊生今則又作猖狂更加暴虐謂人情可以詐取謂天命可以僭求顛越如斯不亾何待朕方輯寧區宇拯救黔黎見舉大軍往平微孽爰念河東管界皆是朕之生靈被此兇殘深懷軫惻卽候收復城壘當議減放稅租內外軍民竝與洗滌更在沿邊藩鎮明宣朕懷接界戶人勿令侵擾其邊界城池已令修戢要辯奸細切須隄防安撫生民以副朕意

是月徐州王彥超言殷直王殷押送到賞給衣服銀帶臣又于宋州取到賞給錢帛收官又奉宣取宿州散從官二百并于宿州單州各差夫二千以備攻城指使是日降勅宣諭徐宿二州官吏百姓曰朕猥以寡薄肇創基圖思康濟于兆民推恩信于天下庶幾致理漸至平寧楊溫等比事藩維止爲小技妄生猜懼輒閉城門朕亦累賜勅書開懷示信諭以安危之道俾全忠孝之名亦繼有文字進呈止望朝廷恕捨朕念端倪未審之際事勢使然彼旣無心豈忍加罪是以授之郡牧許以自新而不體優恩尚敢拒命執迷罔悟但作遷延今已差兵士往彼攻取期於旦夕

必易盪平汝等皆居封境之中各懷仁義之節况屬陽和之候方當農養之時暫駐兵甲固無騷擾宜思齊力安家

二月癸巳賜王彥超詔曰昨以輦廷美楊溫等妄抱憂疑輒敢違拒累令招諭未體誠懷須至加兵以安民衆切慮破城之後玉石難分卿可告諭諸軍勿令殺人放火但誅惡黨宜捨脅從眷惟許國之心當體好生之意

三月丙子勅汾淮州鎮朝廷比與淮南素非仇怨互分疆土各有人民商旅往來比無阻滯兵師屯戍自守關防其自近朝稍聞多事煙塵時動生聚無聊爰當開創之初每求安靜之道汾淮千里所宜禁暴戢兵比屋小民漸冀息肩樂土庶期歲月馴致和平凡我疆場之臣當體宵旰之念應汾淮州縣軍鎮今後自守疆土鈐轄兵士鄉軍不得縱一人一騎擅入淮南地分稍或違令不宜輕恕商旅行李經過輒不得妄致邀難如聞滯留必行勘罪更仰指揮沿邊巡檢止絕賊盜務在道途清肅人戶謐寧詔到速散行管界凡津要口鋪可丁寧曉告

二年七月戊辰詔河東接界汾山諸州關塞山路止

絕向北商賈往來

九月勅北面沿邊州府鎮戍兵自守疆場不得入幽瀛界俘掠

十月戊子詔諸州府曉諭軍民不得屠牛驢及賣生日辛亥勅致理安邦必先刑政分爭辨訟各有職司內則臺省官僚外則州縣曹局其承寄任同體憂勤苟衆務之有條則蒸民之無怨比來百姓訴訟不得越次訴論近日繼有便詣朝廷不經州縣宜再止絕免致踰違今後百姓凡有訴論及言災瀾先訴於縣縣如不治卽訴于州州治不平訴於觀察使或斷遣不當卽可詣臺省如或越次訴論所司不得承接如有抵犯准律科懲其訴事文狀或自手寫或是僱人竝于狀後書其名姓并任止處所如無人寫狀許過白紙事條竝須爲已如或容訴是挾阿私勒得其情必議嚴斷若所經處所斷遣不平致請朝廷長史推司當行謫罰

三年正月宣河北諸州凡有急切公事卽入馬遞奏報

四年延州向訓言請禁止州界民賣軍裝兵器林蕃部從之

是月隴州防禦使石公霸上言元管三縣五鎮自秦州阻隔廢定戎新關兩鎮唯汧源皆稱直屬本府官吏批書歷子考較課最賊盜寇攘戶民減損又責州司職分何以檢校昨汧陽令李玉上府主簿林某下鄉州司不曾指揮本縣亦無申報每有提舉皆稱本府追呼無以指縱何能致理其間戶口多有逃亡預虞大比之時恐速小臣之罪伏覩迺勅凡有訴訟尚委逐處區分不得驀越豈可本屬縣鎮每事直詣鳳翔望降新規以滌舊弊勅鳳翔屬郡宜令依諸道體例指揮今後凡諸縣公事徵科訴訟並委逐州官員區分於事或有疑悞須稟使府者則縣申州州申使府不得驀越其李玉林某專擅上府下鄉本州勘罪奏聞

六月詔諸州府沿路縣鎮使臣經過不得差借遞驢驢爲馱及人負荷放過只不得以舟車輦運過淮

淮南大旱井泉涸竭塘堰中生草淮淺可涉又聞果州火災石偶人言于淮上其主惡之命擊落其首淮南民渡淮而北者相繼濠濤受以兵止之民與兵關淮人陰糴我粟以爲儲蓄初太祖愍之日彼我民一也繇是諸軍郡許淮南人糴易至是聞吳人收糴入官以備軍食故有是詔

九月辛卯詔曰西道軍鎮藩部經過不得與之市買

鞍馬罷仗

十月勅御史臺勘成除官不謝不赴任人孟翰裴韶
賈蟾程範崔中庸五人放罪勒赴任龐延祚李玫准
元勅殿選起今後更有受官不謝宜令門下省御史
臺嚴切檢舉追勘聞奏授官後違程不赴任准元勅
殿選如選未滿使使來乞官者除本選外別行殿黜
十一月勅近降命京兆鳳翔同華邠延涇鄜耀等州
管内縣鎮各守職分州縣徵稅賦治婚田詞訟巡鎮
賊盜追捕非不丁寧宜令三司使依前勅更嚴切指
揮各守職分不得侵越諸州各行訖聞奏

世宗顯德元年三月勅化理之本孝弟爲先苟或虧
違實亂名教則有士庶之內兇卒之徒不順于父兄
不恭于尊長狂悖難狀訓誨莫從親族容隱而不言
里巷畏避而不告傷化敗俗莫甚於茲今後或有不
仁義之人違戾尊長誼避毀辱及父母在異財別居
略不共待如此之輩不計官軍人百姓之家宜令御
史臺及本軍大使所在州縣廂界彈察如或容縱不
切檢舉罪有所歸

十月戊辰帝謂侍臣曰諸道頻報賊徒結集傷劫人
戶雖加搜捕未能遏絕累朝已來分遣使臣巡檢致

藩侯郡守不戮力于擒捉卽宜抽廻使臣專委藩郡
屏逐務令封部清肅

四年二月癸亥禁內外職官薦遊客于縣鎮干求財
帛者

五年五月辛巳朔帝御崇元殿禮畢內降德音曰疆
場未寧旗鼓下出師之命氛霾旣靜雲雷覃及物之
恩四維張而載戢五兵武功成而必修文德朕戎衣
再御三載親征令行而霆霹爭雄陣起而龍蛇合勢
蓋舟車之所及諒聲教以咸臻敢言涼德之懷柔實
賴忠臣之宣力積水激朝宗之浪亭等疏川客星廻

拱極之光瑞增懸象今則斗柄建午火正司南順玄
穹長養之心伸有國亭毒之令睠彼戎士咸遵武經
或從我征行以服勤于甲冑或守茲城邑能安定於
封圻宜舉彝章首膺懋賞應侍衛殿前及諸道馬步
軍將士等各賜等第優給餘從宣命處分疾風勁草
旣驗忠誠臨難猶軀所宜旌異應淮南行營將士殘
于王事者各與贈官逐人若有親嫡子孫竝與叙錄
內有傷中殘廢不任征行者等第各給救接錢帛排
難疆場馬革無慙於壯志遺骸暴露牛岡有軫于深
仁載尋掩骼之文俾什窮泉之恨凡經戰陣處處有

暴露骨骸仰逐處州縣收拾埋瘞淮南界內逐處墳墓有曾遭發掘處委逐處州縣差人掩閉用兵之際力役是供當矜貸之在展諒優給之宜被自去年十月後來沿淮人戶曾充夫役內有遭傷殺不迴者本家各給絹三疋仍放免本戶下三年諸雜差役江南疲俗克復方新特示蠲除俾令存濟揚秦通滁和濠泗楚光壽舒廬蘄黃州連水漢陽汝川等縣自去年終已前所欠秋夏殘稅及諸色徵科配歛博徵物色等竝與除放自東南用兵首尾三載沿淮州郡應奉軍期飛輓頻仍力役勞併念其艱苦深軫所懷其餘宿宋亳陳穎許蔡等州人戶所欠去年秋夏稅竝與除放於戲江表來賓顧車書之已混寰中未又資將相之同心所宜共率憲章動遵王度咨爾三事達于庶官當整嘉謀弼予不逮

册府元龜

八月朔大去五...

册府元龜

巡按福建監察御史臣李嗣京 訂正

知長樂縣 事 臣夏允彝參閱

知建陽縣 事 臣黃國琦較釋

帝王部 六十七

求賢

傳曰股肱喜哉元首起哉百工熙哉晁錯有言曰古之賢主莫不求賢以為輔翼若夫居大寶之位制四海之命蓋竝建衆職非借才於異代故君人者勤於求賢而逸於得人曷嘗不昧且丕顯求永未明訪問

諮諏膝之前席然後異人間出賢士鄉臻濟濟之寧
文王彬彬之盛漢室者繇斯而已矣若乃青雲之士
翔而後集爵以德進義無苟合易祿而難畜難進而
易退其或弓旌之踰分薰蕕之同器蓋有閉門却掃
隱居求志者有矣故五三而下致治之后罔不退託
不明以延髦俊而後為盛德也

虞舜詢於四岳闢四門

詢謀也謀治政于四嶽開闢四方之門未開者以廣致衆

賢

周成王嗣位求忠臣輔助以為政作小毖之詩

也天

下之事當慎其小之時不慎後為禍大

宣王欲得國子之能導訓諸侯者樊穆仲曰魯侯孝

言魯侯有孝德

王曰何以對曰肅恭明神而敬事耆老賦事

行刑必問於遺訓而咨於故實不干所問不犯所咨

王曰然則能訓治其民矣乃命魯孝公於夷宮

漢高祖十一年詔曰蓋聞王者莫高於周文伯者莫

尚於齊桓皆待賢人而成名今天下賢者智能豈特

古之人乎患在人主不交故也士奚繇進今吾以天

之靈賢士大夫定有天下以為一家欲其長久世世

奉宗廟亡

音無

絕也賢人已與我共平之矣而不與吾

共安利之可乎賢士大夫有肯從我游者吾能尊顯

之布告天下使明朕意御史大夫昌下相國相國鄧

侯下諸侯王鄧音贊蕭何封國在南陽御史中執法下郡守中執法中

也其有意稱明德者必身勸為之駕有賢者郡守身往勸勉令至京

師駕車遣之遣至詣相國府署行義年行狀年紀也有而弗言

覺免年老癯病勿遣

文帝二年十一月詔舉賢良方正能直言極諫者以

輔朕之不逮

十五年九月詔諸侯王公卿郡守舉賢良能直言極

諫上親策之博納以言

武帝初卽位徵天下舉方正賢良文學才力之士待

以不次之位四方士多上書言得失自銜鬻者以千

數其不足採者輒報聞罷報云天子聞其所上之書而罷之令歸

建元元年冬十月詔丞相御史列侯中二千石二千

石諸侯相舉賢良方正直言極諫之士

元光元年十一月初令郡國舉孝廉各一人孝謂善事父母

廉謂清廉有廉隅

五年徵吏民有明當世之務習先世之術者縣次給

食令與計偕計者上計簿使也郡國每歲遣詣京師偕者俱也令所徵之人與上計者俱來

而縣次給之食

元朔元年詔曰夫本仁祖義褒德錄賢勸善刑暴本仁

祖義謂以仁義為本始五帝三王所繇昌也故詔執事與廉舉

孝庶幾成風夫十室之邑必有忠信三人並行厥有

我師今或至闔郡而不薦一人闔閉也總一郡之是

化不下究而積行之君子壅於上聞也究竟也言見

于天且進賢受上賞蔽賢蒙顯戮古之道也其與中

二千石禮官博上議不舉者罪是時天下慎法莫敢

謬舉而貢士蓋鮮故有斯詔

元封五年四月詔曰蓋有非嘗之功必待非嘗之人

故馬或奔蹠蹠路也奔走也奔蹠者奔之而致千里

士或有負俗之累而立功名夫泛駕之馬泛覆也方

作覆後通用耳覆駕者馬所弛之士所者所落無簡

有逸氣而不循軌轍也亦在御之而已其令州縣察吏

民舉茂材異等可為將相及使絕域者絕遠之國謂

昭帝始元五年六月詔曰朕以眇身獲保宗廟戰戰

栗栗夙興夜寐修古帝王之事通保傳傳孝經論語

尚書未能有明賈誼作保傳傳在禮大戴記通言能

能有所明此其令三輔太嘗舉賢良各二人郡國文

學高第各一人

宣帝本始元年四月庚午地震詔內郡國舉文學高

第各一人中國為內郡緣邊有

夷狄障塞者為外郡

四年夏四月壬寅郡國四十九地震或山崩水出詔曰蓋災異者天地之戒也朕承洪業奉宗廟託於士民之上未能和群生廼者地震北海琅琊壞祖宗廟朕甚懼焉丞相御史其與列侯中二千石博文經學之士有以應變輔朕之不逮毋有所諱令三輔太嘗內郡國舉賢良方正各一人

地節三年詔令內郡國舉賢良方正可親民者元康元年秋八月詔曰朕不明六藝鬱於大道是以陰陽風雨失時其博舉吏民厥身修正通文學明於先王之術宣究其意者各二人中二千石各一人

神爵四年四月詔令內郡國舉賢良可親民者各一人

元帝初元元年三月詔丞相御史中二千石舉茂材異等直言極諫之士朕將親覽焉

二年三月詔丞相御史中二千石舉茂材異等直言極諫之士朕將親覽

永光二年三月日有食之詔內郡國舉茂材異等賢良直言之士一人

成帝建始元年二月詔三輔內郡舉賢良方正各一人

三年十二月詔丞相御史與將軍列侯中二千石及
內郡國舉賢良方正能直言極諫之士詣公車朕將
覽焉

河平四年三月詔舉惇厚有行能直言之士

元延元年秋七月詔內郡國舉方正能直言極諫者
各一人北邊二十二郡舉勇猛知兵法者各一人

哀帝建平元年二月詔曰蓋聞聖王之治以得賢爲
首其與大司馬列侯將軍中二千石州牧守相舉孝
悌惇厚能直言通政事延於側陋可親民者各一人
四年冬詔將軍中二千石舉明兵法有大慮者

元壽元年春正月辛丑朔日有蝕之詔曰朕獲保宗

廟不明不敏夙夜憂勞未遑寧息惟陰陽不調元元

不瞻未睹厥咎屢勅公卿庶幾有望婁右至今有司

執法未得其中或止暴虐假勢獲名溫良寬柔陷于

亡滅是故殘賊彌長和睦日衰百姓愁怨靡所錯躬

錯猶乃正月朔日有蝕之厥咎不遠在予一人公卿

大夫其各悉心勉帥百寮敦任仁人黜遠殘賊期於

安民陳朕之過失無有所諱其與將軍列侯中二千

石舉賢良方正能直言者各一人

平帝元始二年秋舉勇武有節明兵法郡一人詣公

車各中二千石舉治獄平歲一人吏治獄平端也

後漢光武建武七年四月壬午詔曰比陰陽錯謬日

月薄食百姓有過在予一人天赦天下公卿司隸州

牧舉賢良方正各一人遣詣公車朕將覽試焉公車門名

公車所在國以名馬漢儀曰公車令掌殿門馬門天下事及徵召皆總領之

孝章建元元年三月甲寅山陽東平地震已巳詔曰

朕以無德奉承大業夙夜慄慄不敢荒寧而災異仍

見與政相應朕既不明涉道日寡又選舉乖實俗吏

傷人官職耗亂刑罪不中不可憂與昔仲弓季氏之

家臣子游武城之小宰孔子猶誨以賢才問以得人

明政無大小以得人為本夫鄉舉里選必累功勞今

刺史守相不明真偽茂才孝廉歲有百數既不能顯

而當授之政事甚無謂也每尋前世舉人貢士或起

猷畝不繫閭閻敷奏以言則文章可採明試以功則

政有異迹文質彬彬朕甚嘉之其令太傅三公中二

千石郡國守相舉賢良方正能直言極諫之士各一

人

五月辛酉初舉孝廉郎中寬博有謀任典城者以補

長相任堪使也典主也長謂縣長相謂諸侯相

孝和永元六年詔曰朕以眇末承奉鴻烈陰陽不和

水旱違度濟河之域凶饑流亡

尚書曰濟河惟兗州言東南據濟西北據

河而未獲忠言至謀所以康救之策寤寐永嘆用思

孔疚

詩云憂心孔疚

惟官人不得于上黎民不安於下有司

不念寬和而競為苛刻覆案不愆以妨民事

不愆謂非要

甚非所以上當天心下濟元元也思得忠良之士以

輔朕之不逮其令三公中二千石二千石內郡守相

舉賢良方正能直言極諫之士各一人昭巖穴披幽

隱遣詣公車

殤帝延平中詔公卿中二千石各舉隱士大儒務取

高行以勸後進

孝安永初元年三月癸酉日有食之詔公卿內外官

郡國守相舉賢良方正有道術之士明政術逮古今

能直言極諫者各一人

五年閏三月戊戌詔曰朕以不德奉郊廟承大業不

能興和降咎為人祈福災異蜂起寇賊縱橫夷狄猾

夏戎事不息百姓匱乏疲於徵發重以蝗蟲滋生害

及成麥秋稼方收甚可悼也朕以不明統理失中亦

未獲忠良以毗闕政傳曰顛而不扶危而不持則將

焉用彼相矣公卿大夫將何以極救濟斯艱厄承天

誠哉蓋為政之本莫若得人褒賢顯善聖制所先濟

濟多士文王以寧思得忠良正直之臣以輔不逮其令三公特進侯中二千石二千石郡守諸侯相舉賢良方正有道術達於政化能直言極諫之士各一人及至孝與眾卓異者并請公車朕將親覽焉

七月己巳詔三公特進九卿校尉舉列將子孫明曉戰陣任將帥者

元初元年四月丁酉詔三公特進列侯中二千石二千石郡守舉敦厚質直者各一人

建光元年四月己巳公卿特進侯中二千石二千石郡國守相舉有道之士各一人

十一月癸卯詔三公特進侯卿較尉武猛堪將帥者各五人

延光元年詔三公中二千石與刺史二千石令長相視事一歲已上至十歲清白愛利能勅身率下防奸

理煩有益于人者無拘官簿清白謂真正也愛利謂愛人而利之也無拘官簿謂超遷之

不拘嘗牒也 刺史舉所部郡國太守相舉墨綬隱親

悉心勿取浮華墨令謂令掌之屬也隱親猶親自隱也悉盡也言令二公以下各舉所知

皆當盡心勿取乎浮華不實者

順帝即位三月詔公卿郡守國相舉賢良方正能直言極諫之士各一人

永和三年九月丙戌令大將軍三公各舉故刺史二千石及見令長郎謁者四府掾屬剛毅武猛有謀護任將帥者各二人特進卿較尉各一人

漢安元年二月丙辰詔大將軍公卿舉賢良方正能探賸索隱者各一人

十一月詔大將軍三公選武猛試用有效驗任為將較者各一人

冲帝永嘉元年九月京師及太原鴈門地震三郡水涌土裂詔三公特進侯卿較尉舉賢良方正幽逸修道之士各一人百僚皆上封事

桓帝建和元年四月京師地震詔大將軍公卿郡國舉至孝篤行之士各一人又詔大將軍公卿較尉舉賢良方正能直言極諫者各一人

三年六月詔大將軍三公特進侯其與卿較尉舉賢良方正能直言極諫之士各一人

永興二年二月癸卯京兆地震詔公卿較尉舉賢良方正能直言極諫之士各一人

延熹八年正月詔公卿較尉舉賢良方正九年詔舉武猛三公各二人卿較尉舉賢良方正各一人

永康元年五月詔公卿較尉舉賢良方正

靈帝建寧元年五月詔郡國守相舉有道之士各一人又故刺史二千石清高有遺惠爲衆所歸者皆詣公車

中平元年三月詔公卿舉列將子弟及吏民有明戰陳之略者詣公車

魏武帝建安十五年春下令曰自古受命及中興之君曷嘗不得賢人君子與之共治天下者乎及其得賢也會不出閭巷豈幸相遇哉上之人不求之耳今天下尙未定此特求賢之急時也孟公綽爲趙魏老則優不可以爲滕薛大夫若必廉士而後可用則齊桓其何以霸世今天下得無有被褐懷玉而釣於渭濱者乎又得無盜嫂受金而未遇無知者乎二三子其佐我明揚側陋唯才是舉吾得而用

十九年十二月又下令曰夫有行之士未必能進取進取之士必未能有行也陳平豈篤行蘇秦豈守信邪而陳平定漢業蘇秦濟弱燕繇此言之士有偏短庸可廢乎有司明思此義則士無遺滯官無廢業矣二十二年八月又下令曰昔伊摯傳說出於賤人管仲桓公賊也皆用之以興蕭何曹參縣吏也韓信陳

平負汗辱之名有見笑之耻率能成就王業著聲千載吳起貪將殺妻求信散金求官母死不歸然在魏秦不敢東向在楚則三晉不敢南謀今天下得無有至德之人放在民間及果勇不顧臨敵力戰若文治之吏高才異質或堪爲將守負汗辱之名見笑之行或不仁不孝而有治國用兵之術其各舉所知勿有所遺

文帝黃初四年五月有鷦鷯鳥集靈芝池詔曰此詩人所謂汗澤也曹詩刺其公遠君子而近小人今豈有賢智之士處於下位乎否則斯鳥何爲而至其博舉天下雋德茂才獨行君子以答曹人之刺

明帝太和二年十月詔公卿近臣舉良將各一人

四年十二月丙寅詔公卿舉賢良

青龍元年三月甲子詔公卿舉賢良篤行之士各一人

晉武帝泰始四年詔王公卿尹及郡國守相舉賢良方正直言之士

五年將興伐吳之役下詔曰吳會未平宜得猛士以濟武功雖舊有薦舉之法未足以盡殊才其普告州郡有壯勇秀異才力傑出者皆以名聞簡其尤異擢

而用之苟有人勿限所取

七年六月詔公卿以下舉將帥各一人

八年詔內外群官舉所任邊郡者各三人

太康九年詔內外郡官舉守令之才

明帝太寧三年八月詔曰昔周武尅殷封比干之墓漢祖過趙錄樂毅之後追顯既往以勸將來吳時將相名賢之胄有能纂修家訓及忠孝仁義靜已守真不聞於時者州郡中正丞以名聞勿有所遺成帝咸和六年詔舉賢良直言之士七年詔舉賢良

簡文咸安二年詔曰朕以眇身託於王公之上思賴群賢以弼其闕夫肥遯窮谷之賢滑泥揚波之士雖抗志玄霄潛默幽岫貪屈高尙之道以隆協贊之美孰與自足山水棲遲丘壑狗匹夫之潔而忘兼濟之大邪古人不借才於異代朕所以虛想於今日內外百官各勸所司使善無不達而吾獲虛心之求焉後魏道武天興四年四月詔有司明隱逸

天賜元年十有一月上幸西宮大選朝臣令各辨宗黨保舉才行

明光永興五年二月詔分遣使者巡求雋逸其豪門

疆族爲州閭所推者及有文武才幹臨疑能決或有
賢世胄德行清美學優義博可爲人師者各令詣京
師當隨才叙用以贊庶政

大武神廟四年九月詔曰頃逆命縱逸方夏未寧戎
車屢駕不遑休息今二寇摧殄士馬無爲方將偃武
修文遵太平之化理廢職舉逸民拔起幽窮延登雋
又味且思求師輔雖殷宗之夢板築罔以加也訪諸
有司咸稱范陽盧玄博陵崔綽趙郡李靈河澗邢穎
滄水高允廣平游雅太原張偉等皆賢雋之胄冠冕
州邦有羽儀之用詩不云乎鶴鳴九臯聲聞於天庶
得其人任之政事共臻雍熙之美易曰我有好爵吾
與子縻之如玄之比隱迹衡門不曜名譽者盡剌州
郡以禮發遣遂徵玄等及州郡所遣至者數百人皆
差次叙用延和辟召賢良州郡多逼遣之詔曰朕除
僞平暴征討累年思得英賢緝熙治道故詔州郡搜
揚隱逸進賢舉俊古之君子養志衡門德成業就才
爲世使或雍容雅步三命而後至者或棲棲遑遑負
鼎而自達雖殉尙不同濟時一也諸召人皆當以禮
申喻任其進退何逼遣之有也比刺史守宰宣揚失
旨豈復光益乃所以彰朕不德自今以後各令鄉閭

推舉守宰但宣朕不德虚心求賢之意既至當待以不次之舉隨才文武任之政事其明宣勅咸使聞知孝文延興二年七月壬寅詔州郡縣各遣二人才堪專對者赴行在所

三年十一月詔其有力田孝悌才器有益于時信義著於鄉閭者具以名聞

太和十七年九月帝南伐濟河詔孝悌廉義文武應求者皆以名聞

十八年正月車駕南巡詔孝悌廉義文武應求者皆以名聞

十一月辛未詔冀定二州孝義廉貞文武應求者具以名聞

十二月車駕南巡詔郢豫二州孝悌廉義文武應求者具以名聞

十九年四月行幸魯城詔兗州刺史舉部內士人才堪軍國及守宰治行具以名聞

六月帝自南伐迴詔車駕所經孝悌廉義文武有堪者具以名聞

十月辛酉詔州郡諸有士庶經行修敏文思適逸才長吏治堪幹政事者以時發遣

二十年七月丁亥詔曰炎陽爽節秋霖大澍在予之責實深慄慄故輟膳三晨以命上訴靈鑒誠款曲流雲液雖休勿休寧敢僭怠將有賢人湛德高士凝棲雖加銓採未能招致其精訪幽谷舉茲賢彥直言極諫輔予不及

二十一年五月詔雍州其孝友德義文學才幹悉仰貢舉

孝明孝昌元年三月詔曰選衆而舉其來自昔朕繼承大業綜理萬機求賢致治心焉若渴知人則哲振古所難宜博訪公卿採茲聲實可令第一品已下五品以上各薦其所知不限素身居職必使精辨器藝具注所能然後依牒簡擢隨才收叙庶濟濟之美無替往時蹇蹇之直有申茲歲

九月詔百官五品以上各舉所知

孝莊建義元年五月詔求德行文藝政事疆直者縣令太守刺史皆叙其志業具以表文得三人以上縣令太守刺史賞一階舉非其人者亦黜一階

前廢帝普泰元年三月詔天下德孝仁賢忠義志信者可以禮召赴闕應召而不應召者以不敬論

後周閔帝元年八月甲午詔曰帝王之治天下罔弗

博求衆才以又厥民今二十四軍宜舉賢良堪治民者軍別九人被舉之人於後不稱厥任者所舉官司皆治其罪

武帝太和元年二月戊辰詔三公已下各舉所知

建德元年三月詔公卿以下各舉所知

三年二月令六府各舉賢良清正之人

四年詔諸畿郡各舉賢良

六年平齊詔山東諸州各舉明經幹治者二人若奇才異術卓爾不群者不拘多少又詔山東諸州舉有才者上縣六人中縣五人下縣四人赴行在所共論

治政得失

靜帝太定元年詔曰帝王設官惟才是務人臣報國薦賢爲重去歲屢有妖寇宰臣英筭咸得清蕩逆亂之後兵車始竭遐邇勞役生民未康居官之徒致治者寡斯故上失其道以至於茲亦繇下有幽人未展其力今四海寧一八表無塵元輔執均垂風揚化若使天下英傑盡升於朝銓衡陟降量才而處垂拱無爲庶幾可致於是遣戎秩上開府以上職事下大夫以上外官刺史以上各舉清平勤幹者三人被舉之人居官三年有功過者所舉之人隨加賞罰

隋文帝開皇三年正月甲戌詔舉賢良

十八年詔京官五品以上摠管刺史以志行修謹平清幹濟二科舉人

仁壽二年七月丙戌詔內外官各舉所知

三年七月丁卯詔日日往月來唯天所以運序山鎮川流唯地所以宣氣運序則寒暑無差宣氣則雲雨有作故能成天地之大德育萬物而爲功况以一人君於四海睹物欲運獨見致治不籍群才末之有也是以唐堯欽明命羲和以居嶽虞舜敬德升元凱而作相伊尹禹俎之媵爲殷之阿衡呂望魚釣之夫爲

周之尙父此則鳴鶴在陰其子必和風雲之從龍虎賢哲之應聖明君德不回臣道以正故能通天地之和順陰陽之序豈不繇元首而有股肱乎自王道衰人風薄居上莫能公道以御物爲下必踵私法以希時上下相蒙君臣義失義失則政乖政乖則人困蓋向德之風不嗣離遏之謗乃生衆人之口鏐金戮辱之禍不測是以行歌避伐辭位灌園卷而可懷默而無愠放逐江湖之上沉赴河海之流所以自潔而不晦者也至於閭閻秀異之士鄉曲博雅之儒言足以佐時行足以厲俗遺棄於草野湮滅而無聞豈勝道

哉所以覽古而歎息者也方今區宇一家煙火萬里
 百姓乂安四夷賓服豈是人功實乃天意朕唯夙夜
 祇懼將所以上嗣明靈是以小心厲已日慎一日以
 遺黎在念憂兆庶未康以庶政為懷慮一物失所雖
 求傳送莫見幽人徒想崆峒未聞至道唯恐商歌於
 長夜抱闕於夷門遠跡羊犬之間屈身僮僕之伍其
 令州縣搜揚賢哲皆取明知今古通識治亂究政教
 之本達禮樂之源不限多少不得不舉限以二旬咸
 令進路徵召將送必須以禮時蘇夔為太子舍人仁壽末天下舉達禮樂之
源者晉王時為雍州牧舉夔應之詔諸州所舉五十餘人謁見高祖望夔謂侍臣曰唯此一人稱吾所舉

于是拜
 晉王友

煬帝大業三年四月甲午詔曰天下之重非獨治所
 安帝王之功豈一士之力自古明君哲后立政經邦
 何嘗不選賢與能收採滯幽周稱多士漢號得人尙
 想前風載懷欽佇朕負辰夙興冕旒待旦引領巖谷
 寘以周行冀與群才共康庶績而彙茅寂寞投竿罕
 至豈美璞韜采未值良工滂介石在懷確乎難拔喬
 鑒則哲憮然興歎凡厥在位譬諸股肱若濟巨川義
 同舟楫豈得保茲寵祿晦爾所知優游卒歲甚非謂
 也祁大夫之舉善良史以為至公臧文仲之蔽賢尼

父譏其竊位欲求諸往非無褒來宜思進善用扶寡薄夫孝悌有聞人倫之本德行敦厚立身之基或節義可稱或操履清潔所以激貪勵俗有益風化疆毅正執直愚不撓學業優敏文才美秀竝爲廊廟之用實乃瑚璉之資才堪將略則拔之以禦侮膂力驍壯則任之以爪牙爰乃一藝可取亦宜採錄衆善必舉與時無棄以此求治庶幾非遠文武有職者五品以上宜依今十科舉人有一於此不必求備朕當待以不次隨才升擢其見任九品以上官者不在舉送之限

十年五月庚子詔郡舉孝悌廉潔各十人

唐高祖武德五年詔擇善任能救民之要術推賢進士奉上之良規自古哲王弘風闡教設官分職唯才是與然而巖穴幽居草萊僻陋被褐懷珠無因自達實資選衆之舉固藉左右之容義自搜揚理宜精擢是以貢士有適爰致加錫之隆無益於時必貶貶黜之名末葉澆僞名實相乖取非其人濫居班秩流品所以未稷庶職於是隳廢朕膺圖馭宇寧濟兆民思得賢能用清治本招選之道宜革前弊懲勸之方式加嘗典苟有才藝所貴適時潔已登朝無嫌自進宜

令京官五品以上及諸州總管刺史舉一人其有志行可錄才用未申亦聽自己具陳藝能當加顯擢授以不次賞罰之科並依別格所司頒下詳加搜引務在獎納稱朕意焉

太宗貞觀元年三月帝謂尙書右僕射封德彝曰比來令卿舉賢才未嘗有所推薦天下事重宜分朕憂對曰臣愚豈敢不盡心但今所見實無奇才異行帝曰前代明王使人如器不借才于異代皆取士於當時何代無賢才但患遺之不知耳德彝慙而退

三年四月詔曰白屋之內閭閻之人但有文武材能灼然可取或言忠行謹堪理時務或在昏亂而肆情遇太平而克已亦錄名狀官人同申

是年帝謂宰臣曰朕今孜孜求士欲專心政道聞有好人則抽擢驅使而議者多稱彼皆宰相親故但公等至公行事無避此言便爲形迹古今內舉不避親外舉不避讐而爲後代稱者以其舉得賢故也卿等但能舉用得才雖是子弟及有讐嫌必不得不舉十一年四月詔曰朕以寡薄嗣守鴻基實資多士共康庶政虛已側席爲日已久投竿捨築罕值其人自親巡東夏觀省風俗興言至治夕惕兢懷然則齊趙

魏魯禮義自出江淮吳會英髦斯在山川所感古今
寧殊載佇風猷實勞夢想宜令河北淮南諸州長官
於所部之內精加訪採其孝悌淳篤兼閑時務儒術
該通可爲時師範文詞秀美才堪著述明識治體可
委字民并志行修立爲鄉里所推者舉送雒陽宮各
給傳乘優禮發遣當隨其器能擢以不次若有老病
不堪入朝者具以名聞庶巖穴靡遺俊乂可致務盡
搜揚之道稱朕意焉

十五年六月詔曰朕遐觀前載歷選列辟莫不貴在
得人崇茲多士猶股肱之佐元首譬舟航之濟巨川
若夫構大厦者採衆材於山嶽善爲國者求異人於
管庫是以陶唐有虞揖讓之聖帝也非元凱不能成
功商湯姬發革命之明主也非伊呂無以定其禍亂
况乎齊桓中人之材器非濬哲漢武嗣業之主志在
驕奢猶賴管仲隰朋之相平津博陸之輔旣爲五霸
之長亦稱萬代之宗是知得士則昌失人則亂朕凝
旒夙夜虛心政道雖天地効祉宗社降靈區宇宴如
俊乂咸事尚恐山林藪澤藏荆隋之寶卜祝屠釣韜
蕭張之奇是以躬撫黎庶親觀風俗臨河渭而佇英
傑眺箕穎而懷隱淪亟移日月空勞夢寢而驪龍莫

兆商歌寂寥豈混迹駑駘未逢良樂之顧將毓德巖
穴方追禽尚之游望雲長想增其歎息可令天下諸
州搜揚所部士庶之內或識達公方學綜今古廉潔
正直可以經國佐時或孝悌淳篤節義昭顯始終不
移可以敦風厲俗或儒術通明學堪師範或文章秀
異才足著述並宜薦舉具以名聞限來年二月總集
太山庶獨徃之夫不遺於版築藏器之士方升於廊
廟務得奇偉稱朕意焉

是年帝謂宰臣曰致太平之運者唯在得賢才卿等
既不能知朕不可遍識日復一日無得人之理今欲
令人自舉於事何如魏徵曰知人者智自知者明知
人既以爲難自知誠亦不易且於能伐善恐長澆競
之風不可行也乃止

十七年五月乙丑詔曰朕觀前烈建國君臨未有不
藉忠良而能濟其功業者也朕顯承宗祀獲奉鴻基
側席求賢有年載矣而山林莫致珍玩必臻豈朕好
惡之情未達於下其令州縣舉孝廉茂才好學異能
卓犖之士

二十年六月手詔曰高明之天資星辰以麗象博厚
之地藉川嶽而成形况於帝王體元立極臨馭萬物

字養生靈者乎所以致治之君遠讒佞近忠良屈已
以申人故能成其化爲亂之主親不肖疎賢臣虐下
以恣情用能成其亂明君遵彼以興國暗主行此以
亡身是以馭朽臨水銘心自戒宵興旰食側席思賢
庶欲博訪丘園搜採英俊弼我王道臻於大化焉可
令天下諸州明揚側陋所部之內不限吏人其有服
道棲仁澄心礪操出片言而標物範備百行以綜人
師質高視於琳琅人不問於曾閔潔志丘園揚名里
閨或甄明政術曉達公方稟木鐸於孔門受金科於
鄭相奇謀間發明略可以佐時識鑒清通偉才堪於
幹國或含章傑出命世挺生麗藻之彌馳楚澤而方
駕鈞深觀與振梁苑以先鳴業擅專門詞高載筆或
辨雕春圃談瑩秋天發研機於一言起飛電於三寸
蓄斯奔箭未遂揚庭竝宜推擇咸同舉薦以禮將送
具狀表聞限以今冬竝與考使同赴庶使焚林之舉
咸矯翼於巖廊尺木之階方振鱗於遊霧翹心俊乂
稱朕意焉

高祖以貞觀二十三年卽位九月詔曰殷宗邁德化
致升平周王顯仁政稱刑措太宗文皇帝神明配德
靈武兼資掃撓槍而王區夏混陰陽而作天地以此

大業留屬微躬雖復瑄變星霜而心嬰荼毒州郡之
長能修厥職禮義興行姦回自屏形憲不苛孤惲是
賴有司詢訪宜以名聞有一於此當超不次其有經
明行修談講精熟具此嚴才堪教胄者志節高妙識
用清通博聞疆正終堪卿輔者遊情文藻下筆成章
援心處事端平可紀者疾惡揚善依忠履義執持典
憲終然不移者京司長官上都督府及上州各舉二
人中下州刺史各舉一人前代忠鯁身死王門子孫
才堪任官而留滯停移者既想遺風尤宜旌舉

顯慶元年十月手詔曰朕受命上玄嗣膺下武每肅
恭旒冕延想英奇俯振鷲而企貞臣仰飛鴻而慕良
輔雲臺側席玉管屢移宣室整衣金壺亟改寂寥靡
覲鑒寐興懷比年雖嘗進舉遂無英俊猶恐棲巖穴
而韜奇樂丘園而晦影宜令河南河北江淮以南州
縣或緯俗之英聲馳管樂或濟時之器價逸蕭張學
宰帝師材堪棟輔者必當任之不次可明加採訪務
盡才傑州縣以禮發遣

二年二月詔曰濟時興國實佇九功禦敵安邊亦資
七德朕端拱宣室思弘景化將欲分憂俊乂其逸巖
廊而比貢寂英奇舉非勇傑豈稱居安慮危之志處

存思亂之心如不旌賁遠近則爪牙何寄宜令京官
五品以上及諸州牧守各舉所知或勇冠三軍翹關
拔山之力智兼百勝緯地經天之才蘊竒策於良平
馳功績於衛霍蹤二起於吳白軌雙李於牧廣賞績
善而萬衆悅罰片惡而一軍懼如有此色可精加採
訪各以奏聞

三年七月帝謂宰臣曰四海之廣唯在得賢卿等用
人多作形迹護避親知不能盡意甚爲不取昔祁奚
舉子古人以爲美談卽使卿等兒姪有材亦須依例
進舉

五年六月詔內外官四科舉人或孝悌可稱德行夙
著通涉經史堪居繁劇或游詠儒術沉研冊府下帷
不倦博物馳聲或藻思清華詞鋒秀逸舉標文雅材
堪遠大或廉平處事疆直爲心洞曉刑書兼苞文藝
者精加搜訪各以名薦

龍朔元年八月帝謂侍臣曰往者天下七國皆有英
賢今四海一統遂無俊傑亦繇經營遼海未暇搜揚
將濟巨川佇聞舟楫何其寂寞一至於斯許圍師對
日百里奚處虞而虞亡入秦而秦霸在陛下用之耳
帝於是欲於李義府門中拔擢有材用者遂令本州

給傳遣詣東都及至無堪應務者竟罷之

古今本概

三年八月詔内外官五品以上各舉巖叢幽素之士廣加詢訪旁求謠俗式企英材允毗闕政

乾封二年八月高宗引侍臣責以不進賢良司刑少嘗伯李安期進曰臣聞聖帝明王莫不勞於求賢逸於任使且十室之邑必有忠信况天下至廣非無英彥但比來公卿有所薦引卽遭囂謗以爲朋黨沉屈者未申而在位者已損所以人思苟免競爲緘默若陛下虛已招納務於搜訪不忌親讎唯能是用讒毀亦旣不入誰敢不竭忠誠此皆事繇陛下非臣等所能致也帝深然之

十月令天下諸州舉鴻儒碩學博聞彊記之士

咸亨二年十月景帝詔曰禮樂之道其來尙矣朕誕膺明命克光正曆思隆頌聲以康至道而曲臺闡訓猶乖揖讓之容太樂登歌徒紀鏗鏘之韻良以教虧綿蕞學闕瞽宗興言盛業寤歎盈抱然則幽誠所著縱九臯而必聞忠信且存在十室而無棄但慮習俎之彥韞跡於閭閻辨鐸之英韜泝於林藪夫良玉無脛求之斯來真龍難覩好之而至其四方士庶及丘園棲隱有能明習禮經詳究音律於行無遺在藝可

錄者宜令州縣搜揚博訪具以名聞

五年八月詔五品以上各舉所知

上元三年閏三月令京官五品以上及諸州都督刺史各舉所知一人

儀鳳元年十二月詔曰山東江左人物甚衆雖每克賓薦而未盡英髦或孝悌通神遐邇惟敬或德行光裕邦邑崇仰或學統九流垂帷覩與或文高六藝下筆成章或備曉八音洞該七曜或射能穿札力可翹關或丘園秀異志存棲隱或將帥子孫素稱勇烈委巡撫大使咸加採訪佇申褒獎亦有婆娑鄉曲負材傲俗爲譏議所斥陷於跣踵之流者亦宜推擇各以名聞

三年十二月詔京文武職事三品以上官每年各舉所知或才蘊廊廟器均瑚璉體王佐之嘉猷資公輔之宏量或奇謀異策決勝千里或投石拔距勇冠三軍或睿諤忠亮志存規弼或繩違糾惡不避權豪或威惠仁明堪居牧守之重或公正廉直足膺令長之任咸宜搜訪具錄封進朕當詳覽量加獎擢

調露元年七月詔令雒州明揚不隨或孝弟純至感於神明或文武兼資才堪將相或學藝該博業標備

首或藻思宏瞻思擅文宗或洞曉音律識均牙曠或
深明曆數妙同京管者咸令薦舉

永隆元年十二月詔縣令刺史御史員外郎太子舍
人司儀郎左右史文武五品以上清要近侍及宿衛
之官并令舉所知一人

中宗神龍元年二月詔九品以上及朝集使舉賢良
方正直言之士

三月制令京官職事五品以上各舉縣令一人
五月制令職官五品以上各舉所知一人

九月制内外文武五品以上官並縣令京師清官九
品以上各舉孝弟廉讓一人

景龍元年二月令舉天下鴻儒碩學之士

三年三月令内外五品以上舉堪任刺史縣令者

册府元龜 求賢

卷之六十七

册府元龜

巡按福建監察御史臣李嗣京 訂正

知 閩 縣 事 臣 曹鼎臣 叅閱

知 建 陽 縣 事 臣 黃國琦 較釋

帝王部 六十八

求賢第二

唐睿宗唐隆元年六月卽位詔内外職事官五品以上各舉所知一人

七月制天下有奇才異行沉伏不能自達及官人有能極言時政得失者竝令本州責狀封進

景雲元年十二月制曰才生於代必以經邦官得其人故能理物朕恭膺大寶慎擇庶僚延佇思英無忘終食思欲蕭艾咸採葑菲不遺而商山幽曠渭濱寂寞夫以貴耳賤目殊通方之論捨近謀遠非應務之術今四方選舉羣才輻湊操斧伐柯求之不遠其有能明三經通大義者能綜一史知本末者通三教宗旨究精微者善六書文字辨聲象者度雅曲和六律五音者習韜略學孫吳識天時人事者暢於詞氣聽於受領善敷奏吐納者咸令所司博採明試朕親覽焉

太極元年二月命文武官五品以上各舉才堪將軍及邊州都督刺史一人

玄宗先天元年十二月制曰將帥之任軍國斯重禦侮干城良才是急頃武臣多闕戎政莫修聆鼓鼙以載懷噬熊羆而未遇古今一也何代無人南仲方叔之儔亦在用之而已宜令京文武官及朝集使五品以上方舉堪充將帥者一人明駁幽側無限年位務求實用以副予懷

二年六月詔曰致化之道必於求賢得人之要在於徵實頃雖屢存賁帛無輟翹車而駿骨空珍真龍罕

觀豈才之難遇將舉或未精且人匪易知取不求備
瑰琦失於俗譽韜晦嘆於後時宜其傳詢州理明敷
幽側使管庫無遺適軸或舉其諸州有抱器懷才不
求聞達者命所在長官訪名奏聞武勇者具言謀略
文學者指陳藝業務求實用以副予懷

開元二年六月甲子制其有茂才異等拔萃超羣緣
無紹介久不聞達者咸令自舉

三年十月詔曰有懷才抱器沉淪草澤不能自達者
具以名聞

五年二月詔有嘉遁幽棲養高不仕者州牧各以名
聞

七年五月勅曰諸投匭獻書上策人其中或有懷才
抱器者不能自達宜令理匭使料簡隨事探贖仍加
考試如有可採具狀奏聞

九年正月詔曰武有七德所以安人禁暴臣稱三傑
所以戰勝攻取蜀乃一方之主尚得孔明齊爲九合
之君斯繇管仲况宇宙至廣人物至多豈乏英賢無
聞韜略蓋用與不用知與不知今邊境未清統邊須
將頊林胡蹇擾柳城非捷比虜忽驚西軍莫振罪繇
失律過在無謀曹劇不言寧知登軾之効毛遂緘口

豈彰處囊之奇長想古人是思擢士其有雖霑簪綬猶晦跡於下流或蘊智謀尚沉名於大澤不加精訪何以甄收其兩京中都及天下諸州官人百姓有智合孫吳可以運籌決勝有勇齊賁育可以斬將搴旗或坐鎮行軍足擬萬人之敵或臨戎却寇堪爲一堡之雄各聽自舉務通其實仍令州縣具以名進所司遣立限期隨表赴集朕當親試不次用之其有身充見在諸軍統押者但錄所能奏聞未須赴集

四月勅曰戶口安存在于撫育移風易俗莫先令長知人不易此選良難專委吏曹或未精審宜令在京五品以上清官及諸州刺史及四府上佐各舉縣令一人並限勅到十日內京官封狀進外官附狀奏所舉人得官以來一任之中能有善政及不稱所舉其舉主應須褒貶

十一年正月丁卯制其有沉淪草澤抱德棲遲並委府縣搜揚

十一月南郊禮畢赦制其有抱器懷才不求聞達長官具以名薦

十四年六月勅曰朕聞以道得人者謂之儒切問近思者謂之學故以陽禮教讓則下不爭以陰禮教親

則遠無怨豈非習無不利教所繇生者乎朕所以厚
儒林闢書殿討論易象研覈道源冀淳朴大行華胥
非遠而承平日久趨競歲積謂儒士爲冗列視之若
遺謂吏職爲要津求如不及須亦開獻書之路觀揚
已之人闕下之奏徒盈席上之珍蓋寡豈弘獎之義
或有未孚將敦本之人隱而未見天下官人百姓有
精於經史道德可遵工於著述文質兼美宜令本司
本州長官指陳藝業錄奏狀奏聞其吏部選人亦令
所司銓擇各以名薦朕當明試自觀其能若行業可
甄待以不次如妄有褒進必加明罰

十月詔曰朕夢想賢才咨謀列嶽遂因封祀發詔搜
揚昨所臨御道場親加策問不稱所薦其數則多乃
聞膏梁之人遞相招致丘園之俊罕見褒陞豈朕勞
求之意也宜令都督刺史審更訪擇具以名薦
十五年二月制曰草澤中有文武高才者聽詣闕自
舉

二十年十月駕發東都北巡狩會公卿及長吏巡行
所至有賢才未聞達者以聞

二十三年正月籍田禮畢詔曰每渴賢良無忘鑒寢
頃雖虛佇未副旁求其或才有王霸之略學究天人

之際知勇堪將帥之選政能當牧宰之舉者五品以上清官及軍將都督刺史各舉一人孝悌力田鄉閭推挹者本州刺史長官各以名聞

二十六年正月親迎春於東郊畢制曰朕之爵位唯待賢能雖選士命官則有嘗調而安卑退跡尙慮遺才其內外八品已下官及草澤間有學業精博蔚爲儒道文詞雅麗通於政術爲衆所推者各委本州本司長官精加搜擇具以奏薦

二十七年正月令諸州刺史舉德行尤異不求聞達者許乘傳赴京

二月詔曰草澤間有殊才異行文堪經國爲衆所知不求聞達者所繇長官以禮徵送

二十九年正月詔曰朕所求才待之若渴旣旌於巖穴亦賁於丘園片善必收冀無遺逸然士人藏器衆何以知豈若父子之間自相推薦昔祁奚之舉祁午謝安之任謝玄良史書之咸以爲美賢彥之士何代無人寧恨嫌疑致有拘忌其內外官有親伯叔及兄弟并子姪中灼然有才術異能風標節行通閑政理據資厯堪充刺史縣令者各任以名薦其卑官所舉人聽於所繇長官處通狀一時錄奏其考試通人任

用之後如後有虧犯典憲名實不相副者所舉之人與其同罰如政績著聞終始廉謹爲衆所知者其所舉人與其同賞

天寶元年正月一日改元詔曰國之急務莫若求賢頃者雖屢搜揚士庶尙慮遺逸更宜精訪以副虛懷其前資及白身人中有儒學博通及文詞秀逸或有軍謀越衆或武藝絕倫者委所在長官具以名薦若乃弘我風化實惟方岳必付其人以膺其理其京文武官五品以上清資并郎官據資歷人才堪爲刺史者各任封狀自舉

三載十二月祀九宮禮畢制曰朕惟熙庶績博訪逸人豈惟振拔滯淹以期於大用閭亦欲褒崇高尙將敦於風俗虛佇之懷蓋在於此其高道不仕遁跡丘園爲遠近所知未經薦舉者委所在長官以禮徵送六載正月丁亥南郊禮畢制選賢推能嘗慮不廣三府之辭則唯採於大名四科之薦蓋不通於小學今承平日久士進多端必欲遠賁弓旌載空巖穴片善必錄末技無遺天下諸色人通一藝以上各任薦舉仍委所在郡縣長官精加試練灼然超絕流輩遠近所在者具名送省仍委尙書及左右丞諸司委御史

中丞更加對試務取名實相副者一時奏聞

十載正月詔朕每搜羅賢俊旌賁丘園猶慮遁跡藏名安卑守位朕言及此寤寐思焉其諸色人中有懷才抱器未經薦舉者委所在長官審加訪擇具名錄奏

十三載二月詔自臨御已來四十餘年棧樸延想寤寐求賢林藪無遺旌招不絕猶慮升平已久學業增多至於徵求或遺僻陋其博通墳典洞曉玄經清白著聞詞藻宏麗軍謀出衆武藝絕倫者任於所在自舉仍委郡縣長官精加銓擇必取才實相副者奏聞肅宗至德元年七月卽位於靈武詔有直言極諫才能牧宰文詞博達武藝絕倫孝悌力田沉淪草澤委所在長官聞奏薦詣闕自陳者亦聽

二年十二月詔郡縣官有灼然清白理行尤異百姓忠孝力田不求聞達者委採訪使奏聞其有文經邦國學究天人博於經史工於詞賦善於著述精於理法軍謀制勝武藝絕倫竝任於所在陳白委郡守銓擇奏聞不限人數

乾元元年四月郊祀禮畢翌日御丹鳳門大赦天下詔曰草澤及卑位之間有不求聞達未經推薦者一

藝以上恐遺俊又令兵部吏部作徵召條目奏聞
十月甲辰帝御宣政殿册成王爲皇太子詔大赦天
下京官五品以上各舉忠正孝友文儒周慎堪任東
官官者務取實才不得虛薦又曰爲政之要求賢是
急比令中外舉薦多非實才所以詢事考言登科蓋
寡猶慮巖穴之內尚有沉淪宜令所在州縣更加搜
擇其懷才抱器隱遁丘園竝以禮徵送如或不赴具
以名聞凡與前詔科目相當一切委内外文武五品
以上嘗有所知者不限人數任各薦聞如自舉者亦
聽於所荐投狀有堪任用不限嘗資

三年閏四月御明鳳門詔宜令中外五品以上文武
正員官各舉賢良方正直言極諫一人武藝文才俱
堪濟理者亦任狀舉其或文乏詞策武非騎射但權
謀可以集事材力可以臨戎方圓可收亦任通舉竝
限制到一月內奏畢

上元元年閏四月詔王者稽古設教擇賢以禮廣徵
巖穴用副薪樵宜令中外五品以上文武正從員舉
賢良方正直言極諫各一人武藝文才俱堪濟理者
亦任狀舉其或文乏詞策武非騎射但權謀可以集
事材力可以臨戎方圓可收亦任通舉竝限制到一

月內奏畢

二十年九月赦書每除京官五品以上正員清望官及郎中御史諸州刺史皆令推薦一兩人以自代仍具錄行能聞奏觀其所舉以行殿最

元年建卯月赦書諸色流人及左降官其中有行業夙著情狀可矜久踐朝班曾經任用者委在朝五品已上清望官及郎中御史於流貶人中素相諳委爲衆所推者各以名薦須當才實文武不墜道弘於人務在搜揚俾其展效其諸道入中有詞學高深兼通政理軍謀制勝明習韜鈴者委所在刺史揀擇奏聞舉薦京官四品已上正員文武官任各舉一人

代宗寶應元年九月詔曰知人則哲堯舜猶難類能而舉古今嘗式自頃中原多故汔未小康州縣屢空守宰多闕攝官承乏者頗無舉職之能懷才抱器者或有後時之嘆朕所以宵夜不寐側席未皇思弘政理之規冀及大中之道而庶尹卿士列于朝廷豈無叶贊之心以助旁求之義其内外文武官中如有堪任刺史縣令及出身前資入中有堪任判司丞尉者宜令京堂參官各慎擇所知具狀聞奏諸州刺史縣令既籍寮屬亦宜准此有者得人受賞賞不踰時增

秩賜金有國通典其或任非稱職舉不當才顧多附
下之心非無不適之罰其所舉人授官後如政能尤
異清白著聞三兩考後仰本道觀察使具狀奏聞其
舉至及所舉官人竝量加進改如懦弱暴政處置乖
宜竝冒犯賊私等議罪論刑當亦連坐宣示中外知朕
意焉

廣德元年七月詔曰河南河北有懷才抱器安真守
節素在丘園不仕爲衆所知委所在長官具名聞薦
訖色人中有孝悌力田經術通博文詞雅麗政理優
長本州各以名薦

十二月詔曰理道同歸求賢是急非人不乂辟士是
勤招以弓車設其壇席且憂適軸如待神明朕臨御
多方誕敷至化慮遺巖穴載佇雲津知白珩之非寶
降玄纁於下體一自鳴鑿關外駐驛陝郭每念明敷
浮勞寤寐聽正言以除國病思碩德以定人訛而猶
高士鴻冥幽人豹隱將朕之不德而禮或有遺望于
旄之忠告仰少微以嘆息眇然惕勵固覽河山藿食
薇歌往而不返永懷賢者朕甚惡焉今將意達巢居
誠通卜兆一麾必起四皓爰來敦其素風成我王道
宜令行在側近府州長官搜舉遺逸其有懷才抱器

高道不仕精加訪擇必以名薦仍須以禮資遣送赴行在賁於丘園待以郎署務令申勸悉朕意焉

二年正月丙午詔嘗參官各舉所知堪任憲官諫官儒官刺史縣令者

永嘉元年正月制曰孝悌力田懷才抱器遺逸未經薦達者各委州府聞奏親當策試量能叙用

大曆元年十一月制曰周徵俊造漢辟賢良垂之典暮永代作則天下有安貧樂道孝悌力田未經薦用者委所在長官具以名聞朕當親自策試量才叙用

五年六月詔曰内外文武官及前資官六品已下并草澤中有碩德專門茂才異等知謀經武諷諫主文者仰所在州府觀察牧宰精求表薦如所繇搜揚未盡遺逸林間者即宜詣闕自舉親當策試量能擢用

八年正月詔京官三品已上郎官御史每年各舉一人堪任刺史縣令者

十二年七月詔尚書御史大夫左右丞侍郎各舉堪任刺史者以聞

德宗以大曆十四年即位六月詔天下有才藝尤著高蹈丘園及直言極諫之士所在具以名聞諸色人

中有孝悌力田經學優深文詞清麗軍謀宏遠武藝

丹符... 帝王部... 卷之六十八... 十二

殊倫者亦具以名聞能詣闕自陳者亦聽仍限今年十二月內到朕當親試詔中書門下省御史臺五品已上尚書省四品以上諸司三品已上長官各舉可任刺史京令者一人中書門下量才進擬後有犯者舉人同罪

興元元年正月帝在奉天行在大赦改元天下有隱居行義晦跡丘園者委長吏具名奏聞

貞元元年九月丁巳詔曰朕祗膺祖宗之業猥臨億兆之上任大守重不敢康寧永懷萬事之統懼有所闕夕惕若厲中夜以興求賢審官期於致理而政化

猶鬱太平未臻思得海內忠良竭誠規諫洎經術之士才略之臣以明教化以立武事惟茲三者政之大經慮巖穴之間尚多遺逸故科別條目廣延異能賢良方正能直言極諫常執誼等達於理道甚用嘉之位以旌能宜升秩叙其第三人委中書門下卽超資與處分第四等人卽優與處分第五等人卽與處分嗟乎強學以待問進德以及時昔公孫弘猶聞十上失之正鵠必反諸身凡爲多士宜各自勉

四年正月詔曰賢良方正能直言極諫者高蹈不仕隱居巖穴孝悌力田聞於鄉里所在長官具名聞薦

諸色有清白政術堪任刺史縣令嘗參官各舉所知
朕當親自策試之

十一年九月制曰天下有才德高遠爲衆所知及隱
居丘園不求聞達者委所在州縣長吏具名跡聞薦
諸色人中有賢良方正能直言極諫或博通墳典達
於教化或詳明政術可以理人者委嘗參官及州府
長吏各舉所知奏聞朕當親自策試

十二年三月諸州准制薦隱丘園不求聞達蔡武等
九人並授試官令給公乘赴京到日量才叙用

順宗貞元二十一年卽位制曰諸色人中有才識兼
茂明於體用者經術精深可爲師法者達於吏理可
使從政者宜委嘗參官各舉所知其在外者長吏精
加訪擇具以名聞仍優禮發遣朕當詢事考言審其
才識如無人論薦者卽任自詣闕庭

憲宗元和二年正月制曰天下諸色人中有賢良方
正能直言極諫博通墳典達於教化軍謀宏遠堪任
將帥詳明政術可以理人委內外官各舉所知當親
策試

十四年七月乙丑帝御宣政殿册尊號禮畢大赦天
下諸色人中有賢良方正能直言極諫博通墳典達

於教化軍謀宏遠堪任將帥詳明政術可以理人者委內外官各舉所知當親自策試

穆宗元和十五年卽位十一月制曰如有隱於山谷退在丘園行義素高名節可尚或才兼文武卓然可獎者具名薦聞

長慶元年正月辛丑郊禋禮畢大赦制天下諸色人中有賢良方正能直言極諫博通墳典達於教化軍謀宏遠堪任將帥政術詳明可以理人者委有司各舉所知限今年十月到上都

三月制以劉總獻遼陽入州之地其管內官吏有奉職清勤及有賢才隱於山谷退在丘園竝具薦聞

敬宗長慶四年卽位三月壬子赦書諸色人中有賢良方正能直言極諫經學優深可爲人師詳嫻吏理達於教化軍謀宏遠材任邊將者委嘗參官并諸道節度觀察使諸州刺史各舉所知限本年正月到上都

文宗太和元年正月赦書諸色人中有賢良方正能直言極諫者及經學優深可爲師法詳嫻吏理達於教化軍謀宏遠堪任將帥者嘗參官及方牧郡守各舉所知無人舉者亦聽自舉竝限來年正月到上都

開成元年正月一日赦書其有藏器待時隱身巖穴
竒節獨行可激風俗者委嘗參官及所在長吏各以
名聞

僖宗光啓元年正月詔曰朕每念艱難之本思拯濟
之圖治少亂多古猶今也蓋搜揚之未至非爵賞之
不行况自鄉里沽名物情賈怨朝市有爭先之黨山
林多獨往之人彼豈自窮而莫返其有文苞經緯道
貫儒玄貞遁自腴浮名不染豈無加等之命以待非
嘗之流今委使臣遠近徵訪必行備禮以聳羣芳且
幾貴研浮用惟體要運當無事固垂拱而可待時屬
多虞非拔竒而不振或有材優將畧業洞兵鈐辨勝
負於風雲計長短於主客妙得神傳之決耻成兒戲
之名不俟臨機方期制變或銷聲於屠釣或屈志於
風塵勿媿自媒當期致用至乃旁規國病動適時宜
浮探貨殖之源備得富強之術排於浮議鬱彼良圖
又有志擅縱橫久潛緇褐材雖超異見辱儕流苟全
一藝之工不必萬夫之敵亦有推研曆象校步星辰
言必效於機先術豈疑於億中是資竒器孰曰異端
亦在勸來佇加殊賞噫功名可慕少壯幾何在君親
則忠孝相資念國家則安危同切勿甘流落猶狗彘

安竝委使臣勝示訪求長吏津置發遣同心體國無使淹延懸賞使能必期升擢朕雖鍾艱否亦謂憂勤高祖太宗之在天固當垂祐社稷生靈之有主夫豈乏賢達我敷求咨爾將命勿孤翹矚苟自因循其間儒學優游軍謀宏遠密陳時務願應制科者已從別勅處分跣跣遺才沉淪末位不礙文武竝須升聞布告天下咸使知委

昭宗車駕至雒陽改天復四年爲天祐元年赦書儻有懷才抱器隱遁山林武藝絕倫湮沉卑賤者仰在處長吏搜訪奏薦如得材實當待以不次之位

後唐莊宗天祐五年四月下令曰山谷隱淪之士鄉閭造秀之人仰所在長吏薦聞州府卽當旌舉

二十年四月卽位制曰或所在有藝行頗高爲鄉閭所推者竝仰准例舉選所司量才任使

同光元年十月詔曰側席求賢將臻至理懸旌進善式贊鴻猷應名德有稱才藝可取或隱朝市遁迹林泉竝委逐處長吏遍加搜揚津致赴闕朕當量才任使兼僞庭僭逆已來凡有寃抑沉滯之人竝宜特與申雪仍加遷陟

二年二月南郊畢制曰事主之道以立節爲先致理

之方以賞善爲本應懷才抱器不事僞朝衆所聞知顯有節行仰所在長官將所著事狀具姓名聞奏當加甄獎兼授官秩

明宗長興二年七月勅朝臣相次敷陳請搜沉滯簪纓之內甚有美賢山澤之中非無俊彥若令終老乃是遺才鄭雲叟頃自亂離久從隱逸近頒特勅除授拾遺不來赴京自緣抱病非朝廷之不錄在遐邇以皆知宜令諸道藩侯專切搜訪如有隱逸之士藝行可稱者當具奏聞必宜量才任使

四年八月戊申上尊號畢下制曰山林草澤之中雖頻命搜羅而尙慮沉滯委所在良吏切加採訪的有才器藝行者具以名聞必議量才任使

晉高祖初卽位赦制曰弓旌聘士巖穴徵賢式光振鷲之班將起維駒之詠應山林草萊賢良方正隱逸之士委逐處長吏切加搜訪咸以名聞當議量才叙用

天福元年閏十一月壬午勅應有懷才抱器隱遁山林方切務於旁求宜徧行於搜訪委所在長吏備達朝旨具以名聞又明宗朝親屬之內宿舊之中或功名曾著於輿情或才器可裨於公政宜委中書門下

量才叙錄士流之內有懷才抱器碩學殊能者委中書門下搜訪任使勿拘門地資歷應致仕官或筋力未衰才能可任者將表乞言之敬難從歸老之心委中書門下商量奏聞當議升擢

三年八月丙申翰林學士中書舍人竇貞固奏臣伏覩先降御札令文武百僚各進封事臣聞舉善爲公知人則哲聖君在位藪澤莫有於隱淪昭代用才政理自無於紊亂求賢若渴從諫如流鄭所以舉子皮魯所以譏文仲爲國之要進賢是先庶遵理治之風宜舉仁人之器臣欲請降勅命指揮文武百僚每一司之內共集議商擢其一士奏薦述其人有某能改爲某官某職便請朝廷據奏薦任用若能符薦果謂當才卽請量加獎賞或有乖共舉兼涉徇私亦請量加殿罰所貴官繇德序位以才升三人同行尚聞擇善十日所視必不濫知臣職在論思位參近侍每謝匪躬之節嘗慙濡翼之譏將贖貪叨聊陳狂狷勅日進賢受賞備有前文得士則昌斯爲急務竇貞固名參國相職在禁庭貢章疏以傾心請班行而薦士於可否之際分賞罰之科無媿當仁無或曠職今後宜許文武百僚於縉紳之內草澤之中知灼然有才器

者列名以奏納其章疏記彼姓名否臧盡達於予懷用舍免私於公議仍付所司

六年八月壬寅詔曰擢文武之才今之急務旌孝義之行古有明文贊治道以克隆致人倫之式序山林草澤內文才武藝爲衆所推者委長吏切加搜訪具以名聞當議量才叙用

少帝天福七年六月卽位七月庚子制山林逸士草澤逸閑將裨教化之風且廣搜羅之道應有懷才抱器隱遁丘園者委隨處長吏切加搜訪具以名聞

漢高祖乾祐元年正月詔朕昔在藩邸頗熟臣寮文武之才嘗備觀其梗槩方圓之用宜更察於精微俾取質於衆多庶無遺於俊造應文武嘗參官仰准唐建中年故事上任後三日表舉一人自代徵聘丘園免遺材彥恢張名教俾厚人倫應有蘊蓄器能精通理道文理該博武畧縱橫而退遁於家高尙其事者委所在訪尋當俟徵用

隱帝乾元三年兵部侍郎盧賈上言臣讀唐史見薛登上疏云古之取士實異於今先觀名行之原考其鄉曲之譽崇禮讓以厲已取名節以標言以敦朴爲先最以雕文爲後科故人從禮讓之風士去輕浮之

行希進者必修貞確不拔之操行難進易退之規臣因覽前書觀茲舊事望於聖代復用此言則有才者皆務造修無行者不宜推擇從之

周太祖卽位制曰山林草澤之間懷才抱器之士切加搜訪免致遺賢

顯德元年正月丙子祀圓丘禮畢赦制應山林隱逸草澤才能所屬長吏搜訪具以名聞

世宗是月丙申卽位三月赦制應有懷才抱器出衆超羣或養素於衡門或屈迹於末位孤寒難進志業何伸咸用搜羅待以爵秩諸隱遁不仕及早官下位

中有文武幹畧灼然可稱者所在具以名聞

二年正月辛卯詔曰令錄之官政理之本親民總務在幹與廉雖銓衡舊規每嘗慎擇而縉紳多士難以具知爰開舉善之門以廣用才之術應在朝文武官翰林學士兩省官內有曾歷藩郡賓職州縣官者宜令各舉堪爲令錄者一人務在強明清慎公平勤恪其中如有以曾在令錄亦許稱舉竝當擢任不拘選限資叙雖姻族近親亦無妨嫌只須舉狀內具言除官之日仍署舉主姓名若在官貪濁不公懦弱不理或職務廢闕或處斷乖違竝量事狀重輕連坐舉主仍

令御史臺催促本官旋具奏聞限兩月內舉狀齊足如出使在外者候回日准此指揮務在稱揚循吏激勸官途庶符用乂之方其布惟和之政

四年正月詔曰應有文學之吏武勇之人或幕府州縣官等臨事強明在任有所振舉爲衆稱舉者宜令所在長吏具名奏聞在朝文武臣寮於知識人中有如此者亦可公舉竝當擢用待之厚祿

六月勅應在朝文武官各令稱舉一人堪充令錄及兩使防禦團練軍事判官者自前或有公過微有殿犯者亦許稱舉餘准此顯德二年正月二十一日御札處分

八年辛未詔曰文武之道迭用軍旅之事非輕朝廷方整車徒欲清區宇咸資戎事甚渴雄才勇鷲之人每延頸而在念炤臨之內非博訪以難知應在朝上將軍統軍大將軍將軍率府副率等宜令各舉有武勇膽力騎射趨捷堪爲軍職者三兩人仍具年幾及歷職去處奏聞如已在禁軍者不在稱舉俟舉到日竝當此職騎射看驗人材雖是姻親亦許公舉但於狀內具言如任用之後不副所舉卽量事輕重連坐舉主

册府元龜

求賢

卷之六

五年正月乙巳詔在朝文武官宜令各在舉堪任幕
職令錄者一人

册府元龜

册府元龜

巡按福建監察御史臣李嗣京 訂正

知甌寧縣事 臣孫以敬參閱

知建陽縣事 臣黃國琦較釋

帝王部

六十九

審官

書曰明王立政不惟其官惟其人又曰治亂在庶官
是知求賢審官有國所重知人則哲惟帝其難故王
者奉若大猷竝建百職莫不登進俊傑慎簡才德量
能授事使人以器是以不能者止而能者競勸官修

其方吏善於職庶政允穆而治道康矣斯則稽古用
又為邦之大要也原夫設官分職所以建民極而亮
天工授方任能所以熙王度而經事典大雅之作實
美於能官三代之隆皆繇於得士故以德詔爵以能
詔事斯不可以不慎者也

虞舜曰咨四嶽有能奮庸熙帝之載奮起庸功載事訪群臣有能起

發其功廣堯之事使宅百揆亮采惠疇亮明惠順疇類也求其人

者言舜日以別堯使君百揆之位以明亮庶事而順成庶類也兪曰伯禹作司空四嶽同辭而對禹代

縣為崇伯入為天子司空治洪水有成功言可用之帝曰兪咨禹汝平水土惟

時懋哉然其所舉稱禹前功以命之禹拜稽首讓於

稷契暨臯陶稽首首至地稷田正官名棄姓姬氏契臣名姓子氏暨及也帝曰兪

汝往哉兪者然其所推之賢汝往哉者不許其讓帝曰棄黎民阻饑汝后

稷播時百穀阻厄播布也衆人之厄在饑汝后稷布稷是百穀以濟之美其前功以勉之

帝曰契百姓不親五品不遜五品謂五嘗遜順也汝作司徒敬

敷五教在寬布五嘗之教務在寬所以得人心亦美其前功帝曰臯陶蠻夷

猾夏寇賊姦宄猾亂也夏華夏劫人曰寇殺人曰賊在外曰姦在內曰宄言無教之致

汝作士五刑有服士理官也五刑墨劓剕宮大五服

三就既從五刑謂服罪也行刑當就三處大罪于原野大夫于朝士于市五流有宅五

宅三居謂不忍加刑則流放之五宅三居者流雖有五而宅之俾為三等之居大罪四裔次九州

之外次千里之外惟明克允言陶臯能明信五刑施之遠近蠻夷華夏咸信服無敢犯者因

冊子元龜 帝王部 卷之六十九

禹讓三臣
或歷述之

帝曰疇若予工僉曰番哉

問能誰順我百
工事者朝臣舉

番番
臣名

帝曰俞咨番汝共工

共謂供
其職事

番拜稽首讓于受

折暨伯與

受折伯
與二臣

帝曰俞往哉汝諧

汝能諧
和此官

帝曰疇

若予上下草木鳥獸僉曰益哉

上謂山下謂澤順謂
施其政教取之有時

用之有節言
伯益能之

帝曰俞咨益汝作朕虞

虞掌山
澤之官

益拜稽

首讓於朱虎熊羆帝曰俞往哉汝諧

朱虎熊羆二臣
名番益所讓四

人皆在元
凱之中

帝曰咨四岳有能典朕三禮僉曰伯夷

禮三

天地人之禮伯
夷臣名姜姓

帝曰俞咨伯夷汝作秩宗

秩序也郊
廟之官

夙夜惟寅直哉惟清

夙早也言早夜敬思其職典
禮施政教使正直而清明

伯

夷拜稽首讓於夔龍

夔龍二
臣名

帝曰俞往欽哉

然其賢
不許讓

帝曰夔命汝典樂教胄子

青長也謂元子以下至卿
大夫子弟教以詩歌中和

祇庸
孝友

直而溫寬而栗

教之正直而溫和
寬洪而能莊栗

剛而無彘簡

而無傲

剛失入彘簡失入
傲教之以陟其失

詩言志歌永言

謂詩言志
以導之歌

詠其義以
長其言

聲依永律和聲

聲謂五聲宮商角徵羽律
謂六律六呂十二律之音

言當依聲
律以和樂

八音克諧無相奪倫神人以和

倫理也八
音能諧理

不相奪則神人咸
和命夔使勉之

夔曰於予擊石拊石百獸率舞

石

也磬音至清拊亦擊也舉清者和則其餘皆
從矣樂感百獸使相率而舞則神人可知

帝曰龍

朕聖讒說殄行震驚朕師

聖疾殄絕震動也言我疾
讒說絕君子之行而動驚

我衆欲
遇絕之

命汝作納言夙夜出納朕命惟允

納言喉舌
之官聽下

言納于上受上言
宣于下必以信

帝曰咨汝二十有二人

禹番益伯
夷夔龍六

人新命有職四岳十二牧各敬其 凡二十二人特勅命之職惟是 欽哉惟時亮天工

乃能言立三年有成故以 三載考績三考黜陟幽明考功九歲則能 天下之工

否幽明有別黜退考績法明衆 庶績咸熙分北三苗功皆廣三苗 其幽者進其明者

幽闇君臣善否分 幽闇君臣善否分 兆流之不令相從

漢高祖時趙堯為符璽御史時高祖為趙王如意置

貴疆相乃徙御史大夫周昌為趙相久之高祖持御

史大夫印弄之曰誰可以為御史大夫者熟視堯曰

無以易堯言堯可為之餘人 遂拜堯為御史大夫

宣帝每拜刺史守相輒親見問觀其所繇退而考察

所行以質其言質正 有名實不相應必知其所以然

嘗稱曰庶民所以安其田里而亡歎息愁恨之心者

平政訟理也訟理言所訟見 與我共此者其唯良二

千石乎

蕭望之宣帝時為少府帝以望之經明持重論議有

餘材任宰相欲詳試其政事乃以為左馮翊

元帝即位待詔鄭朋薦張敞先帝名臣宜傳輔皇太

子帝以問前將軍蕭望之望之以為敞能吏任治煩

亂材輕非師傳之器天子使使者徵敞欲以為左馮

翊會病卒

成帝時翟方進為丞相司直是時起昌陵營作陵邑

貴戚近臣子弟賓客多辜推為姦利者推專也辜推者言已自專

之也人取罪有辜方進部椽史覆案發大奸賊數千萬帝以

為任公卿任堪也欲試以治民徙方進為京兆尹後至

宰相

後漢光武即位以織文用平狄將軍孫咸行大司馬

衆咸不悅詔舉可為大司馬者載識文曰孫咸征狄也羣臣所

推唯吳漢及景丹帝曰景將軍北州大將軍是其人

也然吳將軍有建大策之勲謂發漁陽兵也又誅苗幽州謝

尚書其功大苗曾謝躬舊制驃騎將軍與大司馬相兼也

武帝置大司馬號大將軍乃以吳漢為大司馬而拜丹為

驃騎大將軍

明帝時館陶公主為子求郎不許而賜錢千萬謂羣

臣曰郎官上應列宿出宰百里苟非其人則民受其

殃是以難之故吏稱其官民安其業遠近肅服戶口

滋殖焉

章帝建初五年五月辛亥詔曰朕思延直士側席異

聞其先至者各以發憤吐懣畧聞子大夫之志矣皆

欲置於左右顧問省納建武詔書又曰堯試臣以職

不直以言語筆札今外官多曠竝可以補任

和帝永元七年夏四月辛亥朔日有食之詔曰元首

不明化流無良政失於民謫見於天謫譴責也禮曰陽事不得謫見

于天日深唯庶事五教在寬是以舊典因孝廉之舉

以求其人武帝元初元年董仲舒初開其議詔郡國舉孝廉各一人有司詳選即

官寬博有謀才任興城者三十人仕堪也音仁林反既而悉

以所選即出補長相長縣長相侯相也十三州縣為邑別令長為相秩隨令長本秩

元興元年春正月戊午引三署即召見禁中漢官儀三署謂

五官署左右署也各置中郎將以司之郡國舉孝廉以備三署郎年五十以上屬五官其次分在左右置

凡在中郎侍郎郎中儀郎四等無員禁中者門戶有禁非侍御者不得入故謂禁中選除七十

五人補謁者長相

順帝陽嘉元年詔曰間者以來吏政不勤故災咎屢

臻盜賊多有退省所繇皆以選舉不實官非其人是

以天心未得人情多怨書歌股肱詩刺三事今刺史

二千石之選歸任三司其簡序先後精覈高下歲月

之次文武之宜務存厥衷

魏明帝詔舉中書郎謂吏部尚書盧毓曰得其人與

不在盧生耳選舉莫取有名有名如畫地作餅不可

噉也會司徒缺毓舉韓暨敦篤至行帝乃用之

晉武帝太始二年二月詔曰古者百官箴王闕然保

氏特以諫諍為職今之侍中嘗侍實處此位擇其正

色弼違能救不逮者以兼選

彬武帝以問散騎嘗侍文立立曰宗彬俱不可失然彬多財欲而宗好酒惟陛下裁之帝曰財欲可足酒者難改遂用彬

華嘗為太嘗尋以疾求解詔曰太嘗職主宗廟蒸嘗敬重而華嘗所疾不堪親奉職事夫子稱吾不與祭况宗伯之任職所司邪今轉嘗為廷尉

後魏道武天興元年秋八月帝臨昭陽分置衆職引朝臣文武親自揀擇量能叙用

太武神麿元年春正月以天下守令多行非法精選忠良悉代之孝文謂公孫良曰頃年用人多乖觀才之授實是繇人而授以文官黜同大例於理未均諸如此比黜官如初

穆亮為侍中尚書左僕射於時復置司州孝文曰司州始立未有僚吏須立中正之任必須德望兼資者以定選舉然當在始祖時崔浩為翼州中正長孫高為司州中正可謂得人公卿等宜自相推舉必令稱允尙書陸叡舉亮為司州大中正

廣陵王羽為太保錄尙書事孝文嘗顧謂羽曰考課

之上下二等可爲三品中等但爲一品所以然者上下是黜陟之科故旌絲髮之美中等官本事可大通羽先呈廷尉五局司直帝曰夫刑獄之難實惟自古必也斷訟夫子所稱然五局所司專主刑獄比聞諸風聽多論五局不精知人之難朕豈獨決嘗與羣臣同之卿等各陳所聞又謂羽及少卿鄧述曰五局司直卿等以爲何品羽對曰諸司直竝簡聖心往者百官初置擢爲獄官聽訟察詞無大著越所以爲二等者或以親事利鈍或以見機遲速朝廷既有九品之制故計其絲髮之差以爲品第統論所得大都相似

帝曰朕頃年以其人識見可取故簡司獄官小優劣不足爲差然廷尉所司人命之大事須心平性正抑強哀弱不避貴勢直情折獄者可爲上等今欲聽採風謠虛實難悉苟欲不採事無所據然人言惡者未必是惡言善者未必是善所以然者或斷訟不避豪貴故人以爲惡或將勢抑賤人以爲好然朕之聽皆貴者是以遲迴三復良繇於此局事須永清玉潔明揚褒貶卿等旣是親典邪正得失悉所具之可精辨以聞鄧述對曰陛下行賞得人餘皆甘心若賞不能盡無以勸厲如臣愚見願不行賞帝曰朕昔置此官

許三年考陟必行賞罰既經今考若無黜陟恐正直者莫肯用心邪曲者無以改肅自非擇之於公何能盡其至理雖不可精其微致且望粗有殿最諸尚書更與羣臣善量所以

太和十九年十月壬戌詔諸州牧精品屬官考其得失爲三等之科以聞將親覽而升降焉

宣武延昌中臨朝堂親自黜陟授明亮勇武將軍亮進曰臣本官嘗侍是第三清今授臣勇武其號甚濁且文武又殊請更改授帝曰今依勞行賞不能清濁卿何得復以清濁爲辭亮曰聖明在上清濁故分臣

旣屬聖明是以敢啓帝曰九流之內人咸君子雖文武號殊佐治一也卿何得獨欲乖衆妄自相親所請未可但依前授亮曰今江左未賓書軌宜一方爲陛下投命前驅拓定吳會官爵陛下之所輕賤命微臣之所重陛下方收所重何惜所輕帝笑曰卿欲爲朕拓定江東揃平蕭術揃平拓定非勇莫可今之所授寔副卿言辭勇不乃自相矛盾亮曰臣欲仰稟聖規運籌而定何假勇武方乃成功帝曰謀勇二事體本相須若勇而無謀則勇不獨舉若謀而無勇則謀不孤行必須兼兩乃能制勝何得云偏須運籌而不復

假勇乎亮曰請改授平遠將軍帝曰運籌用武然後
遠人始平卿但用勇平之何患不復平遠也亮乃陳
謝而退

孝明神龜中辛雄除尚書駕部郎中轉三公郎其年
沙汰郎官務精才實唯雄與羊深等八人見留餘悉
罷遣

前廢帝普太元年四月己未於顯揚殿簡試通直散
騎嘗侍散騎侍郎通直郎刺員非才者他轉之自天
下多事東西二省官員委積帝勅羊深與嘗侍盧道
處元晏元法等選人補定自奉朝請以上各有沙汰

唐太宗貞觀二十二年幸翠微宮授司農卿李緯爲
民部尚書房玄齡時在京城留守會有自京師來者
帝問曰玄齡聞李緯拜尚書如何對曰玄齡但云李
緯好髭鬚更無他語帝遽改授緯雒州刺史

高宗龍朔二年五月丙申大司憲竇德玄爲司元太
嘗伯左肅機源直心爲奉嘗正卿劉祥道正授司刑
太嘗伯守司宰正卿駙馬都尉薛瓘爲司宗正卿司
刑少嘗伯侯善業爲守詳刑正卿蘭臺侍郎弘文館
學士上官儀爲西臺侍郎檢校左相許圜師爲左相
司列少常伯郝處俊爲太子左中護左中護賀蘭敏

之爲左侍郎弘文館學士德玄等所授官竝帝自注
定旣而謂李勣等曰朕所授未知允當以否選賢任
能雖帝王之所務然臣下之各進乃誠舉不失選疇
咨僉議必盡是心上下情通何憂不理但爲永徵以
來頗聞朋黨懲艾此事實亦生疑今不共公等商量
則自注定自覺專固以爲媿也勣等引咎拜謝及許
闡師等入謝帝謂曰構大廈者必籍羣材理天下者
必資良佐比來食祿之官多不稱職或遽相朋附或
忘公徇私庶政未康或繇於此我所以就中揀擇親
注此官各宜用心勿踵前弊無令後人嗤失鑒也

中宗景龍元年十一月制曰共理天下者在良二千
石宜令中書門下於內外揀擇必取材望兼優公清
特著可以宣風導俗具以名聞

睿宗景雲元年九月丙子制曰建官惟賢典誥丕訓
任人以器先王令圖蓋欲庶政和平萬邦祗乂朕以
寡昧克纘休業求衣側席無忘寤寐頃屬奸回擅權
撓亂綱紀互相引進遞爲比周黷汙清朝實繇於此
遂使玉石無辨涇渭莫分其制勅授官宜令所司勘
責不因別功遂越賞授先有負犯罔冒得官竝量事
處分彰善癉惡異等區分臬鸞不接羽蒿蘭不同類

宣示中外知朕意焉

二年十月勅曰寅亮天工弼諧庶績宰臣之任也彰善癉惡激濁揚清御史之職也政之理亂實繇此焉朕丕膺鴻緒三年于茲日旰而食夜分而寢萬乘非樂四海爲憂思欲小康蒸人允荅羣望懲勸之詔歲月相仍然耳不聞彈劾之聲目未覩剛正之舉豈内外寮吏咸未循公邪將有司迴避隱惡不聞邪每念於此怒焉如疚言而不行責在薄德知而不奏誰其過歟御史等不樹朝綱合從屏黜但緣未親處分志在含忍宜許自新以圖遠勅内外文武官有老弱疾

患貪暴侵漁不舉職事材職不相當者三日內各錄狀進外州刺史上佐多不簡擇内外之職出入須均京官中有材幹堪理人者量與外官有清慎者與京官

玄宗開元二年正月壬申制曰朕聞天爲大者孰先於育物物最靈者莫甚於愛人故樹之后王以康兆庶緬鑒前烈深爲遠圖懼德之不修化之未偃寅畏夙夜如臨泉壑然則疇咨命於四嶽黜陟在乎三載既以百姓爲心明非一人獨理今之牧守古稱侯伯賢者任之則循良之迹著不賢者任之則怨苦之聲

作每冀精於所擇委之俞往豈時或頽靡苟且尙多
何吏之殊尤寂寞不嗣靜言政要朕用憮然間歲水
旱周於郡國倉廩不蓄閭閻薦饑加以黜陟頗多冗
官增弊至於處置皆憑次舉當於京官內簡宏才通
識堪致理興化者量授都督刺史等官在外藩頻有
升進狀者量授京官使出入嘗均永爲嘗式課最超
等必議陞選循默守嘗必加黜免昭昭賞罰可不慎
歟昔子產相鄭以致和平曹參相齊貴於清靜清靜
則不擾不擾則和平和平則不爭不爭則知耻愛費
而與休息除煩而從簡易自當農者歸壠畝蠶者勤
績紡旣富而教乃克有成道德齊禮不遠斯復庶幾
在位知朕此心

三年六月戊午勅曰刺史宜兼於京官中簡擇歷任
有善政者補置於司農太府少府等司旣掌財物已
知次第復稱執事不在取限

八年勅曰刺史古之通侯公卿國之重臣百揆時叙
必在得賢萬邦咸寧期於共理郎官出宰抑於前事
方伯登台聞之往躅頃來朝士出牧例非情愿緣沙
汰之色或受此官縱使超資尚多懷耻亦朝廷勳舊
暨鎮外臺却任京都無辭降屈且希得人衆以爲榮

為官擇人豈合如此自今已後諸司清望官闕先於
牧守內精擇都督刺史等要人兼向京官中簡授其
臺郎已下除改亦於上佐縣令中通取俾中外迭用
賢良靡遺庶績其凝九功惟允卽宜銓擇以副朕懷
十二年以黃門侍郎王丘中書侍郎崔沔為吏部侍
郎王易從等為諸州刺史因勅宰臣曰朕欲妙擇牧
宰以崇教化欲重其資望以勵衣冠自今已後三省
侍郎有缺先求曾任刺史者郎官缺先求曾任縣令
者

二十四年帝以諸州別駕長史司馬佐刺史之理命
有司考其勤勞及有政者遂以衛州長史盧見象等
二十二人遞遷其職制曰善為理者固道在至公能
官人者俾財無滯用今之羣吏列於郡國績有可考
政或可觀既久於所職當叙之以位衛州長史盧見
象等項在條察克著聲猷計年有成以時議進期乎
知勸且日無遺彼欲速者自銜而至廉耻之道喪于
進之責深悠悠斯人朕無所取凡百在位宜悉乃懷
天寶十載詔曰其理親人在於郡守縣令今二千石
朝廷精擇咸得其人縣令委之選司慮未盡善孰若
連職同官見其踪跡宜令天下太守各舉堪任縣令

一人善惡賞罰必及所舉所司仍明作條例

肅宗至德二年十二月詔簡擇郎官有堪任太守縣令者委京清資五品已上及郎官御史薦聞

二年正月大赦詔刺史上佐錄事參軍縣令委中書門下速於諸色人中精加訪擇補擬判司丞已下宜令所繇銓揀

乾元二年九月詔曰朕聞効官者必量力而授任致理者亦擇才而簡能况風化之源本資於長吏升降之義用明於朝典古之建萬國親諸侯蓋以撫綏黎民宣布王化則今之令長古稱子男矜孤恤寡均徭

省賦皆是職也朕以薄德恭膺寶位屬殘孽猶聚戎軍未戢雖憂國之計且務於濟時而恤人之心每深於惠物將求厚俗必在審官至於刺史治中皆制命所授辨其材術蓋在朝廷先令中書門下精加擇訪務德惟良如非理人之材竝卽量宜改授且諸縣令員數應多如聞處理之間廉平者少或使司所奏以功見稱或主司所擬循資而授儻乖任用空忝親人或有案牘之間曾未閑於令式征賦之際皆委任於胥徒繇是吏轉生奸遂爲蠹政人不堪命因而失業興言及此良用憮然夫易枉以調弦聲之和也革弊

而從理政之體也漢宣帝曰與我共理天下者其惟良二千石乎因知方嶽之任足以委黜陟之權矣凡諸道節度皆職備防戎政在理兵豈遑廉問必令郎官御史分命巡察則乘驛暫往難於委知諒無益於澄清反有增於勞擾其天下縣令名仰本州府長官審加詳擇如有衰耄暗弱或貪財縱暴不閑時政爲害於人竝具名錄奏卽與改替其才職相當者竝依舊奏定已後有不稱者所繇官長量加殿黜庶理人之職無或謬焉又入仕之流本期展用且無事實豈可徒勞令員外之官所在甚衆旣不釐務空効驅馳將適鄉閭復拘職守念其旅寓良可優矜應州縣見任員外官竝任其所適計秩滿後各與成資仍於本色內減一兩選與留其先緣罪累貶授者不在此限如員外官中材識幹濟曾經任使州縣所資者亦任量留上州不得過五人中州不得過四人下州不得過三人上縣已上不得過一人古之任官必寄成政如長吏數易則綱條不恤所以人懷苟進之心俗靡居嘗之業比者或開此獎實謂未便於時自今已後刺史縣令更不得數有移改善政聞於上則當議擢遷如道失厥中亦自申懲誠黜陟之道固有彝章又

比來刺史之任皆先奏州縣官屬苟爲改作孰免顏情自今已後除帶刺史判官外一切不得奏改官吏到任之後察有罪累及不稱職者任具狀奏聞請然後無所與替其刺史非兼節度但有防禦使者副使判官委於本州官中推擇亦不得別奏人竝委中書門下者爲嘗法庶使官無失位政有嘗經宣示天下宜知朕意

德宗嗣位以御史大夫浙西觀察使李涵和易無搏擊之才除太子少傅以父諱少康改檢校工部尚書兼光祿卿

貞元二年正月詔嘗參官及節度觀察防禦軍使城使兵馬使諸州刺史少尹赤令畿令并七品已下清官及大理司直評事等項者令內外新授官人三月內上表舉一人自代欲於中選才堪者任用比來所舉多有無實殊乖所謂求才之意自今已後每舉人皆令指陳其承前事跡如有政能行義藝業勞効各分析言之

四年九月癸酉詔中書門下選嘗參官曾爲牧守理行有聞者具名聞奏與諸薦守宰論政事知所任者具名封進應被舉官等令御史臺及吏部檢校勘資

次勿令踰越然後臨試處分仍永爲嘗式

十五年正月以右諫議大夫知匭使田敦爲兵部郎中敦素承顧問帝將用爲兵部侍郎又疑其年少故且授郎中

憲宗時宰相以張仲素改文昌進名爲學士帝阻之以行止未正不宜在內庭

穆宗元和十五年二月御丹鳳樓大赦詔擇刺史縣令宜委門下中書省御史臺官有所請知卽具薦開如贓污賤人當坐舉

長慶元年以兵部尚書李絳爲吏部尚書以吏部尚書蕭俛爲兵部尚書制曰絳俛皆本朝先後之名相也而吏司爲劇俛固以疾辭兵務差闕絳處之餘裕各令揔理庶謂得宜

文宗太和五年五月丙辰以新授太子賓客王堪爲均王傳堪前爲將作監修太廟違慢罰俸及授太子賓客給事中李固言曰調護之重不宜坐馳慢以居之故再有此命

開成元年四月壬申帝御紫宸殿問宰臣李石曰有何人候對石曰有令狐楚鄭肅等石奏曰陛下今日令諸有司官各以公事面奏未知決事之時對臣與

單伏候臣等退帝曰有司公事見亦無爽帝曰吏部中事非遷才安得撫實無濫且欲變更得否石曰縣令錄事參軍改變卽得諸官且循舊爲便帝曰選曹豈辨賢愚但若配官耳乃詔兵部侍郎知銓事崔鄆尚書右丞知銓事鄭肅問曰縣令錄事參軍如何比擬曰資序相當省問其爲官之道堪卽注擬帝曰依資合得才不堪者如何鄆曰與遠處慢惡官帝曰若以遠地爲慢惡與不堪者卽遠人何若也殊可哀憫尤須擇良吏處之帝曰朝廷求理遠近皆須得人苟用非其才何繇得理宰臣對曰陛下求理意深百司迷職至少今悉令有司官候對一一處分卽何憂不理皆稱賀而退又召御史中丞李玘兵部尚書判戶部王超禮部侍郎高錯鴻臚卿李達司農卿李玘等各問本司事帝曰朝廷事在衆官戮力同心方得必理勉務躬親公事

六月丙寅宰臣奏事於紫宸殿鄭覃等奏南省闕丞卽請用秘書監張仲方帝曰中臺郎朝廷重選仲方爲京兆尹華州刺史不聞其政苟授之如有政者何帝前以渾鍼勳闕之家疑其昧於政事將不與郡宰臣亟請之今又以仲方官業無聞不得在丞郎之選

宰臣等稱賀而退

二年二月帝御紫宸殿謂宰臣曰且聞外郡甚有無政處鄉亦知否李固言曰臣見說鄧州王堪衰老頗甚隨州鄭襄亦無政術帝曰王堪豈不是貞元中御史否時三院御史只此一人猶在又問唐州是趙蕃否宰臣皆曰是鄭覃曰王堪臣見是舊人舉爲刺史鄭襄比來守官亦無敗事若言外郡不理臣亦更有所聞事未詳審不敢指說宰臣退召起居張次宗問刺史次宗曰王堪實衰老恐須與替御史中丞狄兼謩奏本司事帝亦以三郡訪之兼謩曰王堪比亦康

直但耄已及之鄧州疆土缺館驛多須才力任持方可集事又數道防秋兵路出鄧州饋餉之繁不供是懼唐州趙蕃未聞有過隨州趙襄臣素不職又問鄧州有何土產對曰所出止於鹿紬絹與數種藥列在貢籍至如南都賦穰橙鄧橘亦無其實蓋以兼謩嘗爲鄧州刺史

三年十一月癸酉帝御紫宸殿問宰臣曰天寶不治當時姚宋在否李珣曰此時姚亡宋罷珣又曰玄宗謂羣臣曰我自卽位不曾枉誅一人不知任李林甫破人家不少陳夷行曰陛下不可移權與人多時楊

嗣復曰夷行此言未了并惑陛下頃太宗用房玄齡
十六年魏徵十五年何嘗有變臣以爲用房魏多時
不爲不理用邪佞一日亦不可耳帝曰丁居晦作中
丞何如因悉數大臣而品第之嘆曰宋申錫堪任此
官惜哉又曰牛僧孺可爲大夫宰臣鄭覃曰頃者中
丞未嘗搏擊恐無風望帝曰不然鸞鳳與鷹隼事異
帝又曰居晦作得此官朕曾以時諺謂杜甫李白輩
爲四絕問居晦居晦曰此非君上要知之事朕嘗以
此記得居晦今所以擢爲中丞

宣宗大中元年正月赦節文古者郎官出宰公卿理
郡所以重親人之官急爲政之本自澆風興扇此道
稍消頡頏清途便至顯貴理人之術未嘗經心欲使
究百姓艱危通天下利病不可得也朕爲政之始思
厚時風軒墀近臣蓋備顧問如其不知病苦何以應
朕訪求自今後諫議大夫給事中中書舍人未曾任
刺史縣令或在任有敗累者委宰臣不得進擬
後唐莊宗同光二年二月南郊畢制曰共理者太守
之官親人者縣宰之任戈鋌稍彈政術爲先刺史縣
令有勸課農桑招復戶口增加稅額檢勘不虛委本
道觀察使條件奏聞當加進陟如貪墮不理害及於

人者速便停替務於葺養稱朕意焉况親人之官無先於令錄致治之道必擇於才能苟選任不自於朝廷則恩澤全歸於侯伯近日諸道奏請授官人數轉多闕員全占交隳體例須正條綱委中書門下舉舊例條理奏聞刺史總一州之政縣令專百里之權至於糾督之司竝爲親人之任僞朝取士多不擇才蓋自藩方奏論因及權勢囑託公行賄賂蔑顧典章到官惟務於誅求在任莫司於葺理或聚蓄更希後任或措歛以報前恩上下相蒙遠邇爲害生靈困弊職此之繇自此牧守令錄之官委中書門下精加選擇至於三銓注擬亦在審詳吏能如貪猥有聞不得更受令錄及到官後委本道觀察使切加銓轄仍勒本州判官專爲察訪如掩贓罪不具聞奏豈爲獨罪本官兼亦累及長史

晉高祖天福四年四月以右驍衛大將軍李從朗領楚州防禦使從朗前朝宗子帝之姻屬也唐淑妃王氏累爲請命懇求郡寄帝以前歷四州不聞其政故與其名錫其俸而著於班不令釐事

周太祖廣順元年九月丁亥以司封員外郎桑能爲鳳翔少尹殿中侍御史竇元靖爲京兆少尹司門員

外郎宋曙爲陸渾令工部員外郎易弼爲贊善大夫
右補闕高守瓊爲登封令桑能維翰之庶弟也元靖

貞固之庶兄也

先是晉命將終漢宣初建三署清華之地雜冗屑無才行者處之歲蒲序

遷漸至華顯有職者耻與之爲伍蓋當塗者不慎小官也至聖朝出此數人而擢英翹之士簪纓之間賢不肖始似有區別矣

世宗顯德二年正月甲戌帝謂侍臣曰去歲濟州臨
邑民來訴災瀰尋命使臣遍與通檢所望供輸咸得
均濟昨聞廣種植戶民不欲通檢咸忿其訴災者至
有潛焚其家產者朕自聞之極深軫憫侍臣對曰時
季以來民多疚惡帝曰非民之狡蓋朕治之未至亦

猶親人之官未當耳此後尤宜精求令長免使黎民
受弊

七月丙戌帝謂侍臣曰藩郡賓職下至今錄皆親吾
民事任非輕也所宜歷試求人委之共理宰臣奏曰
人有雖負文學不能幹事者有藝不及人能幹事者
有貌鄙言訥通理道者有奇資辨言昧時務者求人
之道自宜爲難帝曰豈朕不及前代明王何奇材名
士未盡出邪

冊府元龜

巡按福建監察御史臣李嗣京 訂正

新建縣舉人 臣戴國士參閱

知建陽縣事 臣黃國琦較釋

帝王部 七十

務農

禮記曰天子親耕於南郊以供粢盛周禮地官遂大夫之職正歲簡稼器修稼政號文公曰民之大事在農上帝之粢盛於是乎出民之蕃庶於是乎生王符曰國之所以為國者以其有民也民之所以為民者

以其有國也故曰所寶惟穀又曰食為民天是知食
居八政之先穀乃六府之一天下之本其惟農乎先
王繇是申勞農之典立勸桑之制或下詔以敦勉或
設官以案行重其力則俾之孝悌同科惜其功則不
使小罪徵召此皆務農之深旨也故賈誼曰積貯者
天下之大命也苟粟多而財有餘何為而不成以攻
則取以守則固以戰則勝管子曰倉廩實知禮節衣
食足知榮辱則知王者務農之道其太平之本歟
神農氏斲木為耜揉木為耒耜耨之利以教天下天
下號曰神農氏

帝堯命羲仲寅賓出日平秩東作寅敬賓導秩序也歲起于東而始就
耕謂之東作東方之官敬導出日平均以序東作之事以務農也舉棄為農師天下
得其利

帝舜命棄曰黎民阻饑汝后稷播時百穀阻難播布時是也衆
人之難在于饑汝后稷布種是百穀以濟之美其前功以勉之也

周文王卑服即康功田功言卑其衣服以就其安人
成王親與后世子出觀農事其詩曰曾孫來止以其

婦子饁彼南畝田峻至喜攘其左右嘗其旨否曾孫

土也饁饒饋也田峻司穡也喜攘為饋酒食也為農
人之在南畝者設饋以勸之司耨至則又以酒食饋
其左右從行者成王親為嘗其饋之美否示親之也又率主田之吏使民耕田

而種百穀故作噫嘻之詩曰率是農夫播厥百穀

漢文帝二年九月詔曰農天下之大本也民所恃以

生也而民或不務本而事末故生不遂衣食乏絕致有大喪故不

遂其朕憂其然故今茲親率群臣務農以勸之其賜

天下民今年田租之半

十二年三月詔曰道民之路在於務本朕親率天下

農十年于今而野不加辟辟讀日闢歲一不登民有饑色

登成也是從事焉尙寡而吏未加務從事從農事也吾詔書數

下歲勸民種樹而功未興是吏奉吾詔不勤而勸民

不明也且吾農民甚苦而吏莫之省將何以勸焉其

賜農民今歲田租之半

十三年六月詔曰農天下之本務莫大焉今瘞身從

事瘞古勤字而有租稅之賦是謂本末者無以異也本農也末

賈也言農與賈俱出租無以異也故除田租其於勸農之道未備其除田

之租稅

景帝後二年四月詔曰雕文刻鏤傷農事者也錦繡

纂組害女紅者也纂赤組也紅讀日功農事傷則饑之本也女

紅害則寒之原也夫饑寒竝至而能亡為非者寡矣

朕親耕后親桑以奉宗廟粢盛祭服為天下先不受

獻減大官省繇賦省所領切繇音徭欲天下務農蠶素有蓄

冊府元龜 帝王部 卷之七十 三

積以備災害

三年正月詔曰農天下之本也黃金珠玉饑不可食
幣者所以通有無易貴賤也寒不可衣以為幣用不識其終始

歲或有不登意為末者眾農民寡也其令郡國務勸

農桑益種樹可得衣食物樹植也吏發民若取庸米黃

金珠王者坐贓為盜發民用其民庸取用其資以程庸二千石聽與

同罪又食貨志云時宮室列館車馬益增修矣然屢敕有司以農為務民遂樂業

武帝元狩三年秋遣謁者勸有水災郡種宿麥又末

年悔征伐之事廼封丞相為富民侯富民沛郡蘄縣之鄉名也欲百

姓殷實故取其嘉名也下詔曰方今之務在於加農以趙過為

搜粟都尉過能為代田一畝三畝畝瓏也音工免切字或作畝歲

代處故曰代田古法也

元帝元光元年三月詔赦天下令各務農畝無田者

皆假之貸種食

建昭五年三月詔曰方春農桑與百姓戮力自盡之

時也故是月勞農勸民無使後時今不良之吏覆案

小罪徵名證案與不良之事以妨百姓使失一時之

作亡終歲之功公卿其明察申勅之

成帝陽朔四年春正月詔曰夫洪範八政以食為首

斯誠家給刑錯之本也先帝劭農劭勸勉也音時召切薄其租

稅寵其強力令與孝弟同科間者民彌惰怠鄉本者少趨末者眾將何以矯之鄉讀日向方東作時春位

耕者始作故日東作其令二千石勉勸農桑出入阡陌致勞來

之書不云乎服田力穡乃亦有秋農夫服田厲且養力乃有秋收也

其勗之哉

平帝元始元年置大司農部丞一十三人人部一州

勸課農桑

平帝二年定墾田八百二十七萬五百三十六頃蓋

紀漢盛時之數據元始二年千二百二十三萬三千每戶合得田六十七畝百四十六步

有奇也

後漢光武中元二年十二月詔曰方春戒節人以耕

桑其勅有司務順時氣使無煩擾

明帝永平三年春正月癸巳詔曰夫春者歲之始也

始得其正則三時有成比年水旱不節邊人食寡政

失於上人受其咎有司其勉順時氣勸課農桑去其

螟蟥以及蝥賊

章帝元和元年二月詔曰王者八政以食為本故古

者急耕稼之業致耒耜之勤節用儲蓄以備凶災是

以歲雖不登而人無饑色自牛疫以來穀食連少良

由吏教未至刺史二千石不以為負負猶憂也其令郡國

募人無田欲徙他界就肥饒者悉聽之到在所賜給公田爲雇耕庸賃種餉貫與田器勿收租五歲除算三年其後欲還本鄉者勿禁

和帝永元五年九月壬午令郡縣勸民蓄蔬食以助五穀

安帝永初三年七月庚子詔長吏案行在所皆令種宿麥蔬食務盡地力其貧者給種餉

魏明帝時司馬芝爲大司農先是諸典農各部吏民未作治生以要利入芝奏曰王者之治崇本抑末務農種穀王制無三年之儲國非其國也管子書言以

積穀爲惡方今二虜未滅師旅不息國家之要惟在穀帛武皇帝特開屯田之官專以農桑爲業建安中天下倉廩充實百姓殷足自黃初以來聽諸典農治至各爲部下之計誠非國家大體所宜也夫王者以海內爲家故傳曰百姓不足君孰與足富足之繇在於不失天時而盡地力今商旅所求雖有加倍之顯利然於一統之計已有不貲之損不如墾田益一畝之收也夫農民之事田自正月耕種耘鋤條桑耕爨種麥獲禾築場十月乃畢治廩繫橋運輸租賦除道理梁堦塗室屋以是終歲無日不爲農事也今諸典

農各言留者爲行者宗田計課其力勢不得不爾不有所廢則當素有餘力臣愚以爲不宜復以商事雜亂專以農桑爲務於國計爲便帝從之

晉宣帝初爲魏國軍司馬言於魏武曰昔箕子陳謨以食爲首今天下不耕者蓋二十餘萬非經國遠籌也雖戎甲未卷自宜且耕且守魏武納之於是務農積穀國用豐贍

武帝時石苞爲司徒苞言州郡農桑未有賞罰之制宜遣掾屬循行皆當均其土宜舉其殿最然後黜陟焉因下詔曰農殖者爲政之本有國之大務也雖欲

安時興化不先富而教之其道無繇而至今四海多事軍國用廣加承征役之後屢有水旱之事倉庫不充百姓無種古者稼穡樹藝司徒掌之今雖登論道然經國立政惟時所急故陶唐之世稷官爲重今司徒位當其任乃心王事有毀家紓國乾乾匪躬之志其使司徒督察州郡播殖將委事任成垂拱仰辦若宜有所循行者其增置掾屬十人聽取主官更練事業者

秦始皇五年正月癸巳申戒郡國計吏守相令長務盡地利禁游食商販

元帝太興元年詔曰徐揚二州土宜三麥可督令曠地投秋下種至夏而熟繼新故之交於以周濟所益甚大昔漢遣輕車使者紀勝之督三輔種麥而關中遂穰勿令後晚其後頻年麥雖有旱蝗而爲益猶多後魏孝文延興二年四月庚子詔工商雜役盡聽赴農諸州郡課民以種菜果

三年二月登丑詔牧守令長勤率百姓無令失時同部之內貧富相通家有兼牛通借無者若不從詔一門之內終身不仕守宰不督察免所居官

太和元年春正月辛亥詔曰今牧民者與朕共治天下也宜簡以徃後先之勸獎相其水陸務盡地利使農夫外布桑婦內勤若輕有徵發致奪民時以侵擅論民有不從長教墮於農桑者加以罪刑

三月丙午詔曰朕政治多闕災青屢興去年牛疫死復大半耕懇之利當有虧損今東作旣與人須肄業其勑在所督課田農有牛者當勤於當歲無牛者倍庸於餘年一夫制田四十畝中男二十畝無令人有餘力地有遺利

四年四月乙卯幸廷尉籍坊二獄引見諸囚詔曰廷尉者天下之平民命之所懸也朕得惟刑之恤者使

獄官之稱其任也一夫不耕將或受其餒一婦不織將或受其寒今農時要月百姓肆力之秋而愚民陪罪者甚衆宜隨輕重決遣以赴耕耘之業

五年五月庚申朔詔廼者邊兵屢動勞役未息百姓因之輕陷刑網獄訟煩興四民失業朕每念之用傷懷抱農月時要民須肆力其勅天下勿使有留獄久囚

十三年八月詔諸州鎮有水田之處各通溉灌遣匠者所在授

十六年六月甲辰詔曰務農重穀王政所先勸率田疇君人嘗事今四氣休序時澤滂潤宜用天分地悉力東畝然京師之民遊食者衆不加督勸或耘耨失時可遣明使檢察勤惰以聞

二十年五月丙子詔曰農唯政首稷實民先澍雨豐洽所宜敦勵其令畿內嚴加課督墮業者量以楚撻力田者具以名聞

七月丁亥詔京民始業農桑爲本田稼多少課督以否具以申言

宣武正始元年九月丙午詔緣淮南北所在鎮戍皆令及秋播麥春納粟稻隨其土宜水陸兼用必使地

無遺利兵無餘力比及來稔令公私俱濟也

後周武帝建德四年正月壬申詔曰今陽和布氣品
物資始敬授民時義兼敦勸詩不云乎弗躬弗親庶
民弗信刺史守令宜親勸農桑百司分播躬自率道
事非機要並停至秋

隋煬帝大業三年四月丙申北巡狩戊戌勅百司不
得踐暴禾稼其有須開爲路者有司計地所收卽以
近倉酬賜務從優舉

後唐高祖武德五年四月戊辰謂羣臣曰比者兵革
事煩不遑隴畝今諸方畧定軍國無虞太平之基在
於家給人足今茲麥旣大熟宜停庶務每司別留一
二人守曹局餘皆宜休假親事務農流罪以下囚罪
名定者亦放收穫

六年六月乙未詔曰有隋喪亂區宇分離百姓凋殘
弊於兵甲田畝荒廢饑饉薦臻元元無辜墮於溝壑
朕膺圖馭極廓清四海安輯遺民期於寧濟勸農務
本蠲其力役然而邊鄙餘官向或未除頃年已來戎
車屢出所以農功不致倉廩未登永念於茲無忘寤
寐今旣風雨順節苗稼實繁普天之下咸通茂盛五
十年來未嘗有此倉廩之積指日可期時爲溽暑方

資耕耨廢而不修歲功將闕宜從優縱肆力千頃其公私債負及追徵輸送所至處且勿施行尋嘗營造役使工匠事非急要亦宜停止見在囚繫事未決斷傍引支證未須追迫司攝_官務竝宜且停內外官人行署以上量事分播皆盡九月三十日其軍機急速及盜賊之事不在停限州縣牧宰明知勸導咸使戮力無或失時務從簡靜以稱朕意

太宗貞觀四年四月帝以夏麥大稔謂御史大夫蕭瑀曰前代帝王以麟鳳龜龍爲嘉瑞朕以民安年豐爲上瑞公謂若何在位者皆賀

中宗景龍二年七月辛卯勅誠諸州郡督刺史縣令務盡地利禁游食

玄宗開元四年九月壬寅詔曰關中田苗今正成熟若不收刈便恐飄零綠頰差科時日尚遠宜令併功收拾不得妄有科喚致妨農業仍令左右御史檢察奏聞

十二年六月壬辰詔曰有國者必以人爲本固本者必以食爲先先王於是務其三時前聖所以分其五土勸農之道實在於斯朕撫圖御曆殆踰一紀旰食宵衣勤乎兆庶故兢兢翼翼不敢荒寧頃歲以來雖

稍豐稔猶恐地有遺利人多廢業游食之徒未盡歸
生穀之疇未均墾以是軫念遣使臣恤編戶之流亡
閱大田之衆寡至如百姓逃散良有所繇當天冊神
功之時北狄西戎作梗大軍之後必有凶年水旱相
仍適亡滋甚自此成弊於今患之且違親越鄉蓋非
獲已暫因規避旋被兼并旣冒刑網復損產業居且
嘗懼歸又無依積此艱危遂成流轉或因人而止或
庸力自資懷土之思空盈返本之徒莫遂朕處荷丕
構子育萬姓立德非宜而茲弊未革納隍馭朽實切
於心旣深在予之責思弘自新之令其先是逋逃竝
宜自首仍能服勤墾畝肆力耕耘所在闢田勸其開
闢逐土任宜收稅勿令州縣差科征役租庸一皆蠲
放若登時不出或因此更逃習俗或然非以爲法且
阻我誠信是紊我大綱爰及所繇須加嚴限且天下
風壤多有不同地旣異宜俗亦殊習固當因利制事
不可違人立法宜令兵部員外郎兼侍御史宇文融
兼充勸農使巡按人邑安撫戶口所在與官察及百
姓商量處分乃至賦役差科於人非便者竝量事處
分續狀奏聞務令安輯勿使勞繁當行賞罰之科各
竭忠公之力所到之處宣示百姓達我勸人之心

十五年五月丁酉是日夏至賜宰臣及供奉官諸司長官各綵絲先是帝命宮中養蠶親自臨視欲使嬪御已下知女工之事及蠶罷獲絲甚多因以賜焉十六年十月勅曰諸州客戶有情願屬邊緣利者至彼給良沃田安置仍給永年優復宜令所司卽與所管客戶州計會召取情愿者隨其所樂具數奏聞十七年春正月丁酉詔曰獻歲發生陽和在候乃曉疇庶方就農桑其力役及不急之務一切并停百姓間有不穩便事須處置者宜令中書門下與所司喚取朝集使審向商量奏聞

二十一年正月詔其聚衆興役妨時害功特宜禁止以助春事

二十二年五月帝於苑中種麥率皇太子已下躬自收穫謂曰此將薦宗廟是以躬親亦欲令汝等知稼穡之艱難也因分賜侍臣等謂曰比歲令人巡檢苗稼所對多不以實故自種植以觀其成且春秋書無麥禾豈非古人所重也

二十九年制曰古之爲理必順時行令獻歲發春仁氣育物直叶陽和之德以勤播種之務天下諸州委刺史縣令加意勸課仍令採訪使勾當非灼然要切

事不得妄有追擾其今月諸色當審人有單貧老弱者所司卽棟擇量放營農至春末已來並宜准此天寶五載正月詔曰今土膏旣動農事將興丁壯就功不可妨奪其不急之務一切並停

九載七月詔曰農爲政本食乃人天必禾稼之及期遂京坻之厚積是以愛人存乎重穀勤政在乎厚生俗之所資何急於此如聞遠近每至秋中穀禾熟時卽賣充馬藁苟求規利之心殊害生成之性靜言斯弊實資懲革自今已後不得更然其三京及天下諸郡並委所繇長官嚴加捉搦如非成熟不得輒刈犯者量決四十仍榜示要路咸使聞知

十四載正月詔不急之務一切且停待至農閑任依嘗式

肅宗上元二年正月詔王者設教務農爲首今土膏方起田事將興敦本勸人實惟政要宜令天下刺史縣令各於所部親勸農桑

九月詔曰田功在謹農事惟勤不有司存何成種穀諸州等各置司田參軍一人主農事每縣各直置田正二人於當縣揀明閑田種者充務令勸課

元年建卯月御明鳳樓大赦詔其建辰月應蕃曠騎

宜三分量留一分其餘卽放歸營農至建巳月任依
嘗式諸州刺史縣令及司田參軍令設法勸課令其
耕種不得失時貧不支濟戶仍方圓處置量事借貸
務令存立歲終巡案量其功效

代宗永太元年正月朔大赦制曰農政本也食人天
也方春之首重於東作除軍興至急餘一切並停令
百姓專營農事其逃戶復業及浮客情愿編附者仰
州縣長吏親就存撫特矜賦役全不濟者量貸種子
務令安集

大曆十三年正月壞京畿白渠磴八十餘所以妨
農業也帝思政理之本務於農人以田農者生民之
源苦於不足磴礮者興利之業主於並兼遂發使行
具其損益之繇僉以爲正渠無害支渠有損乃命府
縣凡支渠磴一切罷之時昇平公主上之愛女出降
駙馬都尉郭曖有磴兩輪并曖父子儀有磴兩輪並
在支渠內公主聞之不時入謁乞留此磴帝曰公主
曰吾爲蒼生爾識吾意可爲衆先公主遂卽日毀之
由是諸磴不令而毀者非一百姓便之自去冬少雪
是日雨雪豐霈咸以爲聖感

德宗貞元五年五月初以二月一日爲中和節詔文

武百辟進農書獻種桂

六年二月戊辰朔中和節百寮始進兆人本業三卷
司農獻粟及黍各一斗

二十年詔曰理化之本繫乎京師副朕憂人屬於長
吏宜勉務農桑各安生業以輸朕懷

憲宗元和七年四月詔曰農桑切務衣食所資始聞
閭里之間蠶織猶寡所宜勸課以利於人諸道州府
有田戶無桑處每檢一畝令種桑兩根勒縣令專勾
當每至年終委所在長吏檢察量其功具殿最奏聞
兼令兩稅使同訪察其桑仍切禁採伐犯者委長吏

重加責科

穆宗長慶二年二月勅以修築河陰院恐妨農務罷
之

文宗太和二年二月勅李絳所進則天聖后刪定兆
人本業書三卷宜令在所州縣寫本散配鄉閭

開成元年十二月壬子御紫宸殿謂宰臣曰深以宿
麥爲憂今日東風應卽有雪鄭覃對曰正月得之亦
未爲晚

武宗會昌元年四月勅勸課種桑比有勅命或能增
數每年奏聞如聞都不遵行恣爲剪伐列於市肆貨

作柴薪自今州縣切宜禁斷

宣和大中元年二月制應天下逃戶見在桑田屋宇等多是暫時東西便被鄰人與所繇等計會雖云代納稅錢悉將斫伐毀拆及願歸復多以盪盡因致荒廢遂成閒田從今後如有此色勒鄉村耆老與所繇并鄰近等同田產人且爲佃蒔與納稅錢如五年內不來復業者任便收租佃者爲主逃戶不在理論之限其屋宇桑田樹木等權佃人逃戶未歸五年內不得輒有毀除斫伐如有違犯據根口量情科責并科所繇等不檢校之罪

二年正月制云君以人爲本人以食爲天有國有家捨此無急如聞州府之內皆有閒田空長蒿菜無人墾闢與其虛棄曷若濟人宜令所在長吏設法召募貧人課勵耕種所收苗子以備水旱及當處軍糧愛念農耕是資牛力絕其屠宰須峻科條天下諸州屠牛訪聞都不遵守自今已後一切禁斷

二月刑部奏牛者稼穡之資邦家所重雖加條約多有違犯今後請委州府縣令并錄事參軍嚴加捉搦如有牛主自殺及盜竊殺者卽請准乾元元年二月五日勅先決六十然後准法科罪其本界官吏嚴加

止絕

五年正月勅畿甸及天下府州應屠牛宜起大中五年五月一日後三年內切加禁斷如郊廟享祀合使者卽以諸畜代之中書奏曰屠牛之禁格令至重此立條流必令禁斷臣等商量應天下諸州府如有牛死便於所在經官陳狀勘驗無他故然後使令就市解剝貨賣不得更將歸私家如有屠牛事發不唯本主抵法鄰里保社並須痛加懲責本縣官吏委刺史節級科罰仍委諸道觀察使各逐所管州縣穩便更別立條制須極嚴峻務令止絕其行勞處亦准此禁斷

從之

後唐明宗天成二年四月駕出北門觀麥初日謂侍臣曰昨日出城詢諸父老苗稼滋潤牛驢皆肥喜形於色朕亦樂之左右皆賀是月蔡州進新繭宣示庭臣

長興元年三月車駕出上陽門觀稼至晚歸宮

二年三月陝州准詔放獵戶歸農

三年三月帝觀稼於郡郊民有父子三人同挽犁來者帝閱之賜耕牛三頭帝顧謂侍臣曰朕昨日以雨霽暫歸綠野遙望西南山坡之下初謂群羊俯而察

之乃貧民耦耕朕甚憫焉范延光對曰陛下輕徭薄賦所以村落之間自勤於稼穡也是時帝哀貧民多無耕牛斲地以種延光以爲勤于稼穡非主上憂民之意歟

九月壬午帝幸南莊初日謂侍臣曰朕見西郊種麥已生民之辛苦深可憫念帝憂民之旨無日暫忘

十二月甲寅詔曰富民之道莫尚於務農力田之資必先於利器器苟不利民何以安近聞諸道監治所賣農器或大小異同或形狀輕怯纔當墾闢旋致損傷近百姓秋稼雖登時物頗賤旣艱難於買置遂抵

犯於條章苟利錐刀擅興鑪冶稍聞彰露須議誅夷緩之則瞻國不充急之則殘民轉甚加以巡檢節級搔擾鄉閭但益煩苛殊非通濟欲使上不奪山澤之利下皆遂畝畝之宜務在從長庶能經久自今後不計農器燒器動使諸物竝許百姓逐便自鑄諸道監治除依嘗年定數鑄辦供軍熟鐵并器物外只管出生鐵比已前價各隨逐處見定高低每斤一例減十文貨賣雜使熟鐵亦任百姓自揀巡檢節級勾當賣鐵場官并鋪戶等一切竝廢鄉村百姓只於係省秋夏田畝上每畝納農器錢一文五分足陌隨秋夏稅

二時送納去

後歷晉漢周皆不改其制

四年三月帝幸龍門七星亭農事方春田民遍野帝見其剗桑稼樹枉駕勞問親自勸課其月辛酉太原石敬瑭進耒耜一具時帝嘗巡幸近郊見農民田具細弱而犁耒尤拙曰農器若此宜其無所獲也因詔河東河北進農具以爲式樣太原首有是進降詔褒之

晉高祖天福二年二月前隴州長吏杜遙進策曰伏見近年百姓頗遇災荒縱納得王租卽不充口食此蓋播種不廣頃畝無餘旣稅外無溢數之苗致民中
有不及之弊且國以民爲本民以食爲天苟百姓不足君孰與足伏請曉示天下應有荒田一任百姓開種候及三年外卽檢炤所開種頃畝多少量納一半租稅所貴家國富饒上下通濟者勅曰闢彼汙萊期於富庶方當開創正切施行往日雖曾指揮漸恐廢墮當在申於勸誘期其樂於豐穰宜令逐處長吏遍下管內應是荒田有王者一任本主開耕無王者一任百姓請射佃蒔三年內竝不在收稅之限
七年二月丙午勅鄧唐隨郢諸州管界多有曠土宜令逐處曉諭人戶一任開墾佃蒔仍自開耕後與免

五年差徭兼仰指揮其荒閒田土本主如是無力耕佃卽不得虛自占吝仍且與招攜到人戶分析以聞少帝開運二年十二月中書舍人陶穀奏竊以稼穡爲生民之天機杼乃豐財之本是以耕根在御王者用三推之儀鞠衣載陳后妃有躬桑之禮則知自天子至于庶人不可斯須忽於農桑也又司馬遷著書曰齊魯之間千畝桑安邑千樹棗其人與千戶侯等伏見近年已來所在百姓皆伐桑爲柴忘終歲之遠圖趨一日之小利旣所司不禁乃積習生嘗苟桑柘漸稀則繒帛須缺三數年內國用必虧雖設法課人種桑且無及也舊木已伐新木未成不知絲綿欲憑何出若以下民方困不可禁之儻砍伐一空所在如是歲或不稔衣食盡忘饑凍逼身須爲群盜圖難於易哲王令猷作事謀始有國嘗務乞留眷覽詢訪輔臣欲望特下明勅之後不得以桑棗爲柴官塲亦不許受納州縣城門不令放入及不得囊私置賣犯者請加重罪勅曰陶穀方思豐國切欲勸農以貿易於柴薪多砍伐於桑棗請行禁絕宜舉科條仍付所司漢隱帝於乾祐元年二月卽位三月殿中少監胡峒上言請禁砍伐桑棗爲薪城門所繇專加捉搦從之

周太祖廣順元年正月勅農桑之務衣食所資一夫不耕有艱食之慮一婦不織有無褐之虞今氣正陽春候當生發宜勤用天之業將觀望歲之心應諸道州府長吏宜勸課耕桑以豐儲積編民樂業仍倍撫綏

二年正月勅諸道府州吏六府允修無先重穀九扈分職厥惟勤農今則東作聿興西成係望我有群后政在養民苟不懈於行春諒倍登於多稼卿分憂事任道俗廉平樹以風聲靡如草偃必汙萊之地竝作百纏游惰之民咸勤四體用洽帶牛之化更彰棲畝

之謹眷倚之懷寤興斯切詔到卿可散下管内勸課鄉縣百姓依時耕種栽接桑棗勿縱遊惰務在精勤三年正月詔曰宜令三京及諸道府委長吏指揮管内人戶勉勤耕稼廣闢田疇勿使蒿萊有廢膏腴之地務添桑棗用資種養之方仍令嘗切撫綏不得輒加科役所貴野無曠土廬有環桑致穀帛以豐盈遂蒸黎之蘇息

世宗顯德二年二月帝曰自古厚農實穀故家給人足近世以來俗尚輕巧若使耕稼者有利游惰者無歸則自然倉廩實衣食足澆浮之風當自息矣宜令

遍示天下厚農桑薄伎巧優力田之夫禁末游之輩
以稱朕意焉

二年八月詔課民種樹其上戶所種每歲須及百本
其次降殺有差又令民每口種韭一畦以助其食

冊府元龜